

652
1974



ქართული ენციკლოპედია

1 9 7 4 6

კოეზია, კროზა

ფრიდონ ხალვაში — დღლილი	
არწივი ნოველა	3
მამია ვარზანიძე — საამუშეთი-	
სოფლო ლექსი	7
შაქრო რომანაძე — იმ არყის	
ხმელთა მოთხრობა	10
ნესტორ მაღაზონია — ლექსები	16
რამაზ სურგანიძე — პაპაჩემის	
ხანკალი დოქუმენტური მოთხ-	
რობა	17
რევაზ ართილაძე — ლექსები	25

ნ ა რ კ ვ ე ვ ი

პარმენ ლორია — იმ სადაც	
ზრომის ციცილი ანთია	30

კრიტიკა და პუბლიცისტიკა

ალექსანდრე ჩავლიაშვილი —	
ალექსანდრე ყაზბეგის შემოქ-	
მედება და თანამედროვეობა	58

კოლმეიკა

ალექსანდრე სამსონია — ერთი	
წერილის გამო	66

წ ე რ ი ლ ე ბ ი

იოსებ ბეჭირიშვილი — სხალ-	
თის ტაძარი — ჩვენი სიამაყე	72
შოთა თოღაძე — კროფენიულ-	
ბეჭნიკური ბანათლების სისტე-	
მაზი მომზადებული კაღრები	83

წიგნის თარო

მამია კომახიძე — კაღრების მო-	
მზადების შესანიშნავი კერა	89

ლიტერატურულ-მხატვრული და
საზოგადოებრივ-პოლიტიკური
შურნალი

საქართველოს საბჭოთა
მწერლების კავშირისა და
აჭარის განყოფილების
ორგანო

ბ ა თ შ მ ი — 1974

ნომერები—დებამერი

რედაქტორი ა. შონია

სარედაქციო კოლეგია: ხ. ახვლედიანი, მ. ვარშანიძე (პ. მგ.
მდივანი), პ. ლორია, ალ. ჩაველიშვილი, ფრ: ხალვაში.

რედაქციის მისამართი: ბათუმი, ენგელსის ქ. № 21.
ტელეფონი — 33-71.

ხელმოწერილია დასაბეჭდად 11.12.74. საბეჭდი 6. საგამომცემლო 5 თაბახი.
შეკვეთის № 5096, ემ 01146, ქალაქის ზომა 60×90, ტირაჟი 2.040.

* * *

საქართველოს სსრ მინისტრთა საბჭოს ბეჭდვითი სიტყვის სახელმწიფო
კომიტეტის მთავარბოლიგრაფმრეწვის ბათუმის სტამბა № 9
(ლუქსემბურგის, 20).

ჟიჲონ ხაჯაუი

დ ა ლ ი ლ ი ა რ წ ი ბ ი

იანვარი ატლანტიკის ტროპიკებში უღრუბლო, მხუთავი სიცხეებით დაიწყო.

ნაშუადღევს მე და კაპიტნის უფროსი თანაშემწე გემის უკანა ერდოზე გავედით, რათა მცირეკალიბრიანი შაშხანიდან ისე, თავშესაქცევად, კიჩოს ზემოთ მოფარფატე თოლიებზე გვესროლა. კაი გაყოლა ვუტკაჩუნეთ, მაგრამ მიზანს ვერცერთჯერ ვერ მოვახვედრეთ და უკანვე დავბრუნდით.

შიგა ტრაპზე ბოცმანი შეგვეჩეხა.

თოფი მე შემომრჩა ხელში და ალბათ ამიტომ ბოცმანი სწორედ მე გადამიდგა წინ.

— მათხოვე ერთ წუთს, — შემეხვეწა.

უცაბედად შევნიშნე, მას მარცხენა წარბი და ქუთუთო, რომელზეც ბატარა ნაიარევი ეტყობოდა, უკანკალებდა. კიჩოსაკენ გაემართა. მეც გავყევი.

გაკვიმულ ბაგირს ზურგი მიადო, ფეხები გაჯგჷმა და ორ-სამჯერ ძალიან მონდომებით გაისროლა, მაგრამ მიზანს ვერ მოარტყა და ხელი უკმაყოფილოდ ჩაიქნია.

თოფი დამიბრუნა.

კაიუტის კარებთან მატროსმა, რომლის სახელიც ჯერ არ ვიცოდი. შემაჩერა და ხმადაბლა მითხრა:

— თქვენ გემზე ახალბედა ხართ. ალბათ არ იცით, რომ ზღვის ტრადიციით მეზღვაურები თოლიას მეგობრად თვლიან. ნუ ესვრით მაგ ფრინველს. თუ შეგნიშნეს, მატროსებს არ ესიამოვნებათ, შეიძლება კიდევ შეგიძულონ ამის გამო.

ჩავფიქრდი. შევწუხდი. თავი დავუქნიე და უსიტყვოდ კაიუტის კარი შევალე.





მეწყინა, რომ ზღვაზე გასვლის პირველსავე დღეებში რიგობა ღვაურისაგან ამნაირი შენიშვნა მივიღე.

ცოტა ხანში ჩემთან იგივე ბოცმანი შემოვიდა. უკვე საღამოებში დღიური საქმე მოთავებული ჰქონდა. ამიტომ ეტყობოდა სალაპარაკოდ იყო ენამოლესილი.

— მე ვიცი წელან მატროსმა რა გითხრათ, — აღლვებით დაიწყო მან. — ნუ დაიჯერებთ. რომ შემეძლოს თლა გავქვლეთდი მაგ კაციქამია თოლიებს.

ხელი მტაცა, ილუშინატორთან მიმიყვანა, მარცხენა წარბზე თითი მიიღო და გააგრძელა:

— ხედავთ ნაიარევს? ეს თოლიამ მიქნა. არ დაიჯერებთ ახლა ამას. აბა მომისმინეთ. ომში დამემართა ეს. ბუქსირი ჩაიძირა და მე უპატრონოდ მოტივტივე კატარლზე ვეგდე დაქრილი. სისხლისაგან ვიცლებოდი. კიდევ რამდენიმე ჯარისკაცი იწვა იქით. საიდანღაც დამაფრინდა ამ დროს თოლია, ჩამკრა ნისკარტი თვალში, მკლავი მოვიქნიე და უმაღლვე გაუჩინარდა. ხელი მოვისვი, თვალი ბუდეში იყო, მაგრამ სახეზე უკვე სისხლი ღვარად ჩამომდიოდა. მალე გვიშველეს, თორემ შეიძლება იმ განწირული დაქრილებისათვის თოლიებს სულ ამოეჭამათ თვალის კაკლები... ჰოდა. ამის მერე თოლიების მტერი ვარ.

მერე თავი ჩაქინდრა, რაღაცა მოიგონა და განაგრძო:

ჩრდილოეთიდან სამხრეთისაკენ ფრინველთა ერთ-ერთი გადაფრენის სეზონი იყო. ჩვენი ტრავლერი „ვარსკვლავი“ ატლანტის ოკეანეში ეკვატორს უახლოვდებოდა.

პროდუქტები, წყალი და საწვავი კარგად მომარაგებული გვქონდა, ამიტომ მატერიკისაგან კარგა მოცილებულ კურსს დავადექით.

იმ დღეს ცა ოდნავ მოღრუბლული იყო, მაგრამ ვერ იტყოდი ამინდი ცუდიაო. ქარი თითქმის არ უბერავდა. მატროსები დღიურ სავემბანო საბუშუაოს მორჩნენ და ახლა ნელ-ნელა კაიუტკამპანიასა თუ დახურულ ბანებზე იყრიდნენ თავს.

ბოცმანს, როგორც მოგეხსენებათ, საქმე არც დღითა და არც ღამით არ დაეღევა გემზე. ჰოდა, მეც ვტრიალებდი დბლა კასრებსა და ბადეთა ხვეულებში.

— ბოცმან, გარეკე ფრინველები გემიდან! — გაისმა კაპიტნის ხმა რადიორუბორში. სწორედ ახლა შევნიშნე როგორ მთლიანად ვადაემრეშებით ხმელეთის ჩიტებს მთელი კიჩო, ანძები, ტრიუმთა თავები, ბაგირები და თითქმის ყველაფერი. ისინი ათასობით ჯდებოდნენ გემბანზე და დიდხანს აღარ აფრინდებოდნენ ხოლმე. ალბათ შორიდან მომავალნი, დაღლილ-დაქანცულნი აქ ისვენებდნენ.

კაპიტანი მართალი იყო. ჩიტები ყველაფერს ასკინტლავდნენ და მერე ძნელი შეიქნებოდა გემის გასუფთავება.

ერთი მაგრად შევიყვირე, მუხლებზე ხელები დავიტკაცუნე, მაგრამ ახლომახლო მსხდომი რამდენიმე ათეული ფრინველის მეტი ვერ დავაბრუნე ადგილიდან.

ეროვნული
ზიგლონიური

ზემოთ ავიხედე, კაპიტანი ხიდურზე აღარ ჩანდა.

გავჩუმდი. მივეყუდე ქიმს მიმაგრებულ ტრაპთან ბაგირის სახელურს და ჩიტების ცქერით გავერთე.

ამ დროს, ანძაზე კარგა ზოზრდილი ფრინველი შევნიშნე. იგი რეიზე, — ანძის წვეროსთან, ჯვარედინად მიჭედოდა ძელზე იჯდა ოდნავ ფრთებმოშვებული, თავჩაქინდრული, ნახევრად თვალმოხუჭული და დინჯად სივრცეს გასცქეროდა.

ეს არ იყო ჩემთვის ცნობილი ზღვის უბრალო ფრთოსანი. გამიკვირდა, თოლიები რომ გემის შორიახლო დაფარფატებდნენ და ჩვეული თავხედობით წვრილი ჩიტების შესასანსლავედ ახლოს ვერ მოდიოდნენ.

ისინი ალბათ დიდი ხანია ამჩნევდნენ არწივს და მისი შიშით ვერ ზედავდნენ გემბანზე შემოფრენას.

არწივს მგონი დაღლილობა ეტყობოდა. ვინ იცის მასაც რა შორი მანძილი გამოეწვო. ახლა ჩუმად, მშვიდად იჯდა ანძის რეიზე და თითქოს ვერც კი გრძნობდა ირგვლივ რაც ხდებოდა.

თოლიებმა თანდათან შეამჩნიეს, რომ არწივი საკმაოდ ჯანმიღებული იყო და რომ ფრინველთა მეფეს ადგილიდან დაძვრა ეზარებოდა.

ამიტომ ზოგიერთებმა, ზღვის პირატებივით, მალულად და სულ უფრო ინტენსიურად დაუწყეს პატარა ჩიტებს გვერდებიდან თავდასხმები. თოლიები, ყოველი შეძთხვევისათვის, ჯერ ისევ კარგა მოშორებულზე დაფრინავდნენ, მხოლოდ ზოგი მათგანი თუ მოწყდებოდა ხოლმე გუნდს და გემბანის ამორჩეულ ადგილს ეძვერებოდა, სწრაფად აიტაცებდა ერთ ან ორ ჩიტს და ზვირთებისაკენ გადაეშვებოდა.

არწივი ისევ ისე მშვიდად იჯდა და სივრცეებს გულგრილად გაჰყურებდა.

თავიდან პატარა ჩიტებსაც ალბათ არწივის ეშინოდათ და მისგან მოშორებულზე სხდებოდნენ, მაგრამ ახლა, როცა თოლიებმა ასე გაამწარეს, საცოდავი ნიბლიები უკვე „მეფის“ ახლოსაც ბედავდნენ ადგილის დაჭერას.

ბოლოს თითო-ოროლა ზედ რეიზეც შემოსკუბდა. ამათ სხვებმაც მიბაძეს.

ხოლო თოლიები, ისე გათავხედდნენ, უკვე გუნდებად იწყეს ბანდიტური თავდასხმები და ზოგიერთმა არწივის მახლობლადაც გაბედა ჩაქროლები.

არწივი კი, მართლაც მტაცებელი და უშიშარი, მიუხედავად შიშისა, ისევ მშვიდად იჯდა.

ამ დროს ერთი თოლია ანძის წვერთან მიფრინდა, აუქროლ-
ლა არწივთან მსხდომ ბელურებს და რა შეატყო არწივი მაინც არ ჯდებო-
ბდა, გაჰკრა და ძირს დაანარცხა ერთი ფრინველი. ეს რომ მეფე ^{ქრისტეშვილი} ~~მეფე~~
ამ შენიშნა, ახლა უკვე მეორე გვერდიდან აცალა არწივს ჩიტი. მესამე
თოლია ამ დროს მალა ჰაერში დასრიალებდა, ალბათ ერთი ჩიტუნია
თავდაც ამოერჩია. უცებ მოწყდა, დაეშვა და სწორედ არწივს შეფარე-
ბულ პატარა ფრთოსანს ეძგერა, მაგრამ არწივმა ელვაზე სწრაფად მოუქ-
ნია მახვილივით მჭრელი ნისკარტი და კისერგაგლეჯილი ფირფატი გემბან-
ზე დაენარცხა. ახლა მეორე მხრიდან მოფრენილ თოლიას გაჰკრა ხმალი-
ვით ალესილი თავისი იარაღი არწივმა და ფრთებდაეკეცილი მსხვერპლი
დაბლა დაუშვა.

თოლიები თანდათან შიშით გაიფანტნენ.

საცოდავი ჩიტუნები, ალბათ მადლობის ნიშნად, საამოდ აყიყვივდნენ
და არწივის გარშემო მოგროვდნენ. აჯდებოდნენ ყველაფერს, ბაგირებს,
სახელურებს, ბრეზენტის ნახვევს, ანტენებსა და კასრებს.

შორი გზიდან მომავალ არწივს მართლაც დიდი დაღლილობა ეტყო-
ბოდა (ვინ იცის, იქნებ იგი კარგა დაბერებულიც იყო), მაგრამ ამ ყია-
მყრალი თოლიების თავგასულობამ ისე გამოიყვანა მოთმინებიდან, რომ
ვეღარ შეძლო თავის შეკავება.

შეეყუარებდი და მიხაროდა, რომ ჩემი ტრაულერის ანძაზე დაღლი-
ლი არწივი იჯდა და ისვენებდა.

არ მიყვარს ეს გათახსირებული თოლიები, — დაასრულა ზიზღით
ბოცმანმა.

იანვარი, 1974.

ინდ. ოკეანე.

ს ბ ბ მ წ უ თ ი ს ო ფ ლ ო

აი, მეჩეთი, —
 აღმა მიჰქრის მდინარე მისი,
 აი, ტაძარი, —
 ქვე მიჰქრიან მისი ჩანჩქრები.
 როგორ დაკორტნე დედაჩემი, —
 ადინე სისხლი,
 ნახევარმთვარე,
 მძულდა
 და მძულს შენი გამჩენი.

აი, ზეჩეთი, —
 ვარსკვლავები ცაზე აწყვია,
 ალლაპის ხელით დაწმენდილი და მოკრიალე.
 ვით გემონე და
 ვით მოგანდე სული ყმაწვილმა,
 სული მგზნებარე,
 ზე მლტოლველი და მომკივანი.
 არ გახსოვს განა ვინ წამართვი ყრმას პირტიტველას,
 დმერთო, ეს შენ ქმენ,
 და გამიპე სული მე ორად?!
 აღარ გიწამებ არასოდეს,
 და ვეტყვი ყველას...
 „ინანებ ბაღლო!“
 ხვამ მზარაგმა გამიმეორა.
 ტაძარმა მიხმო.... სული ჩემი მას მივაბარე.
 „მომენდე ყრმამ!“ —
 ხმა ჩამესმა წმინდა, დედური.
 ასე დავტოვე ალლაპი და ნახევარმთვარე,
 ასე დავტოვე ყურანი და...

ბედს არ ვემდური.
ჟამნი ნქრეულან...

ლექსით ვლოცავ ჟამთ მიმოქცევას,
ღიად სიბრძნეთა ჩემი ქვეყნის ვდგავარ ტარიგად,
და ვარსკვლავეთში იფურჩქნება ჩემი ოცნება,
ქაჯეთის ციხე ჩვენც დავლენწით, ჩემო ტარიელ!
...აი, მოხუცნი, —

ჰგვანან ხეებს ფესვებ შემომხმარს,
მთრთოლვარე ხმებით შეყუყუულან გულში ზეჩეთის...
ჰე, მეგობარო,

ცივი გულით აქ თუ შემოხვალ,
შენ არ აგცდება სიძულვილის მკაცრი ბეჭედი...
აგერ, გრიალებს,

ზღვა გრიალებს მეტად მშფოთვარე,
თრთოლვით უცქერენ: — „ყოველივე ღმერთის ნებაა!“
რასმეს ჩიოდნენ,

და გულისას რასმეს მოთქვამდნენ,
ძრწოდნენ ღვთის წინა,

მათი სული ვით ღმერთს ებარა.
ჰეი, მოხუცნო,

განა რომელს არ უფიქრია
ამ მშვენიერთა არსების სად არის სათავე.
საუკუნენი მიჰქრიან და

სადღაც მიჰქრიან,
ამ ჩემს სამყაროს, ფერად-ფერადს, რა გაათავებს!
ცვალებადობას არ აქვს ბოლო,

თქვენ რა გადარდებთ,
თქვენ ნუ გაშინებთ მრისხანება ქვესკნელ-ზესკნელის,
წაართმევს რაღაც,

და მშვენიერებას ისევ გადასდებს,
მზე ჩაინთქება...

და ხვალ ისევ ღიად მზეს ველით.
ჰეი, მოხუცნო,

სუნთქეთ ლაღად და ილაღობეთ,
არა, არ არის სხვა სამოთხე, არ დავაჯერონ.
ჰეი, მოხუცნო,

გაუსწორეთ თვალი მაღლობებს,
დღეს სამეუფო საბრძანისზე ჯდება ანჯელო.
ყელსახვევების აღის ბრიალს,

სიმღერის გუგუნს
ყური მიუგდეთ...
თქვენც ანთეთ სიბრძნის ლამპარი,
ჰეი, მოხუცნო,
შეუერთეთ ყაყაჩოთ გული,
და დაიბრუნეთ გაზაფხული; — ფერთა ზღაპარი.
ჰეი, მოხუცნო,

მარადისად იბრწყინებს მზე და
მარადიულად იბიბინებს კორდები მწვანე,
ხელაპყრობილნი რად შესცქერით მუდარით ზენას,
საწუთროს ჩვენის სილამაზის სიბრძნე იწამეთ.

ჰექა-ქუხილიც იქნება და
თოვლი და წვიმა,
წარღვნაც იქნება, — დაეშვება მთიდან შვავები.
მარად იქნება, რაიც გაჩნდა ტყუბად და წყვილად,
არ შეიძრება დედამიწა მარად შავებით,
არ შეიცვლება კოსმოსური რივი და წესი,
და ნულარ ჰმონებთ ცას ბავშვური აკანკალებით!..
მე განმირიდეს, —

განახლების მეტრფე და მწყემსი,
და საღვთიუროს ჩურჩულით და წყლიან თვალებით,
ლოცვად აღზევდნენ,

გულით წმინდით უმხურვალესით.
მე კი ვგალობდი საამსოფლოს გულით და ლექსით.

შაქრო რომანაძე

ომ სრუის ხმსთან

ავტომანქანაში ოთხნი ვისხედით: პოლკოვნიკი, უმცროსი ლეიტენანტი, მძღოლი და მე. პოლკოვნიკი ჯმუხი, მკვრივად ნაგები კაცი იყო. პირზე ერთთავად ღიმილი დასათამაშებდა. იგი ორი თვის წინათ დაგვინიშნეს პოლკის პოლიტგანყოფილების უფროსად. მზით გარუჯულ, პირტიტველა მძღოლის გვერდით იჯდა, მე და უმცროსი ლეიტენანტი კი უკანა სავარძელზე ვისხედით.

პოლკოვნიკი უადრესად გულისხმიერი, კეთილი ადამიანი იყო და ამ ორი თვის განმავლობაში, რაც იგი ჩვენს ნაწილში მოვიდა, ერთბაშად შეიყვარეს ჯარისკაცებმა, თითქმის მთელი პოლკი პირადად იცნობდა და ძალიანაც აფასებდა. იმ ბატალიონში, სადაც მე ვმსახურობდი, პოლკოვნიკი პირველად მოვიდა, თან ახლდა უმცროსი ლეიტენანტი, პოლკის კომკავშირის ორგანიზაციის მდივანი.

ისინი ჩვენთან ორ დღეს დარჩნენ და, რომ იტყვიან, ძირფესვიანად შეამოწმეს ბატალიონი, გაიგეს ვინ რითი სუნთქავდა.

მეორე წელია ჩვენი ბატალიონი პოლკში საბრძოლო და პოლიტიკური მომზადების წარჩინებულის სახელს ატარებს და ახლაც ასეთი შეფასება მოგვეცეს.

და აი ახლა ისინი კმაყოფილი ბრუნდებოდნენ პოლკის შტაბში.

ჩვენი „ვილისი“ უკრაინის გაშლილ ველზე, ზღვასავით მობიბინე პურის ყანაში გამავალ, ისარივით გატყორცნილ გზაზე მიჰქროდა.

მოულოდნელად პოლკოვნიკი მომიბრუნდა და მითხრა:

— ამხანაგო ვერულიძე, ბატალიონში, სადაც თქვენ მსახურობთ, უდიდესი ნდობა გამოგიცხადეს — პირველადი პარტიული ორგანიზაციის მდივნად აგირჩიეს. მე იმედი მაქვს, ამ დიდ ნდობას გაამართლებთ. რიგითი ჯარისკაცი ხართ, მაგრამ კომუნისტის საპატიო სახელს ატარებთ...

თქვენ ახლა მარტო საკუთარ თავზე კი არ უნდა აგოთ პასუხი, არამედ მთელ ბატალიონზე.

პოლკოვნიკი ლაპარაკობდა, მე კი განაბული ვუვლებდი ყურსენი და ვიზუალიზაციას ვიკეთებდი.

ერთ პატარა სოფელში შევედი. სოფლის ცენტრში, გზის პირას, ხეზე ზურგით მიყრდნობილი კაცი დავინახეთ, რომელიც ყავარჯენს დაყრდნობდა და გარინდებული ჩასცქეროდა მიწას.

პოლკოვნიკი მანქანიდან გადმოვიდა, იმ კაცს მიუახლოვდა, ხელი ჩამოართვა და მოიკითხა... მალე მათ შორის ასეთი დიალოგი გაიმართა:

— სად დაკარგეთ ფეხი?

— ომში.

— სად იბრძოდით?

კაცმა რაღაც უპასუხა. კარგად ვერ გავარჩიე რა უთხრა.

— პო, ყველაფერი გასაგებია! — ხმამაღლა თქვა პოლკოვნიკმა, ჩამოართვა ხელი, გამოეთხოვა და მანქანისკენ წამოვიდა. გზა განვაგრძეთ. რამდენიმე კილომეტრი ისე გავიარეთ, პოლკოვნიკს ერთხელაც არ გაუღია ხმა, იჭდა თავჩაქინდრული, შუბლშეკრული და დუმდა.

„ნეტავი რა დაემართა?“ — გავიფიქრე და ჩემს გვერდით მჯდომ უმცროს ლეიტენანტს გადავხედე.

თითქოს განაფიქრს მიმიხვდაო, უმცროსმა ლეიტენანტმა შემომხედა, მერე პოლკოვნიკს მიუბრუნდა და ჰკითხა:

— ამხანაგო პოლკოვნიკო, ცუდად ხომ არ ხართ?

პოლკოვნიკმა მოაბრუნა თავი, დაღლილად შეხედა და ძლიერ გასაგონად ჩაილაპარაკა:

— გული მტკივა...

— თქვენ და გულის ტკივილი? — გაეღიმა უმცროს ლეიტენანტს. — აბები გაქვთ?

— გულის წუხილის? — ნაძალადევად ჩაიღიმა პოლკოვნიკმა, — არა, წამალი ვერ მიშველის ახლა... წარსული გამახსენდა და იმიტომ ამტკივდა გული.

ამის შემდეგ კარგახანს არცერთს არ ამოგვიღია ხმა. ჩვენ-ჩვენს ფიქრებში ჩავიძირეთ.

მანქანა ამჯერად არყის ხის ხეივანში მიჰქროდა. მძღოლმა, აქაო და ჩაფიქრებული პოლკოვნიკი არ შევაწუხოო, სვლას უკლო. ნელა მიმავალი მანქანიდან ახალგაზრდა ქალ-ვაჟი შევნიშნეთ, რომლებიც ხელიხელ ჩაკიდებულნი ტკბილად მისაუბრობდნენ. პოლკოვნიკმა თვალი გააყოლა მათ, მერე რატომღაც ჩემსკენ შემობრუნდა.

— ეტყობოდა, ბედნიერი წყვილი იყო, როგორ მისაუბრობდნენ, არა? შეყვარებული ხომ არ გადარდებს, ჯარისკაცო?

გავწითლდი, თვალი ავარიდე და წყნარად ვუთხარი:

— იმდენად არა, ამხანაგო პოლკოვნიკო.

— ახალგაზრდობა, სხვა რომ არაფერი, მარტო იმისთვის ვარაუდობ, რომ შეგიძლია შეიყვარო. სიყვარული კი კარგი რამაა, კარგი მძღოლმა ჩაიღიმა და მხრები აიჩეხა.

პოლკოვნიკი კი განავრძობდა: — თქვენ მალე მოიხდით სავალდებულო სამხედრო სამსახურს, წახვალთ სახლში და... მე არასოდეს გისურვებდით, თოფი აგელოთ ხელში...

— თუ სამშობლოს დასჭირდა?

— თუ სამშობლოს დასჭირდა... — გაიმეორა პოლკოვნიკმა და მოულოდნელად იფეთქა: — საქმეც მანდაა, რომ სამშობლოს, სამშობლოს არ უნდა დასჭირდეს, ჩვენს სამშობლოს არ სურს ომი და სისხლისღვრა, ჩვენს ჭეყანას შშვიდობიანად სურს იცხოვროს, ჩვენ ვცდილობთ მსოფლიოს ომის საფრთხე ავაცილოთ. აი რატომ არ გისურვებთ ხელმეორედ სამსახურს არმიაში.

— გასაგებია, ამხანაგო პოლკოვნიკო.

იგი მცირე ხანს სდუმდა, მერე მკითხა:

— შენი შეყვარებული კარგი გოგონაა?

ამ მოულოდნელმა შეკითხვამ, ცოტა არ იყოს, დამაბნია.

— ისე რა, ამხანაგო პოლკოვნიკო, მე კი მომწონს და...

— მოგწონს არა? — გაეცინა მას, — მუშაობს?

— არა, სწავლობს.

— შინ რომ დაბრუნდები, ალბათ, იქორწინებთ... ბედნიერებას გისურვებთ.

— გმადლობთ, ამხანაგო პოლკოვნიკო.

ამის შემდეგ ერთხანს ისევ მდუმარედ განვავრძობდით გზას.

— შეაჩერე მანქანა! — მოულოდნელად გავიგონეთ პოლკოვნიკის ხმა და შევკრითთ.

მძღოლმა გზიდან გადაუხვია და მანქანა ვეება ხის ძირას შეაჩერა.

პოლკოვნიკი მანქანიდან ჩამოვიდა და ტყეში შემავალ ბილიკს გაუყვა.

მანქანიდან ჯერ უმცროსი ლეიტენანტი ჩამოვიდა, მერემე მე და მანქანის გასწვრივ ბოლთის ცემა დავიწყეთ. მე სიგარეტს მოვუკიდე. უმცროსმა ლეიტენანტმა გაზეთი გაშალა. კარგახანი რომ გავიდა და პოლკოვნიკი არ გამოჩნდა, უმცროსმა ლეიტენანტმა მკითხა:

— რამე ხომ არ უჭირს, ნეტავი? წავიდეთ, ვნახოთ, იქნებ უჭირს რამე.

ჩვენ აჩქარებული ნაბიჯით წავედით იმ მიმართულებით, წელან პოლკოვნიკი რომ წავიდა. სამიოდე მეტრი რომ გავიარეთ, თვალი მოვკარიხ პოლკოვნიკს, იგი ერთ, ქოლგასავით გაშლილ, ვეება მუხის ძირას იდგა,

ხელები გულზე დაეკრიფა და დაბინდული თვალებით იცქირებოდა
ლაც შორს.

ფეხის ხმაზე მოიხედა, ახალგაღვიძებულივით შემოგვხედა და
რად იკითხა:

— თქვენა?

— რას უტყერდით ამხანაგო პოლკოვნიკო? — ჰკითხა უმცროსმა
ლეიტენანტმა.

— აქ ერთ დროს გერმანელების საკონცენტრაციო ბანაკი იყო. აქ, ამ
ტყეში ვერ ნახავდით ვერც ერთ ხეს, ტყვიით რომ არ ყოფილიყო დაკო-
დილი, თუმცა ხეს ვინ ჩივა, როცა ადამიანები სიცოცხლეს კარგავდნენ...
1942 წლის აპრილში ცხარე ბრძოლებით ავიდეთ ეს მიდამოები და საკო-
ნცენტრაციო ბანაკიდან გერმანელები გავრეკეთ. მაშინ შეგზარავდა ამ
ტყეში შემოსვლა. გერმანელი ფაშისტები რომ საზიზღარი მხეცები იყვ-
ნენ, ეს კი ვიცოდდი, მაგრამ მაინც... ყოველ ხეზე, ყოველ ტოტზე ჩამოხრ-
ჩობილი ადამიანი ეკიდა და ქარი არწევდა გვაძებს.

მე და უმცროსმა ლეიტენანტმა ჯერ ერთმანეთს გადავხედეთ, მერმე
კი შეთანხმებულებივით დავხარეთ თავი.

პოლკოვნიკი კი განაგრძობდა:

— თითქოს მე ვიყავი ყველაფერში დამნაშავე, თვალი ვერ გავუსწო-
რე ვერცერთ ხეს, ვერცერთ ჩამოხრჩობილს. მივდიოდი მთვრალივით, ბა-
რბაცით, თავდახრილი.

არ ვიცი რამდენით ჩამოვრჩი ჩემს ამხანაგებს, რომლებიც მიცვალე-
ბულებს პატრონობდნენ. ახლა განცალკევებით მინდოდა ყოფნა და ჩემს
ფიქრებთან მარტოდ დარჩენა. მოულოდნელად ვიღაცა შემეხო მხარზე.
გერმანელი მეგონა. მაშინვე გამოვფხიზლდი, მოვტრიალდი და რის გერ-
მანელი! ჩემ წინ წელში მოხრილი, შიმშილისა და ტანჯვისაგან ჩონჩხად-
ქცეული მოხუცი იდგა.

— შეილო, ვინ ხარ შენ? — მკითხა ჩავარდნილი ხმით.

— ვინ ვიქნები? რუსი ვარ, რუსი!

— რომელი რუსი? ზოგიერთი რუსი მტრის მხარეზეა და...

— მე საბჭოთა ჯარისკაცი ვარ.

— ჰო, ფორმა კი გაცვია, მაგრამ... ადამიანები აღარ ინდობა, ვის რა
გული აქვს, რას გაიგებს კაცი.

— არა ბაბუა, მე საბჭოთა ჯარისკაცი ვარ, საბჭოთა ჯარისკაცი და
მტერს ვანადგურებ.

ბოლოს მოხუცმა დამიჯერა.

— ჩემი ყოფილხარ, ჩემი, — გულზე მიმიყრდნო და ატირდა.

— დამშვიდდი ბაბუა, დამშვიდდი! — შევეცადე მის დაწყნარებას, —
საიდან გაჩნდით აქ, ასე მოულოდნელად? ან რას დაეძებთ?



— მე პარტიზანი ვარ, — თქვა მან ყოყმანით.

— პარტიზანი ხართ?

— ჰო, უფრო სწორი იქნება, ვიყავი მეთქი, თუ ვიტყვი, ცოცხალი რომ გადავრჩი და სული მიდგას... გერმანელების შტაბი ავაფეთქეთ და გაქცევა ვერ მოვასწარით. ორივენი დაგვიჭირეს.

— ორივენი? — შევაწყვეტინე მე, — მეორე ვინ იყო?

— მეორე? მეორე კაცია იყო, ჩემი შვილი კაცია!

— რაო? საკუთარ ყურებს არ დაუვუჭერე და შევატყვე როგორ გავფითრდი. მოხუცს ჩავაჩერდი. ღმერთო ჩემო, როგორ, როგორ გამოცვლილა ორ წელიწადში! მე კარგი, ვერ ვიცანი, მაგრამ მან, მან როგორ ვერ მიცნო? ნუთუ მეც გამოვიცვალე? ასე შევიცვალე ვითომ? ომი რომ დაიწყო, კაცია ფრონტიდან საკმაოდ დაშორებით, დეიდასთან დავტოვე ერთ-ერთ სოფელში, მერე კი რა მოხდა, არ ვიცი, ფრონტი თანდათან მიიწვევდა აღმოსავლეთისაკენ, ორჯერ ვიწექი ჰოსპიტალში, კაცის არაფერი გამიგია, წერილებს ვწერდი, პასუხი არ იყო.

— შვილო, ვალოდია! — მხოლოდ ახლა მიცნო მოხუცმა და ხელმეორედ გადამეხვია, ასლუკუნდა.

— კარგი მამა! — დავამშვიდე იგი. — კაცია, კაცია სად არის?

მოხუცმა თვალი ამარიდა, მალულად მოიწმინდა ხელით და სასოწარკვეთილი ხმით მითხრა:

— კარგი, ბიჭო, ნუ გამახსენებ იმ ამბებს, ნუ!

— არა, არა, უნდა მითხრა, მამა! — ჩავაცივდი მე.

მოხუცი იძულებული გახდა განეგრძო:

— შენ რომ ფრონტზე წადი, ერთი კვირის შემდეგ კაცია ბავშვით ჩემთან დაბრუნდა. ორი კვირის შემდეგ კი, როცა ჩვენს სოფელში გერმანელები შემოვიდნენ, ვისაც თოფის აღება შეეძლო, ყველანი ტყეში გავიდნენ პარტიზანებთან. კაციამ ბავშვი დეიდას წაუყვანა და ჩვენთან, ტყეში დაბრუნდა. მერე ის იყო გერმანელთა შტაბი ავაფეთქეთ პარტიზანებმა. მე და კაცია ჩავვარდით. საკონცენტრაციო ბანაკში გავვიყვანეს, ორი კვირა გვაწამეს, მაგრამ პარტიზანთა ადგილსამყოფელი მაინც არ გავთქვით. მერე, როცა იმედი გადაუწყდათ, კაცია არყის ხეზე მიაკრეს თოკით და ჩემს თვალწინ დაცხრილეს ტყვიებით...

პოლკოვნიკმა წამით შეისვენა, ჩაფიქრდა და მერე ხისკენ გაიშვირა ხელი: — აი, ამ ხეზე მიაკრეს კაცია, ამ ხეზე მიახვრიტეს.

მე და უმცროსმა ლეიტენანტმა ძლივს გავუსწორეთ თვალი იმ ხეს და მერე ისევ დავხარეთ...

პოლკოვნიკმა განაგრძო:

— მოხუცი ყველაფერს მომიყვა, მე უხმოდ, უტრემლოდ ვტიროდი. ტიროდა ისიც. მერე ვკითხე: — შენ როგორ გადარჩი?

— მე? აბა რა ვიცი. რამდენჯერ ვინატრე სიკვდილი... ალბათ ღმერთმა
ვერ გაუძღვებდი, თქვენ რომ არ გაგენთავისუფლებინათ ბანაკე-
ერთი საათი რომ დაგგვიანებოდათ, ვერცერთ სულიერს ვერ შეგზავნი-
დით აქ. გერმანელებმა გამორეკეს ბანაკიდან დასუსტებული, დაუძლურე-
ბული ტყვეები და ჩამოახრჩვეს...

მოხუცი იქ, გაუქმებული საკონცენტრაციო ბანაკის ღია ჭიშკართან
გამომეთხოვა და დამპირდა, მართალია, კაცია აღარ არის, მაგრამ ვიდრე
შემეძლება შენს შვილს ვუპატრონებო. მან მართლაც შეასრულა თავისი
სიტყვა.

...უკან გამოვბრუნდით. მოწმენდილ, უღრუბლო ცაზე მზე ჩახჩახებ-
და, ირგვლივ იდგა სიწყნარე, რომელსაც ჩიტების ჭიკჭიკი არღვევდა.

* * *

ზღვის პირას ვხედავ ნაციხარს,
ახლა ქვებად რომ ყრია.
— ამიხსენ, ძველი კაცი ხარ,
აქ რა სულ ჰყვავის ია?

მოხუცმა თავი ასწია,
კითხვაც ეამა თითქოს:
— თამარი მდგარა აქ, ძიავ,
პირმზე თამარი თვითონ.

რა დრო, რა ხანი დასძლია,
ახლაც სულს და გულს გვითბობს...
სახელი დიდი განძია,
მაგრამ დიდ ფასსაც ითხოვს!

* * *

თითქოს გატეხილა
ცაში დევის კოკა.
მე აქ ბუხრის პირას
ვზი და ფიქრმა მომკლა:

— გზაში რამდენ ყმაწვილს
მოუსწრო და აწვიმს!
— თუ ზვავია მთაში?
— თუ ზვავშია ბავშვი?..

რამაზ სუჩბანიძე

ვანანის ხანჯალი

გურიის 1841 წლის ცნობილი გლეხთა აჯანყება რომ ჩააქრო, მეფის ხელისუფლება შეუდგა მოთავეებთან და მონაწილეებთან ანგარიშის გასწორებას. ჯანყში აქტიურად მონაწილეობდნენ ასკანელი გლეხები მამუკა და ალექსანდრე ანთაძეები. პირველს, შპიცრუტენებით დასჯის შემდეგ, სასამართლომ 10 წლით ბობრუსკის პატიმართა ასეთლში გაგზავნა მიუსაჯა, ხოლო მეორემ თურქეთში გაქცევით უშველა თავს.¹

ცხადია, ცარიზმი არც აჯანყების მონაწილეთა ოჯახების მიმართ დარჩენილა გულგრილად. მათ ხშირი ეგზეკუციით ავიწროებდნენ, ზოგს გადასახლებით და ფიზიკური მოსპობითაც ემუქრებოდნენ, რის გამო ბევრი მემბოხის აწიოკებული ცოლ-შვილი იძულებული გახდა საქართველოს მიუვალი კუთხეებისათვის შეეფარებინა თავი. ზოგი რაქა-ლენჩხუმში და სვანეთში გაიხიზნა, ზოგმა კი მეზობელ აქარას შეაფარა თავი.

ახალციხელ ათაბაგთა უკანასკნელი მოჰიკანის იესე ჯაყელის შვილი-შვილი ზვიადი ჰელიმ-აღა სახლის აივანზე იჯდა, ყალიონს აბოლებდა და კალოზე პურის მლეწავ გლეხებს ადევნებდა თვალს, რომ ეზოში გაქაფული ცხენი შემოაგელვა მხედარმა.

— ლაშას ტყის ბოლოს, ვანგეშას ტბასთან უცხო ყმაწვილი ვნახეთ, ადავ. აქაური არ უნდა იყოს. შიმშილისა და უძალობისაგან ლაპარაკის თავიც აღარ აქვს.

¹ ი. სიხარულიძე, გლეხთა აჯანყება გურიაში 1841 წელს. ბათუმი, 1956. გვ. 81-82. (საქ. ცსია ფ. 548, ს. 708, ფურც. 73).



— აქეთ მომგვარეთ! — ბრძანა ჯაყელმა და გლეხებმა ჩვილმეტროლე წლის, ტანსაცმელშემოძარცული, თმახუჭუჭა, ფერმკრთალი ბიჭი შემოიყვანეს ეზოში. დაგლეჯილი სამოსის შიგნით დასისხლიანებულნი იყვნენ მოუჩანდა.

ბიჭი დააბურეს, დაბანეს. ტანსაცმელი გამოუცვალეს. ექიმბაშმა მესხიშვილმა იარებზე მალამო წაუტეხო და შეუხვია.

ნაშუალამევს სტუმარი გონს მოვიდა. ოთახში მყოფნი სმენად იქცნენ. აქვე იყო ჰელიმ-ალაც.

— ვისი გვარისა ხარ, შვილო! — ჰკითხა მან მოულოდნელობით გაკვირვებულ ახალგაზრდას.

ჰაბუკმა თავი ასწია, ირგვლივ მიმოიხედა, ყველანი შეათვალიერა და გაუბედავად თქვა:

— მე ჰელიმ-ალას პირადი სტუმარი ვარ, ბაბუ!

ოჯახის უფროსმა თვალით ანიშნა იქ მყოფთ. ყველანი გავიდნენ. სტუმართან მარტო ჰელიმ-ალა დარჩა.

— სოფელ ასკანიდან ვარ ალა-ბატონო, ალექსანდრე ანთაძის შვილი. სახელად ესტატეს მეძახიან. მამაჩემი გლეხების ჯანყს თავაკაცობდა. მთავრობამ ხალხი გაჟლიტა, სახლები დაგვიწვა, ბაბამ ოსმალეთში გაქცევა მოასწრო. ჯარისკაცებმა ჩვენი ოჯახები ააწიოკეს, სიკვდილით გვემუქებოდნენ. ვიცი, რომ თქვენ დიდი კაცი ბრძანდებით, თავადი... — ჰაბუკმა ნერწყვი გადაყლაპა — მაგრამ გულმა მაინც სანდო მეზობლებისაკენ გამომიწია. იქნებ აქედან მამაჩემის კვალსაც მივაგნო და თავიც გადავირჩინო...

მასპინძელი ერთხანს დუმდა. შემდეგ ლტოლვილს აღმაცერად შეხედა, გრძელ უღვაშზე თითები გადაისვა და ბიჭს უთხრა:

— ხელმწიფის წინააღმდეგ ხელის აწევა კანონითაც ისჯება და ღმერთითაც, ახალგაზრდავ. ჩემმა გლეხებმა რომ ის ჩაიდინონ, რაც მამაშენმა და მისმა მეზობლებმა, — ხმას აუმაღლა ალამ, — დედაბუდიანად ამოვუჯუჯავ ყველას. ყმა და გლეხი იმისთვისაა გაჩენილი, რომ ბატონს ემსახუროს. შენ დილეგში ჩასაგდები ხარ, მაგრამ, — თვალი თვალში გაუყარა ჰაბუკს, — ჩემთან იცხოვრებ, ხელს ვერავინ დაგაკარებს... ჩვენთანაც არიან ასეთი ურჩები... ჰოდა თუ ამ გლეხებთან მოიწადინებ დაახლოებას, შენი მოჭრილი თავი პერანგას სერიდან ასკანაში ჩასვლამდე იგორებს.

* * *

ცხოვრობდა ტატე (ასე ეძახდნენ მას) ჯაყელებთან სოფელ ქალაში. ჰელიმ-ალა ფრთხილად ადევნებდა თვალს ხიზანს. მაგრამ არაფერი შეუმჩნევია მისთვის საექვო, ყველა ოჯახი საპატიო წევრად თვლიდა. არავის მოსვლია აზრად მისი წყენინება, ზრდილობიანი ყმაწვილი იყო.

ორიოდე წლის შემდეგ აჭარაში სულთნის შიკრიკმა ახალი ამბავი
იტანა: ხონთქრის ბრძანებით შემოღებული იქნება გადასახადის ახალი წეს-
სი — თანზიმათი, გარდა ამისა აჭარამ ოსმალის ჯარში ახალგაზრდობაში
და გაგზავნოსო.

ამ ამბავმა გლეხებში ჩუმი მითქმა-მოთქმა გამოიწვია, სოფელ დანდა-
ლოში კი საკმაო ხმაური ატყდა. მღელვარება ჭვანის ხეობასაც მოედო,
შემდეგ მთელი ზემო და ქვემო აჭარა მოიცვა. ქვემო აჭარაში თანზიმათის
საწინააღმდეგო მოძრაობას ცნობილი სელიმის შვილი ქორ-ხუსეინ ხიმში-
აშვილი, მერისელი ჯინქოროღლი და დანდალოელი სული ბეგი ჩაუდგნენ
სათავეში. აჯანყებულებს შეუერთდა შავშეთ-იმერხევის მოსახლეობაც,
რომლის საერთო რიცხვმა ათი ათასს მიაღწია. მათ ხელმძღვანელობდა
ქორ-ხუსეინის ძმის აბდის შვილი სელიმ-ბეგი² (მეორე).

აჯანყებამ პირველ რიგში დააფრთხო ბეგები და ალები. გლეხობა მათ
სიკვდილით და სახლ-კარის დაწვეთ ემუქრებოდა. გამძვინვარებულმა ათა-
ბაგმა ჰელიმ-ალამ საეჭვო გლეხები და ესტატე ანთაძე მემამბოხეებთან
დაკავშირების შიშით დილეგში ჩამწყვედევინა. აღას შიში უსაფუძვლო
როდი იყო. ამბოხებულნი გურიასთან კავშირის დამყარებას სწორედ ეს-
ტატე ანთაძის მეშვეობით ვარაუდობდნენ.

აჯანყების ერთი მეთაური, ვინმე აბდულა ჰელიმ-აღას ბადიშს სოფელ
ძენწმანში გულა სურმანიძეს თხოვს, თუ მოხერხდება, როგორმე შემახვე-
დრეო ეს ახალგაზრდა. აი ამ წერილის შინაარსი: „ხუსეინ სურმანიძის
შვილო, პატივცემულო გულა-აღა! მე მჯერა შენი გულკეთილობისა და და-
იმედებული ვარ, რომ თუ საჭირო იქნება, სამსახურს გაგვიწვევ. როგორც
კი ამ წერილს მიიღებ, ის ახალგაზრდა, თუ კი სიტყვა გაგივა, თან წამოიყ-
ვანე, ცოტა ხნით ჩვენთან დარჩეს. ამისათვის გაწუხებ, აუცილებლად იმ
ახალგაზრდის ერთად ჩვენსკენ შემოიარე. აბდულა, 1844 წ.“³ როგორც
ვიციტ, ეს ახალგაზრდა ამ დროს დილეგში იჯდა და მისი შეხვედრა ამბო-
ხების მეთაურთან არ მოხერხდა.

აჯანყებულებმა ბევრ ადგილას დაუგეს მახე ჰელიმ-აღას, მაგრამ მისი
ხელში ჩაგდება ვერ მოხერხდა. ბოლოს იგი თავის მჯდმივ მხლებელთან
ბუქალი ბაირალტართან ერთად სოფელ ტაკიძეებში მიიპატიჟეს. დაწოლის
წინ ბუქალის ფხიზელ თვალს არ გამოპარვია, რომ კარის შიგნითა საკეტე-
ბი დახსნილი იყო.

— აქედან თუ არ გავიპარეთ, ცოცხალი ვეღარ გავალთ, ჰელიმ-აღა,
— უთხრა მან ჯაყელს, მაგრამ...

2 Г. Казбек. Три месяца в Турецкой Грузии. Тифлис. 1876, стр. 71, 72.

3 წერილის დედანი ინახებოდა სოფელ ჭალაში, ღურსუფ სურმანიძის ოჯახში, რო-
მელმაც 1967 წ. აჭარის სახელმწიფო მუზეუმს გადასცა და აქამადაც აქ ინახება.

— მე ამას ვერ გამიბედავენო, — თქვა ადამ და მშვიდად დაიძინა.

შუალამე გადასული იქნებოდა, როცა ათამდე კაცი შეიჭრა ხასტურის ოთახში, მათ ლოგინებზე ხმლები დაატრიალეს და უმაღვე გაუჩივრდნენ. განთიადისას ერთმა დაჭრილმა თვალი გაახილა, სხეული მოისწავა, წამადგომა სცადა. ეს ბაირალტარი იყო. როცა დარწმუნდა, რომ ჰელიმ-ალა ცოცხლებში აღარ ერია, იგი სახლიდან გაიპარა, თან თავისი 13-მასრიანი თოფიც წაიღო. დილით მკვლელებმა დახვერეს დანაშაულის ადგილი და ბაირალტარი რომ არ დაუხვდათ, დაჭრილს სისხლის კვალზე გამოედევნენ. განსაკუთრებით აქტიურობდა ბრილის მცხოვრები, მეტსახელად ხმიადი, სოფლის ბოლის, სამზიარის სათიბებთან ბუჩქებში მიმალულმა, ჰრილო-ბეზისაგან დაუძლურებულმა ბაირალტარმა მიხანში ამოიღო საყავრიას წყაროსთან მოახლოებული მკვლელთა მეთაური, ჩახმახი მოზიდა და... თავგახვერტილი ხმიადი იქვე ძელივით გაიშოტა. ამის შემდეგ მდევრებმა კელარ გაბედეს დაჭრილზე გამოედევნება, ისინი ჭვანაში გაბრუნდნენ. აქ ძალზე გაუხარდათ ჯანყის მოწინააღმდეგე ჰელიმ-ალას თავიდან მოშორება. ჭვანელმა ჭყონიამ მკვლელებს 12 კავი ყურძენი მიართვა.⁴

სისხლისაგან დაცლილმა ბაირალტარმა სოფელ ჭალამდე ამოაღწია. მან დიდი გონიერება გამოიჩინა, თავის სახლში ხალხს მოუყარა თავი და გადასცა თითქოსდა სიკვდილის წინ ჰელიმ-ალას ნათქვამი: დილეგიდან გაენთავისუფლებინათ ყველა ტუსადი, პირველ რიგში გურული ბიჭი და გავგზავნათ სულთანთან მოციქული მოსალაპარაკებლად. ხალხმა ყურად იღო ბუქალის ნათქვამი და მართლაც გაგზავნეს სულთანთან კაცი. ეს იყო ჭალელი ქურა ეფენდი. მალე აჭარის მაშინდელმა მმართველმა ახმედ ფაშის ქვრივმა დუდინანუმმა სულთნისაგან მიიღო ფირმანი, რომლითაც შემცირდა გადასახადი, ხოლო აჭარელთა ჯარში გაწვევა გაუქმდა. აჯანყებულები სახლებში დაბრუნდნენ.⁵

* * *

უძეო ჰელიმ-ალას ოჯახს გადაშენების საფრთხე ელოდა, მაგრამ დაკრძალვაზე ამოსულმა ქალიშვილმა ხატიჯემ, რომელიც სოფელ ძენწმანში სურმანიძეზე იყო გათხოვილი, თავისი ორივე ვაჟი გულა და სელიმი მამის კერიაზე სოფელ ჭალაში საჯაყელოს უბანში დააფუძნა.

ესტატე-ღვიძლი შვილივით შეიყვარა გულა სურმანიძემ და არც ფიქრობდა მის დაბრუნებას გურიისში, მაგრამ მალე კავკასიის მეფისნაცვალმა

4 ვ. იაშვილი — აჭარა ოსმალთა ბატონობის პერიოდში. ბათუმი, 1948, გვ. 100. ავტორის აზრით ჰელიმ-ალას მკვლელობა ახმედ ფაშას დროს მოხდა, რაც არ არის სწორი. ახმედ ფაშა 1836 წელს გარდაიცვალა, ეს ამბები კი 1844 წელს მიეკუთვნება.

5 შ. მეგრელიძე. სამხრეთ-დასავლეთ საქართველოს ისტორიიდან, თბილისი, 1961, გვ. 85. (საქ. სცია, ფ. 16. საქ. 8085, ფურც. 36, 37).

გურიის ჯანყის მოთავეებს აპატია დანაშაული. თურქეთში გაქცეულნი, მათ შორის ალექსანდრე ანთაძეც მშობლიურ კერას დაუბრუნდა, გურულების ჯარში ჩაეწერა და დახმარებას უწევდა რუსეთის მხედრობას. ოსტატეც ასკანაში დაბრუნებისთანავე გურიის მილიციაში გაამწესეს. იგი მონაწილეობდა შამილის წინააღმდეგ ბრძოლებში. აქ გამოჩენილი მამაცობისათვის ესტატე ანთაძე ნადავლი ხმლით დააჯილდოვეს, რომელზედაც არაბულად ლეკი ხელოსნის სახელი იყო ამოტვიფრული „ლელაიმ მუხამედ“, რაც ქართულად „ოსტატ მუხამედს“ ნიშნავს.

1853-1856 წლებში ესტატე ანთაძე რუსეთ-თურქეთის ფრონტის წინა ხაზზე ჩანდა, მან აქაც ისახელა თავი და გიორგის ჯვარი დაიმსახურა, რუსეთის მხედრობამ იგი გურიის მილიციის მედროშედ დანიშნა.

* * *

1878 წლის 29 აგვისტო, რუსეთის მხედრობა გენერალ ტრეიტერის მეთაურობით ზედიზედ ათავისუფლებს ოსმალეთის მიერ სამი საუკუნის წინ მიტაცებულ ქართულ პროვინციებს. რამდენიმე ასეული გოდერძის უღელტეხილით ახალციხიდან გადმოვიდა, ნაწილი აჭარისწყლის ხეობას გაჰყვა, ნაწილი კი ხულო-ნიგაზეულის და ღორეჭედის გადავლით ჭვანის ხეობისაკენ გაემართა. ასეულში ქართველ რეგულარულ ჯარისკაცებთან ერთად შავშეთ-იმერხვეელი და აჭარელი ახალგაზრდებიც ერივნენ. რაზმის მედროშეებს თეთრ ცხენზე კობტად მჯდომი ჭალარა წვერ-ულვაშიანი ვაცი მიუძღოდა. როცა ჯარი სოფელ ჭალაში შემოვიდა, ოთხმოც წელს მიღწეულმა გულა სურმანიძემ უმცროსი შვილი, 17 წლის რამიზი მოიხმო:

— ჩვენი ბედი, შვილო, როგორც ეტყობა, საბოლოოდ გადაწყდა, გვეყო რაც ვიტანჯეთ უცხო ხალხის ხელში. ეს ჯარი — მოხუცმა ხელი მახარაულის ლელისაკენ გაიწვდინა და ერთრიგად მომავალ ცხენოსნებზე ანიშნა — ჩვენი ძმების, მეზობლების და ახლობლებისაგან არის შედგენილი. იმეჯია, მათი მოსვლით დაგვიბრუნდება ჩვენი ძველი სახელი და დიდება; საკადრისად დახვდით, შვილო, სალდათებს. ბელელი გააღეთ, რაც რამ გავგაჩნია მიართვით, დაკრიფეთ ხილი, მსხალი, ქლიავი... აბა თქვენ იცით.

რამიზსაც არ დაუყოვნებია, მეზობლის ბიჭებს თავი მოუყარა და სამ ცხენებიდან ჩამოქვეითებული ჯარისკაცები საჩაყელოს მიაღწევდნენ, ზღისპირი გოდრებითა და კალათებით გაივსო. ბედზე ჯარის მეთაურმაც მცირე შესვენებისათვის სწორედ საჩაყელო ამოირჩია, რითაც რამიზს საშუალება მიეცა ყველას გამასპინძლებოდა.

სოფლის მოსახლეობა ჯერ გაუბედავად შორი-ახლოდან ადევნებდა ოჯახს ჯარის მოძრაობას, შემდეგ თითო-ოროლა ახლოს მოვიდა, მალე კი მთელი სოფელი ჯარისკაცებთან ერთად მხიარულობდა.

გვერდზე მჯდომ გულას მისი თანატოლი მოხუცები შემოხვეოდნენ.

— მე ჩემი ცხოვრების გზა თითქმის გავლიე, — თქვა მხოლოდ დღევანდელი დღე ამათ ეკუთვნით, — მან ხელი ახალგაზრდებისათვის შევიწყო, — ჩვენ კი თუ ცოცხალი ვიქნებით, გავიხარებთ ახალგაზრდობით, საუკუნეებით მოწყვეტილ ძმებთან შეხვედრით, გავიზიარებთ მათს ბედნიერებას, ამოვუდგებით გვერდით ჭირსა და ღვინაში. აი აგერ ჭასთან სალდათებში რომ ტრიალებს და უმასპინძლდება, ჩემი უმცროსი ვაჟია, რამიზი, სახლში ძლივს ვამაგრებდით, გოდერძის უღელტეხილამდე უნდა ავიდევ, იქ უნდა შეეხვდე ჯარსო. ძველი ომების ამბები გაუგონია, ახალგაზრდება 14-15 წლის ასაკიდან ხმალშემართული იგერიებდნენ მტერს, ანთავისუფლებდნენ თავიანთ მიწა-წყალსო. ჩვენ რა ჯელები ვართ, თუ განმათავისუფლებელ ჯარში არ ვიბრძოლებთ, ან რიგიანად მაინც არ შეეხვდებითო.

ოტა ხნის შემდეგ გენერალმა ტრეიტერმა ერთი ქართველი ოფიცერი მოიხიო და რამიზის მოყვანა უბრძანა. დარცხვენილი ახალგაზრდა უფროსის წინ დამნაშავესავით თავჩაღუნული გაჩერდა.

— ჩვენს მეთაურს — თქვა ოფიცერმა, — შენთან სერიოზული საქმე აქვს. იცნობს თქვენს გვარეულობას, მამათქვენს, ნაწილობრივ თქვენზეც იცის... სურს ბარათაულისა და ჭვანის უბანში დაგნიშნოს მამასახლისად, ხელმწიფის კაცად.

გაოგნებულმა ახალგაზრდამ პასუხის თქმაც ვერ მოასწრო, როცა მეთაურმა ჩაჰვი აიღო, კისერზე ჩამოკიდა, ხელი ჩამოართვა და სანამ დაჯდებოდა, მთელმა ჯარმა სამჯერ „ურა“ დაიძახა.

როცა ეს ცერემონიალი დამთავრდა, ოფიცერმა რამიზი გვერდზე გაიხიო:

— დიდი საქმე დაგავალეს ძმობილო, მაგრამ შენი ენერჯისა მჯერა. იყავი მართალი, გულისხმიერი და მამასავით პატიოსანი, სხვა არაფერი გინდა. ამ სიტყვებთან ერთად მოვერცხილი ხანჯალი შეიხსნა და რამიზს გაუწოდა.

— ეს ორღესული შამილთან ბრძოლის დროს ნადავლიდან მერგო საჩუქრად. მასზე ხელოსნის წარწერა იყო და იმ დღეების მოსაგონრად დაეტოვე, მაგრამ სახლში დაბრუნების შემდეგ ჩემი სახელგვარიც წავაწერინე მჭედელ ქერქაძეს. თქვენების საპატივეცემლოდ ესტატეს მაგივრად ტატე წავაწერინე. შვილო, მიიღე ჩემგან საჩუქრად, იმის სახსოვრად, რომ შენს ასაკში ცოცხალმკვდარს სიცოცხლე შენმა წინაპრებმა შემინარჩუნეს. 30 წელზე მეტია იგი არ შემიხსნია და როგორც თილისმა მიფარავდა ყოველგვარი ხიფათისაგან. დაე, შენც ასე გემსახუროს და გახდეს ჩვენი ძმობისა და მეგობრობის სიმბოლო.

— დიდი მადლობა, ტატე ბიძა, შევეცდები ვიყო თქვენი ღირსი ძმა და მეგობარი — უთხრა რამიზმა და გადაეხვია.



სამიოდე წლის შემდეგ ერთხელ კიდევ გაივლია საჯაყელოზე, ანთაძის სახელობა. პეტრე უმიკაშვილს აბდულ მიქელაძისთვის წიგნები გამოეგზავნა. აბდულ მიქელაძემ ერთი ცალი ჭვანის ხოჯას ახმედ ეფენდი შარაშიძეს გადასცა, რომელიც შეგირდებს ჩუმ-ჩუმად ქართულ წერა-კითხვასაც ასწავლიდა.⁶ პატარა წიგნს უდახე „ომიანობის ლექსნი“ ეწერა. იგი 1880 წელს დაებეჭდათ თბილისში. წიგნში ორი ლექსი იყო მოთავსებული. ერთი მათგანი ეხებოდა ქობულეთსა და მუხანესტატეში მომხდარ ბრძოლებს. მისი ავტორი ესტატე ანთაძე გახლდათ.⁷

ოცი წელი ატარა რამიზმა მამასახლისის ჯაჭვიც და ასკანელი ძმობილის ნაჩუქარი ხანჯალიც. როცა მეფის პირისხლიანმა სატრაპმა გოლიცინმა ქედში უსამართლობის წინააღმდეგ მებრძოლი ილიას ხილადე ჩამოახრჩო, ხელმწიფის სამსახურში მყოფმა ბევრმა ადგილობრივმა მოხელემ პროტესტის ნიშნად უარი თქვა სამსახურზე. პირველ რიგში ამის მაგალითი მათ ქედის მაზრის უფროსმა თუფან შერვაშიძემ მისცა: მან თავისივე სურვილით აიყარა ჩინ-მედლები და უარი თქვა დიდ პოსტზე. რამიზმაც მამასახლისის ჯაჭვი მოიხსნა, მაგრამ ტატეს ხანჯალი სიკვდილამდე არ უშორებია.

* * *

— ოცდაჩვიდმეტი წლისა იყო მამა, როცა იგი საოფლემ იმსხვერპლა, — მიამბობს მამაჩემი. სამი თვით ადრე დედა გარდაიცვალა, მე ცხრა თვის დამტოვა, ხუთი ობოლი დავრჩით; საჯაყელოს კვლავ გავერანება დაემუქრა, მაგრამ მამიდამ, აჭარის მმართველის შერიფ-ბეგ ხიმშიაშვილის ნაცოლარმა რუხსეთმა კერა არ გააცივა. მე აღსაზრდელად მასთან დავრჩი, ხოლო ჩემი ოთხი დაი სრულსაკოვნობამდე ნათესავეებთან იზრდებოდნენ. როცა წამოვიზარდე, სახლში ვეღარ მაჩერებდნენ, მოჯამაგირედ მიმაბარეს, ოჯახის მთელი ქონება გარეშე ნათესავეებმა გაინაწილეს... მოკლედ რომ ვთქვათ, ეს ხანჯალიდა შემრჩა მამისაგან დანატოვარი, ისიც მამიდაჩემის წყალობით. დიდხანს ხელუხლებლად ეკიდა სახლში. პირველად 1921 წელს ჩამოვიღე. ეს ის დრო იყო, როცა ახალგაზრდა საბჭოთა ხელისუფლებას საბოტაჟს უწყობდნენ. ბანდიტები ანადგურებდნენ ახალი ცხოვრების მომხრეებს. მე სახალხო მილიციაში გამამწესეს და ბანდიტებისაგან ხულოს მაზრის დაცვა დამავალეს. 86 შეიარაღებული მილიციელი

6 „ივერია“, 1892, წ., № 196.

7 ე. ანთაძე, „ომიანობის ლექსნი“, ტფილისი, 1880.

მყავდა. მრავალი შეტაკება მოგვიხდა შავბნელ ძალებთან, ხანჯალი ქარქაშ-
ში არ ჩამივია... ყოველთვის გამარჯვებული გამოვდიოდით.

უკანასკნელად ტატეს ხანჯალი 1924 წელს გამომაღგა. მეტყველებს-
გან მოგზავნილმა ბანდიტებმა ბახმაროდან გადაწყვიტეს საბჭოთა ხელი-
სუფლებზე შემოტევა. ბათუმში საგანგებოდ შექმნილმა მილიციის სამმა-
რთველომ თავისი რაზმები გამოგზავნა ჭვანის ხეობისაკენ. ჩვენც მათ შე-
ვუერთდით. ბანდიტები იმდენად გააქტიურდნენ, რომ ოზურგეთში ჩამო-
სულ ფილიპე მახარაძეს გომის მთის მხრიდან ჭვანაში და ბათუმში წამოსა-
სვლელი გზა გადაუღობეს. გაიმართა სასტიკი ბრძოლები, ბანდიტები უკ-
უვაქციეთ. ამხანაგი ფილიპე მახარაძე ბახმაროში ამოვიდა, იქედან ჭვანა-
ში ჩამოვაცილეთ, ხოლო შემდეგ მშვიდობიანად ბათუმში გავამგზავრეთ.

საბჭოთა ქვეყანაში მშვიდობიანობა დამყარდა.

ხანჯალმაც დაისვენა.

— ამის მეტი მამაჩემისაგან არაფერი დამრჩენია — გამიმეორა მარ
ჩემმა ახალიწლის წინა ღამეს — მოუარე მას, გიყვარდეს. პატივი ეცი არა
მართო როგორც ნაჩუქარ ნივთს, არამედ დიდი ამბების მომსწრეს, ამბები-
სა, რომელსაც გვირგვინად სახალხო ხელისუფლების მზე დაადგა თავზე.

საიდან იწყება სამშობლო

«С чего начинается Родина...»

სიმღერისა.

მზიანი, ფრთიანი ბავშვობა
ამნაირ ფიქრებში გავიდა —
საიდან იწყება სამშობლო.
საიდან, საიდან, საიდან.

ფიქრები, ფიქრები თაბამი, —
დავითი, შოთა თუ თამარი,
რა არის ამქვეყნად მთავარი,
რა არის, რა არის, რა არის!

სად არის ის ოქროს საწმისი,
სიცოცხლე ლეგენდის სადარი,
სად არის სამშობლოს საწყისი,
სად არის, სად არის, სად არის!

საიდან იწყება სამშობლო,
საიდან, საიდან, საიდან —
მზიანი, გვიანი ბავშვობა
ამნაირ ფიქრებში გავიდა.

ბავშვობის ოცნებას გავშორდით,
ვიპოვეთ ის ოქროს საწმისიც,
ვიპოვეთ პასუხიც —
სამშობლო
თვით არის ყველაფრის საწყისი.

სამშობლოს გარეშე არ ხარობს
სიცოცხლე, სიკეთე, ღირსება,
თვით უსასრულო სამყაროც
სამშობლო მიწიდან იწყება.



მეციხოვნე ვანისა

ოთარ ლორთქიფანიძეს

ნამეხარი, ნასეტყვი,
ნაწვიმარი, ნაქარი,
აი სწორედ აქ არი
ვანის ნაქალაქარი.

ახდენილი ოცნება,
ახდენილი სურვილი,
მზემ ჩრდილები მოცელა,
მზეა ოქროსურვილი.

ჩვენი ძველი დიდება,
ძველისძველი კარიბჭე,
რამდენ რამეს გვპირდება,
რამდენ რამეს გვანიჭებს.

ძველი ფოლიანტები
ისე გრძნობით შრიალებს,
ისე გოლიათდები,
ტანში გაგაჟრიალებს.

ბევრი მტერს შეეწირა,
დავიწყებამ დანისლა,
აქ წევს მკერდშელეწილი
მეციხოვნე ვანისა.

თითქოს იმ ღროს იხსენებს
შეჭურვილი ცხედარი,
წევს და მშვიდად იხვენებს
ტანმორჩილი მხედარი.

ისტორია გრძელდება,
ისტორია ცოცხლდება,
ამეტყველდნენ ცხედრები
აწყობილი ჩონჩხებად.

გრძნობა ისე ვაჭარბდა,
ლამის ცაში აიჭრეს,
ქარავენები ვაჭართა
მოადგება კარიბჭეს.

სურვილების სირუხეს
ცვლიან კოლხურ ქარვაზე,
სიზღიდრე და სიუხვე
ავსებს ვანის ქარვასლებს.

ღმერთებს ლურჯი სივრციდან
მზე ამოაქვთ ხელებით
და იღვრება სიცილად
მშვენიერი ხმელეთი.

მზე სუყველას სულს უვსებს,
ჩრდილი გდია სახლის წინ,
სადღაც აქვე ფუსფუსებს
ვანის დიასახლისი.

ცახცახებდა ჰაერი
ზეთისხილის ტოტივით,
ჩაგვბახოდა ხმა ერის —
ძველისძველი მოტივი,
ძველისძველი მოტივი
მშობლიური მოტივი.

თვალებს არც კი უჯერი
და სიზმარი გგონია,
არნახული, უჩვევი
ეს რა განძი გვქონია.

ქვიმასავით უღევი,
უთვალავი ფერები,
ყრია სამკაულები,
ოქროს დიადემები.

ყველაფერი ქართული
ყველაფერი კოლხური,
რა გვემართა უცხოთა,
რა გვემართა მოზხდურის.



გულით გასახარელო,
გულო გულით ამღერდი,
ვანის ქალაქს მფარველობს
გამარჯვების ქალღმერთი.

ვაზის ფოთლით მოსილა
ყველას მოსალხენადა,
და ზეიმზე მოსულა
მშვენიერი მენადა.

მზით ივსება მათარა,
მზე იცინის,
ცა ტირის,
სიხარულით დამთვრალა,
სიყვარულით დამთვრალა,
ნეტარებით დამთვრალა
ახალგაზრდა სატირი.

ერთმანეთზე მიყოლით
მიუყვებით ფილაქნებს
კიდევ რამდენს ვიპოვით,
კიდევ რამდენს მივაგნებთ.

შეგძრავს სულის ფსკერამდი
ჰანგი ნატრულ მოტივის,
შემოდგომა ფერადი
იდგა ნატურმორტივით.

გვითხარ ოთარ ბატონო,
გახსენ დროის სარკმელი,
რამდენია საპოვნი,
რამდენია საკვლევი.

თვალეbs არც კი უჯერი
და სიზმარი გგონია.
უთვალავი, უჩვევი
ეს რა განძი გვქონია.



გულო. გასახარელო,
გულო გულით ამღერდი.
საჭართველოს მფარველობს
გამარჯვების ქალღმერთი.

პარიზი ღოგია

იმ სულს შრომის ტაცხლი ანთია

ერთ დღეს შემოქმედებით მივლინებაში წასვლა და მხატვრული ნარკვევის დაწერა რომ შემომთავაზეს, მე პასუხის გაცემა გამიჭირდა.

— არა, ჩემო მამია, სადა მაქვს ამ ხანდაზმულ ადამიანს იმდენი შესაძლებლობა, რომ რაიონებს ჩამოვუარო ადრინდულად და ნარკვევები, მოთხრობები და ნოველები ვწერო. — ვუთხარი, მაგრამ თან გული მეტკინა, რომ ამ კეთილშობილურ დავალებაზე უარი ვთქვი.

— არა, არა, შორს წასვლას არ ვთხოვთ. აქვე, რომელიმე მახლობელ რაიონში, მანქანასაც მოგცემთ, მეგზურსაც გაგაყოლებთ. — უფრო და უფრო მაქეზებს იგი.

— რა გაეწყობა. თანახმა ვარ. მივიღებ ამ დავალებას, მაგრამ...

— ჰოდა, ყველაფრით ხელს შეგიწყობთ. ნუ ყოყმანობთ! რასაც გვთხოვ...

— არა, არაფერსაც არ ვთხოვთ. არც გამყოლი მინდა. არც მანქანა, არც ვინმეს შეწუხება და შეწრიალება.

— ძალიან კარგი, როგორც გენებოს. აირჩიე რომელი რაიონიც გსურდეს!

და მეც ავირჩიე.

ხელვაჩაურის რაიონი აქვეა ახლოს. ჩაის მოსავლითაც ქებულია, ციტრუსებიც ბლომად მოჰყავთ, ბაღებიც აქვთ, აგარაკებიც, სამკურნალო წყლები, დასასვენებელი სახლები და სანატორიუმები. მოსახლეობა ხომ...

რომელი ერის წარმომადგენელი გინდათ აქ რომ არ ნახოთ, რომელ ენაზე მოლაპარაკე ადამიანს არ შეხვდებით, აქა-იქ რელიგიური ფანატიზ-

მით შეპყრობილსაც ნახავთ, მაგრამ სამშობლოსა და თავისი ქვეყნის მტერს ვერ იპოვნით. აქ, ამ რაიონში განსაკუთრებით შეიმჩნევა სოციალ-სტური ქვეყნის სიყვარული და დიდი პატრიოტიზმი.

ქვეყნის
სოციალ-
სტური
ქვეყნის

დიახ, აქ, ამ რაიონში, რომლის მოსახლეობასა და მკვიდრთ დავალებული აქვთ არა მარტო მაღალხარისხოვანი მოსავლის მიღება, არა მარტო ჩაისა და ციტრუსოვანთა კულტურების მოშენება, მოვლა და პატრონობა, არამედ ჩვენი ქვეყნის სახელოვან მესაზღვრეებთან ერთად სახელმწიფო საზღვრების დაცვა...

ჰოდა, მეც ამ სახელოვანი რაიონის სოფლებს ჩამოვუვლი ერთხელ კიდევ და აქაურ მშრომელთა საქმიანობას მოვაველებ თვალს.

დავიწყებ აღმოსავლეთიდან, იქიდან, საიდანაც ამ რაიონის გასაცნობად მოსული მგზავრი შემოდის ხოლმე.

აქაურობის სილამაზეს ვერც ერთი მხატვარი, ვერც ერთი მწერალი ვერ დახატავს და აღწერსო, — თქვა ერთხელ რუსმა მწერალმა ნოვიკოვ პრიბოიმ, როცა ბოტანიკური ბაღი დაათვალიერა.

„არგონავტებმა კოლხებს ოქროს საწმისი მოსტაცეს, ქვეყანა დააღარიბეს, მაგრამ მე ვიტყვოდი, რომ ამ დაკარგულ სიმდიდრეს მას ბათუმის ბოტანიკური ბაღი დაუბრუნებსო“ — წერდა 1912 წელს ამ ბაღის ერთ-ერთი დამაარსებელი და გამშენებელი რუსი ბოტანიკოსი და გეოგრაფი ა. ნ. კრასნოვი.

დიახ, იმ წლებში მეც მიხდებოდა ამ ბაღის გაშენების დროს აქ თონითა და ბარით მუშაობა.

ჰო, აქაურობას მისი გამშენიერების დაწყების დღიდან ვიცნობ. შემდეგ კი კალმითაც მივსულვარ აქაურობის აღსაწერად და ცოტა რამ გამიკეთებია ნარკვევის სახით.

მართალია, ახლაც ვალში ვარ მასთან, უფრო მეტი უნდა დამეწერა მასზე და მის მშრომელებზე.

ყველაფერი შესაძლებლობაზეა დამოკიდებული. ახლა, ამ პერიოდშიც შემეძლო გამეხსენებია იქაურობა, მაგრამ...

მოდი, აღსაზრდელებიდან, მომავალი თაობის წარმომადგენლებიდან დაიწყეო, — მირჩია ერთმა მეგობარმა და, მეც ჰკუთაში დამიჯდა.

ერთია დასრულებული ადამიანის ლტოლვა, შრომა და მისწრაფება და მეორეა მომავალი თაობის აღზრდა, გაწვრთნა, შრომაში ჩაბმა და გზაზე დაყენება.

პირველის გაცნობა, შესწავლა და აღწერა არაა ძნელი და რთული საქმე, მაგრამ მოზარდის გულში რომ ჩაიხედო, მის სულიერ სამყაროს ჩასწ-

ვდე, იქიდან გასაშლელად მომზადებული კვირტების მომავალი ვაიოვალი-
სწინო, აღწერო და დახატო იგი, მეტად სერიოზული საქმეა.



მე მაინც აქედან დაწყება გადავწყვიტე.

ნორჩები, პატარები, აღსაზრდელები...

მომავალი მეცნიერები, ხელმძღვანელები, ლიტერატურისა და ხელო-
ვნების მუშაკები, მებრძოლები, სარდლები, მფრინავები, მეზღვაურები,
აღმზრდელები, მკურნალები, ოსტატები, აგრონომები, ტექნიკოსები, კოლ-
მეურნეები, ბრიგადირები და თავმჯდომარეები...

დიახ, ახალი ქვეყნის, სოციალისტური სახელმწიფოს ერთგულნი და
მშენებლები...

ჰოდა, მე ჩემი შემოქმედებითი მივლინება აქედან დავიწყე. მძლოლს
მისამართი მივეცი და გზას ვავუდექი.

რამდენად შევძლებ აღებული ვალდებულების შესრულებას. ამაზე
ჯერჯერობით ვერაფერს ვიტყვი, უთუოდ ბევრი რამ გამომრჩება, ბევრს
ვერ შევამჩნევ, იქნებ ბევრიც შევცოდო, გადავაჭარბო, ან დავაკლო, მაგ-
რამ იმედი მაქვს ჩემი მკითხველები მაპატიებენ, შემისწორებენ, მიმითი-
თებენ, ჩემ მიერ შეუამჩნეველს თვით შეამჩნევენ. ხოლო გადაჭარბებულ-
სა და გაზვიადებულს აღნიშნავენ...

მაშ, მე მივდივარ იქ, სადაც მელოდებიან.

საიხედო თაობა

როცა შეკრების ხელმძღვანელმა ერთ-ერთი მხატვრული ნაწარმოების
განსახილველად მომხსენებელს სიტყვა მისცა, დარბაზში ჟრიაბული შეწყ-
და და სიჩუმე ჩამოვარდა.

სცენაზე ტანმორჩილი თხუთმეტ-თექვსმეტი წლის გოგონა გამოვიდა,
რვეული, რომელიც ხელში ეჭირა, მაგიდაზე დადო და მოხსენების კითხვას
შეუდგა.

ლაპარაკობდა დინჯად, გარკვევით, გამართული ლიტერატურული ქა-
რთულით. ჩანაწერებს იშვიათად იშველიებდა, მაგრამ ეს ხელს არ უშლი-
და საკუთარი აზრი მკაფიოდ და გასაგებად გამოეთქვა. ბევრს შეეხარბე-
ბოდა მისი მოსაზრებები, დასკვნები, შედარებები, თავთავის ადგილას ჩა-
რთული აფორიზმები და ხალხური თქმები.

— ჩვენი ბავშვთა სახლის აღსაზრდელია. — წამჩურჩულა ყურში
ამ სახლის სასწავლო ნაწილის გამგემ, რომლის ინიციატივით ტარდებოდა
ეს ღონისძიება. — მეტად საინტერესო ბიოგრაფია აქვს.

— თქვენს ბიოგრაფიაზე საინტერესო?

— ნამდვილად. — მიბასუხა მან და დარბაზს მოავლო თვალი.

მე ამ პედაგოგი ქალიშვილის ბიოგრაფიიდან ცოტა რამ ვიცნობდი, რომ იგი წარმოშობით სოფელ ვერნებიდან არის. მისი სახელი ლამარაა, გვარი აბაშიძე. ორი ვაჟი და სამი ქალი დარჩა მის მშობლებს. მათში უფროსი ლამარა იყო, ყველაზე უმცროსი ერთი წლის, დანარჩენები ერთმანეთზე მიყოლებულნი.

დიახ, დარჩენენ ობლად, უღედმამოდ, მაგრამ მზრუნველი და პატრონის ხელი არ მიჰკლებიათ.

ასაკის მიხედვით სხვადასხვა აღსაზრდელ ადგილას მოხვდნენ პატარები; ლამარა — მახინჯაურის აღსაზრდელ ბავშვთა სახლში. მან აქედან დაამთავრა საშუალო სასწავლებელი, აქ გახდა კომკავშირელი, აქედან მოეწყო ბათუმის პედაგოგიურ ინსტიტუტში, რომლის დამთავრების შემდეგ კვლავ თავის აღმზრდელ სახლს დაუბრუნდა და ამჟამად ამ სახლის დირექტორის მოადგილეა სასწავლო ნაწილში. ლამარას გავლილი გზა მოკლეა, მაგრამ საკმაოდ რთული, მძიმე და ძნელი. ლამარა მზრუნველობდა თავის უმცროს დედმამიშვილებს. შესძლო მათი ერთად თავმოყრა.

მეტად საინტერესოა ლამარა აბაშიძის წარსული, მისი ბიოგრაფია. მასზე სქელტანიანი წიგნი დაიწერება, ვრცელი მოთხრობა.

ჰოდა, ასეთი წიგნის დასაწერად მას მასალები შეკრებილი აქვს და გვპირდება მის გამოქვეყნებას, რასაც ჩვენ დიდი სიამოვნებით შევეგებებით.

მომხსენებელი გოგონა ამთავრებს მოხსენებას. ტაშით ხვდებიან, უწონებენ, ხელმძღვანელი შუბლზე ეამბორება. მოხსენებაში გამოყენებულ ჩანაწერებს ართმევს და საქალაქში ინახავს.

მოხსენების შემდეგ სიტყვებით გამოდიან ამ ბავშვთა სახლის აღსაზრდელები ნაზი გოგიძე, ანგელინა ევსტნიგევა, რომან ჯანაშვილი და სხვები. მერმე გამოდიან მათი აღმზრდელები მარიამ ტუსკაძე, ეთერი ქლენტი, თამარა ჩესნაკოვა...

— გესმით, როგორი წმინდა ქართულით ლაპარაკობს ეს რუსი ქალიშვილი! — ჩესნაკოვაზე მანაშნებს ლამარა. — ჩვენი სახლის პიონერული რაზმის ხელმძღვანელია, აქტიური კომკავშირელი, ჩვენი რაიონის კომკავშირის კომიტეტის სარევიზიო კომისიის წევრად აირჩიეს ახლახან. — და ამ გოგონას ბიოგრაფიას მიყვება.

თამარა ჩესნაკოვა ქალაქ ომსკში დაიბადა. პატარა იყო, მამა რომ გარდაეცვალა, დედამ იგი საქართველოში ჩამოიყვანა, ერთხანს ბორჯომში ცხოვრობდნენ, შემდეგ ბათუმში ჩამოვიდნენ. აქ კი დედამ გოგონა მახინჯაურის ბავშვთა აღსაზრდელ სახლში მიიბარა და თვითონაც ამ სახლში

დაიწყო მუშაობა. ამჟამად დედა-შვილი ერთად ცხოვრობენ. თამარა დას-
რულებული ქალია, მიღებული აქვს საშუალო განათლება და განაგრძობს
სწავლას ბათუმის პედაგოგიური ინსტიტუტის დაუსწრებელ განყოფილება-
ბაზე.

— თუ ჩვენი აღსაზრდელების ბიოგრაფიით დაინტერესდებით, ერთი
და ორი მოსვლითა და გასაუბრებით ვერას გახდებითო. — მეუბნება სას-
წავლო ნაწილის გამგე და მეც ვეთანხმები.

მართალი ხარ ჩემო ლამარა, მე უკვე დამაინტერესა ამ სახლში შეკ-
რებილი ახალგაზრდების ცხოვრებამ. ბავშვებზე და მოზარდ თაობაზე ძა-
ლიან ცოტა რამ დამიწერია, ბავშვთა აღსაზრდელი სახლების შესახებ ხომ
ერთი სიტყვაც არ მითქვამს.

არა, უნდა გავეცნო მე ამათ ბიოგრაფიას, აი, თუნდაც იმ შევევრემან
გოგონას, ამხანაგებში რომ ჩამჯდარა და საუბრობს.

— აჰ, ეს ჩვენი ზინაიდა იანაგოვაა. — მეუბნება ლამარა. — აქტიური
კომკავშირელი, ეროვნებით ბერძენი. მამით ობოლია. ექვსი წლის წინათ
ჩამოიყვანა დედამ ბორჯომიდან.

— რასაკვირველია, თქვენ ყველას ავ-კარგი გეცოდინებათ — ვეუბნ-
ები მე და ვთხოვ რამდენიმე აღსაზრდელი პირადად გამაცნოს.

— სიამოვნებით. — და მალე ჩვენს ირგვლივ ვარსკვლავებით აცი-
მციმდნენ ნორჩთა თვალები.

როგორც ვატყობ, ყველას უნდა გახდეს ჩვენი ყურადღების ობიექტი.
მივცეთ შეკითხვა, გავცეს პასუხი, მოგვიყვეს საკუთარი თავგადასავალი
და გავვაცნოს თავისი ბიოგრაფია.

— ტოროსიანია ჩემი გვარი, — გვპასუხობს თორმეტ-ცამეტი წლის
ლამაზი ბიჭი, — მიხეილი მქვია. — ეროვნებით სომეხია. ექვსი წლის იყო
დედამ რომ აქ მოიყვანა. მაშინ ცრემლები არ შორდებოდა მის თვალებს,
მაგრამ შემდეგ შეეჩვია, ამხანაგები და მეგობრები გაიჩინა და დღეს კმა-
ყოფილია. წარსულის მოგონება მაინც უჩუყებს გულს კეთილ ბიჭუნას.
დედა ებრალება, დედა, რომელიც მუდამ თავის პირმშოზე ფიქრობს და
დარდობს.

მანანა დავითის ასული გუსოევა ეროვნებით ოსია, ქ. ვორიდან, მას
მშობლები ჰყავს, მაგრამ მდგომარეობამ აიძულა იგი და სამი მისი ძმა აქ
მოხვედრილიყვნენ. ორი უმცროსი ძმა აქვე იზრდება, მესამე კი ჯარშია გა-
წვეული. იგი ხშირად იწერება წერილებს, კითხულობს აქ დარჩენილ დედ-
მამიშვილების ამბავს და სიყვარულით იგონებს ამ სახლში გატარებულ
დღეებს.

დღშეთის რაიონიდან არიან ძმები მერაბი და იური ძავაშვილები. ერ-
ოვნებით ესენიც ოსებია, მაგრამ...

— აქ ერთი ოჯახია, ერთი მზრუნველის მეთვალყურეობის ქვეშ მოქცეული და აბა ვინ არჩევს ეროვნულ წარმოშობას. — მეუბნება აქაური ახალგაზრდების მზრუნველი თამარ ჩესნაკოვა.

— მართალია. — უდასტურებენ ნათქვამს პიონერხელმძღვანელსა სხვები.

ღიას, მართალია. აქ ყველა ერთმანეთის და-ძმა, ამხანაგი და მეგობარია. ისინი სხვადასხვა მდგომარეობამ შეჰყარა ამ სახლში. მათ ასწავლიან არა მარტო წერა-კითხვასა და სხვადასხვა მეცნიერებას, არამედ შრომასა და კოლექტიურ ცხოვრებას. ერთმანეთის სიყვარულსა და ინტერნაციონალიზმს, რაც ყველაზე ძვირფასი იარაღია ქვეყნად მეგობრობისა და მშვიდობის დასამყარებლად.

ერთხელ მისვლითა და ერთი თვალის გადავლებით აბა როგორ შეისწავლი და გაეცნობი ასი აღსაზრდელისა და მათი აღმზრდელების ცხოვრებასა და საქმიანობას! ამ სახლსაც ხომ თავისი წარსული და ისტორია აქვს.

* * *

...მახინჯაური ძალიან მოეწონა მეფის მთავრობის განებივრებულ არისტოკრატიასა და დიდგვაროვანთა წარმომადგენლებს, ჩინოვნიკებსა და ახალფეხადგმულ კაპიტალისტებს.

აქ შეიძლება გაშენდეს ბალები, აგარაკები, სანატორიუმები და დროს გასატარებელი სასახლეებიო.

ვინმე მდიდარი კაცის ქვრივმა ქალმა ფესენკოვამ განიზრახა ერთ-ერთ მწვანე გორაკზე სასახლე აეგო და მალე ეს განზრახვა სისრულეში მოიყვანა.

ააგო სამსართულიანი სახლი, იშვიათი არქიტექტული გაფორმებითა და ჩუქურთმებით.

— მაგ ჩუქურთმებისა და გაფორმების ავტორის შვილიშვილი ამ ჩვენს აღსაზრდელ სახლში იზრდება. მისი გვარი პოლონიკაშვილია. — მეუბნება ამ სახლის ისტორიით დაინტერესებული ლამარა აბაშიძე, რომელიც ყოველ ჩემს ჩანაფიქრს მაშინვე ხვდება.

— აჰ, იმ პოლონიკაშვილის ნახელავია? გასაგებია. მასზე ბევრი კარგი მსმენია. მაშ, გენადი პოლონიკაშვილის ბაბუას მიუღია მონაწილეობა ამ სახლის გაფორმებაში?

ჰო, პატარა გენადი ერთხელ ოჯახში მესტუმრა. მამამისი ინვალიდია, ბავშვობიდანვე დაჩაგრული. ერთხელ ქუჩაში შემხვდა და ვთხოვე შვილი გამოეგზავნა ჩემსას.

და ერთ დღეს მესტუმრა პატარა გენადი. ვესაუბრე, ველაპარაკე, გამოთხოვებისას წიგნი ვაჩუქე და გავისტუმრე.

ამ სახლის შესახებ ჩვენი ქალაქის ხანდაზმული მოქალაქენიც არავე თხოვდნენ. მაგალითად, პენსიონერი კ. დოლიძე კარგად იცნობდა ამ სახლის პატრონს მარია ნიკოლოზის ასულ ფესენკოვას. მდიდარი ქალი იყო, ამ შესანიშნავ სახლთან ერთად მშვენიერი ბაღიც ჰქონდა, რამდენიმე პეტარი ეჭირა მანდარინისა და ფორთოხლის ნარგავებს, რომლის მომვლელად სამი აგრონომი ჰყავდა დაჭირავებული. კაკო დოლიძე და რამდენიმე მისი თანასოფლელი ჰაბუკი დღიურ მუშებად ითვლებოდნენ და ლუკმაპურის ფასს შოულობდნენ.

შემდეგ?

პირველი იმპერიალისტური ომი გამოცხადდა, დოლიძე და მისი თანატოლები ჯარში გაიწვიეს, ქვეყანა აიწიწ-დაიწიწა, ხოლო როცა ყველაფერი დამშვიდდა, ქარიშხალი ჩადგა...

— ათას ცხრაას თვრამეტ წელს, როცა ბათუმში თურქები შემოვიდნენ, სახლისა და მამულის პატრონი ქვრივი ქალი მოკლული იპოვნესო, — უთხრეს დოლიძეს.

მას შემდეგ ბევრი ცვლილება მოხდა ქვეყნად და ცხოვრებაშიც. ამ სახლში ახალი დროის ადამიანები მოვიდნენ და აქაურობა მომავალი ბედნიერი თაობის აღსაზრდელ კერად აქციეს.

ჩვენი საუკუნის ოცდაათიანი წლებიდან დაიწყო აქ ეს ახლებური სუნთქვა და ცხოვრება. ამ პერიოდში ბევრი სახელოვანი ჰაბუკი და ქალიშვილი აღიზარდა ამ სახლში და სამოღვაწეოდ მოეფინა ჩვენს დიდ ქვეყანას.

აქ მიიღო წრთობა ცნობილმა იურისტმა და მწერალმა იუსუფ ფაღავამ, აქ შეისწავლა წერა-კითხვა და დაეუფლა ჟურნალისტის რთულ პროფესიას ჯემალ შამილაძე. ამ სახლში დაზრდილები და აქედან აფრენილები არიან ტაისა რამაზანოვა, რომელმაც ოდესაში დაამთავრა მუსიკალური სასწავლებელი და დღეს ამ დარგის ცნობილი ხელმძღვანელია, ედიკა კაკაბაძე, მეზღვაურობა რომ აირჩია პროფესიად, ეროვნებით ბერძენი სიმელანგზიროვაც აქედან მოეწყო თბილისის სამედიცინო ინსტიტუტში, რომლის წარჩინებით დამთავრების შემდეგ წალკაში გადავიდა სამუშაოდ და, როგორც კარგი და გულისხმიერი ექიმი, ქებას იმსახურებს. ვლადიმერ კისელიოვი მფრინავი გახდა, ამჟამად იგი ლენინგრადში ცხოვრობს და თავის წარმატებებზე ხშირად წერს მის აღმზრდელებს. გალინა კაპლენკომაც ასახელა აღმზრდელები, მან დაამთავრა ლენინგრადის ლომონოსოვის სახელობის უნივერსიტეტი, შემდეგ ასპირანტურა და მოღვაწეობს ლენინგრადის ერთ-ერთ ინსტიტუტში. ასეთები არიან აგრეთვე ლამარა ტაბლაძე, პეტრე შუქრიძე და მრავალი სხვა, რომელთა ჩამოთვლა შორს წავიყვანდა. მათ მიერ გამოგზავნილ წერილებს აქ სათუთად ინახავენ.

„საყვარელო ბიძია ალიოშა, საყვარელო აღმზრდელებო“.

„ტკბილად მოსავონარნო... ჩვენო მშობლებო და მზრუნველებო“.

ასეთი სიტყვებით იწყება და უღრმესი მადლობით მთავრდება თქვენი
ეული მათგანი.



აღმზრდელი ყველა საყვარელია, მასწავლებელი ყველა კეთილად მოსახსენებელი, მაგრამ სულ სხვაა უღედამოდ დარჩენილი ნორჩი თაობის მიმხედვისა და პატრონის სიყვარული. ასეთი მიმხედვა და პატრონი მშობლებზე მეტად საყვარელი და დასაფასებელია. აბა ცამეტი წლის ნაზი ნაგერვაძეს, რომელსაც მშობლების ერთმანეთთან გაცილების გამო ჯერ ზუგდიდის საბავშვო სახლში მოუხდა ყოფნა, ხოლო იქიდან მახინჯაურის აღსაზრდელ ბავშვთა სახლში გადმოიყვანეს და მშობლიურად მიიღეს, რატომ არ ეყვარება მშობლებზე უფრო აქაური აღმზრდელები და ხელმძღვანელები? მკვიდრი მშობლების უღირსი საქციელის გამო რამდენი ცრემლი დაუღვრია პატარა ნაზის, რამდენი ოხვრა აღმოხდენია, რამდენჯერ მიაღერსებია სიზმრად ნახული დედისა და მამის აჩრდილს. აქ კი კეთილმა ადამიანებმა მას დედის ალერსიც მიაშველეს, მამის მზრუნველი ხელიც, ცრემლიც შეაშრეს და ოხვრაც გადაავიწყეს.

ერთი და ორი როდი არის ნაზის ბედის თანაზიარი. მშობლების არაკეთილშობილურ საქციელს ბევრი მოუყვანია ამ სახლში.

„ჯერ კი დავღონდი, დაჩაგრდა გული,
ყოფნა უმშობლოდ მეძნელებოდა...
სხვები ღვინობდნენ, და მე კი ლული
ცრემლისა თვალზე არ მშორდებოდა“.

დიდი ილიას პოემიდან იგონებენ სტრიქონებს ამ სახლის შვილობილები და კმაყოფილი არიან, რომ მათი ბედი სრულიად არ დაემსგავსა პოემის გმირების ბედს.

„ალიოშა ბიძია, ამ წერილს გწერ ყოფილი აღსაზრდელი მუქრიძე... ხშირად ფიქრებში ვარ და ვიგონებ იმ დროს, რომელიც გავატარე მაქ, თორმეტი წლის განმავლობაში. ხშირად ვიგონებთ თქვენ, რომელსაც დიდი ღვაწლი მიგიძღვით ჩემს აღზრდაში... დიდი მადლობელი ვარ თქვენ და ბავშვთა სახლის პედაგოგიური კოლექტივისა. არასდროს არ დამავიწყდებოდა... ერთი კვირის შემდეგ ვამთავრებ სამხედრო სამსახურს... ნახვამდის ძია ალიოშა. ნახვამდის ჩემო აღმზრდელო!“

ასეთივე სიყვარულით და სიტკბოებით აღსავსე წერილებს ღებულობენ ყოფილი აღსაზრდელებისაგან აღმზრდელები და პედაგოგები ეთერ ბერიძე, ვახტანგ კონცელიძე, მარიამ ტუხუაძე და სხვები, რომლებიც ამ სახლში აღსაზრდელად შეკრებილ მომავალ თაობას უძღვებიან და წვრთნიან.

ალბათ აქ შევწყვეტიდი ამ სახლის ამბავს. მაგრამ... ჩემი ბინის შტაბი აწყრიალდა.



— შეიძლება?

— მობრძანდით.

ოთახში ორი ბავშვი შემოდის.

— მე ჯუმბერ გორაძე ვარ.

— მე ამირან ჯაბნიძე.

— ორივე სოფელ ახალშენიდან ვართ.

— მაგას მამა არა ჰყავს, მე დედა. — ერთმანეთს არ აცლიან ბიჭები.

— მერე? — მეღიმიება მე.

— ორივე მახინჯაურის ბავშვთა აღსაზრდელ სახლში ვიზრდებით.

— მეშვიდე კლასელები ვართ.

— სასიამოვნოა. — ხელს ვართმევთ ერთმანეთს.

— თქვენ ხომ იყავით ჩვენთან...

— დღეს ჩვენ მოვედით თქვენს გასაცნობად.

— მადლობელი ვარ. დაბრძანდით, ვისაუბროთ.

სხდებიან. ვსაუბრობთ. მიყვებიან თავიანთ ამბავს.

ძნელია უმამობა, უდედობა კიდევ უარესი. პატარას ორივე უნდა ჰყავდეს, მაგრამ ბედი როდის ანებიერებს ადამიანს ასე. ის კი არა, ზოგიერთს სულ უპატრონოდ და უთვისტომოდ სტოვებს.

ჩემი სტუმრები ბევრ საჭირობოროტო საკითხში ერკვევიან. ბევრი რამ კიდევ სურთ იცოდნენ. ჩემთან მოსვლის მიზანი იყო ჩემი სამუშაო დაზღვის გადახედვა, ჩემი, როგორც მწერლის ახლოს გაცნობა.

— ჩვენი სურვილია კიდევ გვესტუმროთ, კიდევ მოაწყოთ ისეთი სალამოო. — მთხოვენ, შევპირდი. შემდეგ ცოტა ხანს კიდევ წავისაუბრეთ და ერთმანეთს გამოვეთხოვეთ.

და ერთ დღეს, როცა ჩემი ახალგაზრდა სტუმრებისათვის მიცემული პირობა გამახსენდა, ავისხი ჩემი განუყრელი იარაღი და გზას გავუდექი. მახინჯაურამდე ავტობუსით ვიმგზავრე, შემდეგ კი...

ქვეითად სიარული მარგებელიაო, ამბობენ და ამ რჩევის მიხედვით მეც შევყევი სიმწვანეში ჩაფლულ გორაზე მიმავალ შარავჯას.

— თქვენ ჩვენს სახლში ხომ არ მობრძანდებით? — მეკითხება ათი-თორმეტი წლის წითური ბიჭი, რომელიც სწორედ იქ შემომხვდა, სადაც გზა იყოფოდა და მე არ ვიცოდი რომელს გავყოლოდი.

— რომელია ბიჭიკო თქვენი სახლი?

— აი, თქვენ რომ ერთი თვის წინათ იყავით. მე იმ სახლის აღსაზრდელი ვარ. თუ ჩვენი სტუმარი ბრძანდებით, ამ ბილიკით წამობრძანდით, უფრო ახლია.

— ახლო კია, ბაბუა, მაგრამ... კარგი, გამიძეხი წინ. — არ ვავამყოფენ ჩემი გულისა და მუხლების შესაძლებლობა. ერთხანს უხმოდ მივდიოდით შემდეგ შევჩერდი და ვინაობა ვკითხე.

— ჯემალ კარლოს ძე წითელაძე გახლავარ, სოფელ ახალშენში. გამეცნო ჩემი თანამგზავრი. იგი თორმეტი წლისაა, მაგრამ ბევრად უხნეჲ სი ყმაწვილის ცოდნასა და გამოცდილებას ამჟღავნებს.

ჩვენ სახლის წინ ეზოში შევჩერდით. აქ არიან ჩვენი ნაცნობები ლამარა, თამარა, ბიძია ალიოშა, მისი მეგობრები და თანამებრძოლები, მოზრდილი და მოზარდი ვაჟები და გოგონები. ამ სახლის მთელი კოლექტივია აქ წარმოდგენილი.

იმ დღეს საზეიმო შეხვედრა გვექონდა. მოხსენება, სიტყვები, დეკლამაციები, ლექსები, სიმღერები, დღეს კი ჩვენ უფრო შინაურულად ვხვდებით ერთმანეთს, მეგობრულად, ამხანაგურად. პატარა აღსაზრდელები ეთერის კონცელოიდის ირგვლივ ჩამომსხდარან სკამებზე და ამ კეთილშობილი ქალის საუბარს ისმენენ. ეთერის წაკითხული და მოყოლილი ზღაპრები ხიბლავს პატარებს. ჩვიდმეტი წელიწადია ეთერი აქაურ აღსაზრდელებს ემსახურებაო, მეუბნება ლამარა. იგი ერთ-ერთ საუკეთესო აღმზრდელად თვლის კონცელოიდს.

აგერ ერთი ჭაბუკი ჩამომგდარა და ტანკენარ. შევგვრემან გოგონას რაღაცას ელაპარაკება. გოგონა სიყვარულით უცქერის ახალგაზრდას და თან სინანულითა და სევდით ევსება გული. ეს სევდა თურმე მისი დედამამიშვილების დაშორების მოლოდინით არის გამოწვეული. ვაჟი, რომელიც მას ესაუბრება, მკვიდრი ბიძაშვილია, იგი სვანეთიდან ჩამოსულა, რათა ამ სახლში მყოფი ორი პატარა აღსაზრდელი წაიყვანოს ამ არდადეგების დროს სოფელში მამასთან. ის აღსაზრდელები კი ამ გოგონას დედამამიშვილებია. ორი ძმა და ორი და იზრდება მასთან ერთად ამ სახლში. ახლა კი მხოლოდ ორი ბრუნდება მშობლიურ სოფელში ამ არდადეგებზე. თინა ჭკადუას კი ეძნელება დედამამიშვილების დაშორება.

ნეტავი მეც მათთან ერთად მივდიოდეო, ფიქრობს.

— ნახვამდის ბიძია ალიოშა.

— ნახვამდის დეიდა ლამარა.

— ნახვამდის ჩვენო ძმებო და ამხანაგებო!

უქნევენ ხელს ერთმანეთს წამსვლელები და გამცილებლები. ხშირი და ჩვეულებრივია ასეთი წასვლა და გაცილება. ჩვეულებრივი, მაგრამ სხვადასხვანაირი. ზოგი სევდიანია, ზოგი ნალვლიანი, ზოგს კი ცრემლებიც ახლავს.

სევდიანია დროებით ერთმანეთის დაშორების მომენტი, ნალვლიანი კი უფრო ხანგრძლივი დაშორება, ხოლო ცრემლები მოსდევს ერთმანეთ-

თან საბოლოოდ დაშორებას, ცრემლები, მაგრამ არა მწუხარებისა და გასაკვირის. ასეთის მოლოდინშია ყველა აღსაზრდელი და მოუთმენლოდ ელოდება იმ ბედნიერ დღეს, როცა იგი დასრულებული და დაგეგმიური მადლიერების გრძნობით გამოეთხოვება თავის აღმზრდელებს და ცხოვრების ახალარჩეულ გზას დაადგება.

ჰო, სახლში ასი ტახტი დგას სუფთად აღაგებული ლოგინით. ასი ტახტი, ასი აღსაზრდელისათვის, აქედან ორმოცამდე გოგონებისათვის არის განკუთვნილი და ცალკე გამოყოფილ ოთახშია დადგმული, დანარჩენი ვაჟებს ეკუთვნის.

მართალია, აქ ყველაფერი ლამაზია და მიმზიდველი, ბევრს შემუშრდება აქ ცხოვრება და მოსვენება, მაგრამ...

პირველად მოყვანილ აღსაზრდელს საპატიმროდ ეჩვენება აქაურობა. სევდა აწვება და ცრემლებით ნამავს სუფთა ბალიშს.

მაგრამ ცრემლი და ნღველი დრომ გაიყოლია. მშობლიურმა მოპყრობამ და მზრუნველობამ ახალმოყვანილ აღსაზრდელს გული გაუთბო, ცრემლი შეაშრო და სწავლა და შრომა შეაყვარა.

უბედობასა და ობლობას აღარ უჩივის ახლა კომკავშირელი გულნარა ტაკიძე, რომელიც თავის ძმასთან ერთად ამ სახლში იზრდება და იწვრთნება.

არც თოთხმეტი წლის ზაურ ნაკაშიძეა უკმაყოფილო აქაურობით. არც მისი ძმა ხასანი ამბობს საყვედურს ბედზე, რომელმაც ორივე აქ მოიყვანა და ამ კოლექტივის წევრი გახდა.

ნარგიზ კოჩალიძე სულ პატარა იყო აქ რომ მოიყვანეს. იგი მალე შეეჩვია და შეეგუა ახალ გარემოს, აქ გაიარა პიონერული ლამაზი თავსაფართო და წითელი ყელსახვევით და კომკავშირის რიგებში მომზადებულნი შევიდა.

რომელ ერთსა და ორზე დავწეროთ, რომელი ერთი და ორი მოვიხსენიოთ. აქ ყველა საყვარელი და სასურველია, ყველა ერთნაირად შესამკობი და შესაქები...

ჰო, მართლა, იმ მომხსენებელ გოგონაზე რომ არაფერი მითქვამს!

„მე ის ლიანა კასოევა ვარ, იმ საღამოზე მოხსენება რომ წავიკითხე“. მიწერილი ჰქონდა ბარათს, რომელიც რამდენიმე დღის შემდეგ მივიღე. ლიანა კასოევა...

„ეროვნებით იეზიდი ვარ, მაგრამ თავს ქართველად ვთვლი“. იეზიდი...

ჰო. ამიერ-კავკასიაში ცხოვრობენ იეზიდები. განსაკუთრებით ქ. თბილისში. საქართველო ხალხთა ინტერნაციონალური მეგობრობის კერაა და რა გასაკვირია იეზიდების, ამ უცხო ტომის წარმომადგენლებიც ცხოვრობდნენ აქ. მაგრამ...

„სადაც ვშობილვარ, გავზრდილვარ“...

„მე ქართველი ვარ და ვის ესურვება მიწოდოს“...

და მეც ქართველი ვარო, ამბობს მახინჯაურის ბავშვთა სახლის შექმნის კლასელი აღსაზრდელი გოგონა ლიანა კასოევა.

რა ვუყოთ მერე, რომ ეროვნებით იგი იეზიდია, სარწმუნოებით მისი წინაპრები მუსულმანები იყვნენ! ქურთების მონათესავე ტომს ეკუთვნოდნენ. შემდეგ ხომ მიატოვეს აღრინდელი სამშობლო და სხვა ქვეყანაში გადასახლდნენ. მეტმა ნაწილმა სომხეთი და საქართველო აირჩია საცხოვრებლად და რამდენიმე ხნის შემდეგ ეს რესპუბლიკები აღიარეს სამშობლოდ.

ლიანა კასოევას მშობლები არ ჰყავს. დედა ექვსი წლისას გარდაეცვა. იგი განათლებული ქალი იყო, ზოოვეტერინარული განათლება ჰქონდა მიღებული. მამა მტვირთავად მუშაობდა. მეუღლის სიკვდილის შემდეგ მან სამი მცირეწლოვანი უდედმამო ბავშვთა სახლს ჩააბარა. იქიდან გაანაწილეს ბატარები, ექვსი წლის ლიანა ბავშვთა აღსაზრდელ სახლში გაგზავნეს, მისი ოთხი წლის ძმა და ორი წლის და სხვა ადგილას გადაიყვანეს.

„ამის შემდეგ მე არც და მინახავს, არც ძმა, თუმცა ძალიან მინდოდა მათი ნახვა.“ წერს თავის ბიოგრაფიაში ლიანა. მამას ორჯერ მიუკითხავს შვილისათვის, მაგრამ მალე იგივე გამოსაღმებია წუთისოფელს.

„შვიდი წლის განმავლობაში მხოლოდ აღმზრდელებისა და დირექტორის სიტბოს ვგვრძობდი. და-ძმის ასავალ-დასავალი არ ვიცოდი. ლამარა დეიდა ყველაზე უფრო შედიოდა ჩემს მდგომარეობაში და მოშველებას ცდილობდა“.

და გასული წლის (1973) სექტემბერში მოხერხდა ლიანას და-ძმის მოძებნა.

„და დღეს ისინიც ჩემთან არიან“. — კმაყოფილი და გახარებულია ლიანა კასოევა და თავის მიზნებსა და მისწრაფებებზე გვესაუბრება.

იგი ნიჭიერი გოგონაა. მეოთხე კლასში იყო, რომ ჩეხოსლოვაკიაში გაგზავნეს მოსწავლეთა ერთ ჯგუფთან ერთად, როგორც კარგი მომღერალი. სხვა ქალაქებსა და ქვეყნებშიც უმოგზაურია.

ლიანა ლექსებს წერს, მოთხრობებსაც. სურვილი აქვს გახდეს მწერალი. დაწეროს აღსაზრდელებზე, აღმზრდელებზე, ისეთ გულთბილ ხელმძღვანელებზე, როგორიც...

„ბიძია ალიოშა“.

როგორიც ამ სახლის დირექტორი და ხელმძღვანელი ალექსანდრე ზედანიია. დიახ, მასზე ყველა ამ სახლში აღზრდილს თუ აღსაზრდელს სურს თქვას თავისი სიტყვა, სიტყვა მადლობითა და ღრმა პატივისცემით გამოთბარი.

მახინჯაურის ბავშვთა აღსაზრდელი სახლის სიკეთე სწორედ ეს არის, რომ მას თავიდანვე შერჩეული ხელმძღვანელი და კვალიშემდევნი გაუჩნდა.

აწ განსვენებული პედაგოგი და საზოგადო მოღვაწე სერგო ბოლქვაძე, რომელსაც წილად ხვდა ამ სახლის პირველი დირექტორი ყოფილიყო, ძალიან ბევრი კეთილშობილი თვისებებით გამოირჩეოდა.

სერგოს გვერდით ედგა და მასთან ერთად მოღვაწეობდა კარგი პედაგოგი და აღმზრდელი მარო ცქვიტიშვილი.

გავიდა დრო. ადრინდელმა ხელმძღვანელებმა და აღმზრდელებმა დაუთმეს ადგილი ახალგაზრდობას, გაიყოლიეს აღზრდილებისა და დავაჟაცებული ადამიანების მადლობა, სიყვარული.

1952 წლიდან ამ სახლის აღსაზრდელთა ხელმძღვანელობა, მათი მოვლა-პატრონობა და მათზე მზრუნველობა ახალგაზრდა პედაგოგსა და ცხოვრებაში კარგად ჩახედულ კომუნისტს ალექსანდრე ზედანიას დაევალა. აღსაზრდელები პირველად დადონებული და ცხვირჩამოშვებულნი შეხვდნენ ახალ უფროსს, მაგრამ ორ დღესაც არ გაუვლია, რომ ეს ახალმოსული დირექტორი „ძია ალიოშად“ იქცა.

„ძვირფასო ბიძია ალიოშა“...

იწერებიან სხვადასხვა კუთხიდან და ქალაქებიდან ამ სახლში აღზრდილ-დავაჟაცებული ადამიანები, მათ შორის სწავლულები, ექიმები, ინჟინრები. ლიტერატურისა და ხელოვნების მუშაკები.

...დილაა, მზეს ჯერ არ ამოუწვერავს. აღსაზრდელები ჯერ კიდევ არ ამდგარან, ტკბილ ძილს ვერ შელევიან. ალიოშა ბიძია კი კარგა ხანია ფეხზეა, სამზარეულოს ათვალეირებს, სურსათსა და გამზადებულ ულუფას ამოწმებს. მართალია, ამ საქმეში მას მისებრ ერთგული და პატიოსანი თანაშემწეები ჰყავს, მაგრამ ზედამხედველობა და ყურადღება მაინც საჭირო და აუცილებელია.

დილა ეძალება. ასი საწოლიდან ასი აღსაზრდელი წამოიწევს ასადგომად. ზოგი ზღაპრითა და ზმორებით გადმოდის ტახტიდან, ზოგი სწრაფად ჩამოხტება, იცვამს, საწოლს ალაგებს და ხელპირის დასაბანად მიეშურება.

საჭიროა ყველაფერი დროულად და სწრაფად გაკეთდეს.

დილის ვარჯიში, საუზმე, წიგნების ჩალაგება და...

ეზოში ავტობუსი ელოდება. კილომეტრიც არ იქნება სკოლამდე, პირდაპირი ბილიკით ნახევარზე ნაკლებიცაა, მაგრამ აღსაზრდელებისათვის საკმაოდ დიდი ავტობუსია გამოყოფილი.

სკოლიდან დაბრუნებულ აღსაზრდელებს ხომ კიდევ მიხედვა უნდა, სუფრის გაშლა, სადილი... შემდეგ კი რამდენი რამეა საჭირო.

— აღზრდაში ჩვენ სამი რამ გვესმისო, — ამბობს კარლ მარქსი, გონებრივი აღზრდა, ფიზიკური აღზრდა და ტექნიკური სწავლება; რომელიც ბავშვს თუ მოზარდს აძლევს ყველა წარმოების უმარტივესი ლელების მოხმარების ჩვევებსო.

მახინჯაურის ბავშვთა აღსაზრდელი სახლის ხელმძღვანელობას კარგად გაუგია მარქსის ეს მითითება. აქ ბავშვებს მარტო სასკოლო სახელმძღვანელობით კი არ კვებავენ, მარტო მხატვრული ლიტერატურის კითხვას კი არ აჩვენებენ...

— აქ სავარჯიშო მოედანი უნდა მოვაწყოთო, — გვეუბნება ხელმძღვანელი და სახლის ერთ მხარეს მუშაობაში გართულ ჭაბუკებზე გვანიშნებს.

ერთმანეთს ეჯიბრებიან ახალგაზრდები, მანქანით მოზიდულ ხრემს ცლიან, ასწორებენ... ხტიან, მღერიან, ჟრიამულობენ.

სიცოცხლეა, ნამდვილი ხალისიანი სიცოცხლე.

სხვა საქმე და სამუშაოც ბევრი აქვთ აღსაზრდელებს: ბოსტანი, ციტრუსებისა და სხვა ხეხილის ბაღი-ნაშენი. სკოლიდან თავისუფალ დროსა და არდადეგებს მათ მოვლას ანდომებენ.

სწორად იქცევა ბავშვთა სახლის ხელმძღვანელობა, როცა მოზარდთათვის გონებრივთან ერთად ფიზიკურ შრომასაც აჩვენებს. აღსაზრდელების გაკეთებულია ის მაკეტები და ორნამენტები, დახატულია და მოქარგულია ის სურათები და მოზაიკები, ამ სახლის მუზეუმს რომ ამშვენებს. ამ მუზეუმისა და აქ გაშლილი აღმზრდელი მუშაობის შესახებ ბევრი წერილი, მხატვრული ნარკვევი, ჩანახატი და სტატია გამოქვეყნებულია ჩვენს პრესაში.

მახინჯაურის ბავშვთა აღსაზრდელი სახლის მსგავსი სახლები ძალიან ბევრია ჩვენს ქვეყანაში, არის სახლები უფრო პატარებისათვის, სავსებით ნორჩებისათვის, რომლებმაც ისე დაჰკარგეს მშობელი, რომ მისი აღერსიც არ უგერძნიათ, დედის მკერდის სიტკბო და სითბო არ ღირსებიათ.

ჯერ კიდევ გვხვდებიან დედები და მამები, რომლებიც შვილებისა და მომავალი თაობის აღზრდას, მათ ბედნიერებას პირად ინტერესებს ანაცვლებენ. ზოგი დედა მორთულობასა და სამკაულს მეტ ყურადღებას უთმობს, ვიდრე შვილის მოვლასა და აღზრდას...

„როდესაც (კორნელია გრაკუსის) მეგობარი ქალები, მდიდარ რომაელთა ცოლები, ერთიმეორეს თავიანთი ძვირფასეულობითა და მორთულობით ეტრბახებოდნენ და კორნელიასაც სთხოვეს ეჩვენებინა თავისი სამკაულები, მან გამოუყვანა თავისი შვილები და უთხრა „აი, ჩემი სამკაულები და მორთულობანიო“.

ეს ძველი თქმულებაა, ძველი ამბავი, მაგრამ განა დღეს არ გამოდგე-

ბა კეთილი და გულისხმიერი დედის დასახასიათებლად! ადამიანი, რომელიც ხელს ჰკრავს, მოიცილებს და უყურადღებოდ მიატოვებს, მისაკუთარ შვილს, იგი საზოგადოების სამართლიან გაკიცხვას ღირსობურად.

მაგრამ არიან სხვა მიზეზებითაც დაჩაგრული და შეწუხებული პატარები, უსუსურები, უძლურები, რომლებმაც უდროოდ დაჰკარგეს მშობლები, არა ჰყავთ მოკეთე და ნათესავი.

და რომ ასეთებმა არ იგრძნონ უდღედამამობა, უპატრონობა, რომ არ მოაკლდეთ ალერსი და მზრუნველობა, არ დარჩნენ მიუხედავი და უსწავლელნი, ამიტომაც მიუქცევია ჩვენს პარტიასა და ხელისუფლებას დიდი ყურადღება ასეთი აღსაზრდელების თავშესაფარისა და საბუღარის მოსამრავლებლად. ასეთი თავშესაფარნი, ასეთი აღსაზრდელი სახლები და საბუღარები ძალიან ბევრია ჩვენს ქვეყანაში.

დიდია ზრუნვა ამ საბუღარებში თავმოყრილი მომავალი თაობის მოვლასა და აღზრდაზე. ამ საქმეს ემსახურება საქმაოდ დიდი არმია ჩვენი საუკეთესო პედაგოგებისა, აღმზრდელებისა, მომვლელებისა და ხელმძღვანელებისა.

ამ სახლებში იზრდებიან, იფურჩქნებიან და იწრთობიან ჩვენი ქვეყნის მომავალი მშენებლები.

და იმ მრავალ სახლს შორის ერთ-ერთი მოწინავეა მახინჯაურის აღსაზრდელ ბავშვთა სახლი, რომლის ამავსა და მზრუნველობას სამარადჟამოდ შემოინახავს ამ საბუღარიდან აფრენილი საიმედო თაობა.

დიდია ჩვენი ოჯახი

შრომით ფასდება ადამიანი

განიერ შარაზე მომავალი მანქანა ორსართულიანი მაღალი სახლის წინ გაჩერდა, იქიდან რამდენიმე მგზავრი გადმოვიდა და შენობის წინ შეკრებილ ხალხს შეუერთდა.

შეკრებილთ შორის იყვნენ ქალები, კაცები, მოხუცები და ახალგაზრდები. ყველას მოხდენილად და კარგად ეცვა, მიუხედავად იმისა, რომ ზოგი მათგანი სამუშაოდან პირდაპირ აქ მოსულიყო.

რამდენიმე ქალს სოციალისტური შრომის გმირის ხუთქიმიანი ოქროს ვარსკვლავი უმშვენებდა მკერდს, ლენინის ორდენოსნებიც საქმაოდ იყვნენ, შრომის წითელი დროშისა და სხვა ორდენების მქონეთა რაოდენობაც არ იყო მცირე.

— არ დავანებებთ და ისაა! — მტკიცედ თქვა ერთ ჯგუფში გაჩერებულმა ახალგაზრდამ.

— სწორია! — დაუდასტურა მას ხანდაზმულმა კაცმა, რომელიც ისე ათვალეირებდა აქ შეკრებილთ, თითქოს მათი განწყობილებების მება სურსო.

— მაგის ხელმძღვანელობით მოვიპოვეთ რაც ვაგვანია და ახლა...

— ოცდაათ წელზე მეტია თავს დაგვტრიალებს... — არ დაამთავრებინა სიტყვა ერთმა შუახნის მანდილოსანმა შუახნის მამაკაცს.

— დაწინაურება გვინდაო, უთქვამთ, უფრო დიდი საქმე უნდა მივანდოთო.

— დასაწინაურებელი და კარგი თუა ჩვენ გვინდა. ამაზე დიდი საქმე რა უნდა მიანდონ.

— ასე იცინა, თუ კაცმა ერთ ადგილას თავი გამოიჩინა, სხვაგან გადაისვრიან. ვითომ მინისტრობა რომ მისცენ, უკეთესი იქნება მისთვის?

— აქ ყველა მადლიერი ჰყავს.

— ასეთი მართალი და პირდაპირი კაცი იქ იმდენ მომდურავს გაიჩენს, რომ...

— პენსიაში გასვლის შემდეგაც არ ეყოლება ხმის გამცემი და მოსაუბრე.

ასეთი მსჯელობა-კამათი ჰქონდათ იმ დღეს, როცა აქ ერთი მეტად საკირო საკითხის გადასაწყვეტად ორი სოფლის მოსახლეობას თავი შეეყარა.

სოფლის თავკაცის სხვა, უფრო მაღალ თანამდებობაზე გადაყვანის საკითხი იდგა.

ხალხით სავსე კლუბის დარბაზი უქმყოფილოდ შეხვდა ამ ცნობას.

და როცა შეკრების ინიციატორთათვის ცხადი გახდა, რომ მამობრივი მზრუნველის მოშორება არავის სიამოვნებს... დარჩეს, ემსახუროს სოფელსო — თქვეს და აღტაცებულმა ტაშის გრილმა ასწია შენობის ჰერი.

* * *

გუშინ, ივნისის მიწურულს, საღამო ხანს დასავლეთიდან მოწოლილმა ქარმა შავი ღრუბელი გამოორეკა, მას ელვა-ჰეჰა მოჰყვა და ზღვისპირა ბაღში ნარგავების მოსარწყავად გასული მანქანები უკან გამობრუნდნენ.

ბაღში და ზღვისპირას გასულმა დამსვენებლებმა სახლებისა და თავშესაფრისაკენ მიაშურეს.

ნაგვალავმა მიწამ სული მოითქვა და მცენარეების შემღრალმა ფოთლებმაც ცქვიტეს ყური.

მთელი ღამე განუწყვეტლივ წვიმდა, დილით გამოიდარა, მზემ ღრუბლებიდან გამოიხედა.

კარზე ზარი აწკრიალდა.

ისკენდერ მაგლობლიშვილი მოსულიყო. ჩვენ გუშინ შევთანხმდით ერთად წავსულიყავით მის სოფელში და იქაური მშრომელებს დაეხმებინათ ნობას გავცნობოდით.

ისკენდერი ხშირად კისრულობს ჩემს მეგზურობას. სად არ ვყოფილვართ ერთად, ვინ არ გვინახავს, ვის არ გავცნობივართ. ერთ გაზაფხულზე მთელი ქობულეთის რაიონი ჩამოვიარეთ. ძალიან არეულ-დარეული თავგადასავალი აქვს ისკენდერს, არც თუ ისე სახარბიელო წარსული, მაგრამ ერთ-ერთი მოთხრობის მსგავს ნარკვევში მე მაინც აღვწერე მისი თავგადასავალი.

დღეს ისკენდერი ხანდაზმული კაცია, ჰყავს ცოლ-შვილი, ბაღიშები, აქვს კარგი ოჯახი და ბედით კმაყოფილია.

მობრძანდით-მეთქი, სახლში შემოვიპატიე, მაგრამ არ დამეთანხმა, აქ დაგიცდი, ჩაიცივი და წავიდეთო.

დავეთანხმე.

მანქანას მივადექით, მძღოლს მისამართი მივეცით და გზას გავუდექით.

როცა ბათუმის ნავთობგადამამუშავებელ ქარხანას ჩავუარეთ, მაშინ მომაგონდა ამ ორმოცდაშვიდი წლის წინათ როგორ მოვდიოდით აქ სამუშაოდ შაბათობაზე და მიწას ვასწორებდით, ორმოებს ვთხრიდით, თხრილები გაგვყავდა, სამშენებლო მასალას ვეზიდებოდით.

ღიახ, ასე ახალგაზრდაა ჩვენი ქარხნები.

მე კი მოხუცებულობის პენსიაში ვავედი.

ჰო, სულ ახლა, ჩვენს მახსოვრობაში მოხდა ეს ყველაფერი. ჯერ კიდევ ამ ქარხანაში მუშაობენ მისი მშენებლები, მისი დაბადების მოწინე.

ერთ-ერთი მოწმე მეცა ვარ მათ შორის და მიხარია, რომ იმ ადგილას სადაც ერთ დროს ჩემი რომანის „შვილების“ გმირს რამინ ცისკარაძეს სათრიელა ურემით შეშა მოჰქონდა, დღეს სასახლეებია აგებული და ურიცხვი მანქანები დასრიალებენ.

იმ რომანის შექმნის პერიოდში ხშირად დავდიოდი მე აქ და ყოველი კუთხე და ადგილი ნაცნობია ჩემთვის, მაგრამ ეს ისე, მოგონების ჩრდილმა მომაძალა და ეს სტრიქონები დამაწერინა.

ჩვენი მანქანა მიჰყვება შარას. მიიწევს წინ. ვხედავ სალიბაურის ჩაის საბჭოთა მეურნეობას, საქართველოში ჩაის კულტურის პირველ კერას, სადაც ჩინელმა სპეციალისტმა ლაუ-ჯონ-ჯაუმ ჩაის პირველი ჭაწინი კი აგემა საზოგადოებას და შემდეგ მისი ღირსება თანდათან ასწია. 1900 წელს პარიზში საერთაშორისო გამოფენაზე აქაურმა ჩაიმ მიიღო დიდი ოქროს მედალი წარწერით „კავკასიის ჩაის, მსოფლიოში უკეთესი ხარისხისათვის“.

ესეც ძველი ამბავია და ამ მგზავრობის დროს ვიხსენებ.

მაშინ სხვას ეკუთვნოდა იგი. სალიბაური და მწვანე კონცხიც, მახინჯი ჯაური და ორთაბათუმი, ეს მთები და ეს გორაკები, ეს დაბლობები და ეს ვაკეები, ყველაფერი, ყველაფერი სხვისი იყო და მშრომელ ხალხს მათი წილი არ ედო.

— ხედავ რა სახლები წამოჭიმეს ახლახან ქედისა და ხულოს რაიონიდან ჩამოსახლებულმა გლეხებმა! — მახლობელ გორაკისაკენ მანიშნებს ჩემი თანამგზავრი.

მართლაც, სახლები კი არა სასახლეებია. ძალიან მშრომელი ადამიანები ყოფილანო, მეუბნება ისკენდერი.

ჩვენმა მანქანამ მწვანე ხეივანში კიდევ რამდენიმე კილომეტრი გაიარა, ცალ მხარეს შეუარა და ორსართულიანი შენობის წინ გაჩერდა.

აქ არის ტელმანის სახელობის კოლმეურნეობის კანტორა, კლუბი, ფოსტა-ტელეგრაფი, შემნახველი სალარო, ბიბლიოთეკა, თვითმოქმედი წრეების სამეცადინო ოთახები, შენობის გვერდით ფეხბურთის მოედანი, ფიზკულტურის მოყვარულთა სხვადასხვა სავარჯიშო მოწყობილობანი.

შენობის წინ პატარა მოედანია აუზით, სახლის ირგვლივ კი სხვადასხვა ჯიშის ხეებია გაშენებული.

ასეთია აქაურობისა და ამ შენობის გარეგნული სახე-ფასადი.

მაგრამ ჩვენ უფრო გვაინტერესებს ხალხი, ადამიანები.

— მობრძანდით, ბატონო, ყველას გაგაცნობთ, — თითქოს მიგვიხვდა გუმანს ერთი შუახნის კაცი.

— თქვენ...

— კოლმეურნეობის ბრიგადირი ავთანდილ ასანიძე გახლავართ. — გვეუბნება იგი და ხელს გვართმევს.

ავდივართ მეორე სართულზე, სადაც კოლმეურნეობის კანტორაა. მაგიდებს შიშვდარი მუშაკები საქმით არიან გართულნი.

კოლმეურნეობის თავმჯდომარე რაიკომის ბიუროზე ყოფილა წასული და მასთან გასაუბრება დღეს არ მოგვიწევს, მაგრამ მე ხომ კარგად ვიცნობ მამიას. მასთან საუბარიც მქონია, პურ-ღვინოც მიგვიღია ერთად. მისი თაოსნობით გაკეთებული საქმეც მინახავს. კაცი, რომელიც თითქმის ოცდათხუთმეტი წელია ხელმძღვანელობს კოლმეურნეობას და მასზე საყვედური არავის დაცდენია. ლენინის ორი ორდენი მიუღია, მედლები, ქების სიგელები, მრავალი ჯილდო.

მის შესახებ ყველაფერი ვიცი და გამიგია.

ისევ სხვას გავესაუბრები, ქვევიდან დავიწყებ.

— მე ეკონომისტი გახლავარ, ლევან წილოსანი. — ცნობისმოყვარეობით შემოგვხედა მაგიდასთან ჩამჯდარმა ახალგაზრდამ. — ექვსი წელია

აქ ვმუშაობ, ჩვენი კოლმეურნეობის ავ-კარგი კარგად გამეგება. — და მოკლედ გვიყვება.

კოლმეურნეობა ას ორმოცდაათამდე ჰექტარ ჩაის ფართობს, სამოცდაორ ჰექტარამდე ციტრუსია, რამდენიმე ჰექტარი ტუნგი, დაფნა და სხვადასხვა ხეხილი. თესენ სიმინდსაც, ცოტას, ფართობის სიმცირის გამო.

აქვე ვეცნობით კოლმეურნეობის მთავარ ბუხპალტერ აიშე სარჯველაძეს. იგი ერთ დროს არსებულ აჭარელ ქალთა სკოლის ყოფილი მოსწავლეა. მოწაფეობის დროს ხშირად მოდიოდა ხოლმე მწერალთა კავშირში და ჩვენს ახალ-ახალ ნაშრომებს ეცნობოდა.

— თქვენი გვარი, თქვენი მოვალეობა? — ვეკითხები ახალგაზრდას. რომელიც საანგარიშოს დაპყურებს და იქ მიღებულ რაოდენობას სქელ დაეთარში იწერს.

— დოლიძე გახლავარ, ზაქროს მეძახიან.

— დოლიძე... — მეღიშება მე. — საქართველოში ეს დალოცვილი გვარი იმდენია! გურიიდან იქნებით!

— არა. ქედის რაიონიდან.

— მერისიდან ხომ არა?

— დიახ, მერისიდან. კარგა ხანია ჩემი მშობლები ჩამოსახლდნენ აქ.

— იმის ბიჭი გახლავს, ჩემს ოჯახში რომ შეგახვედრე ერთხელ. — მეუბნება ისკენდერი.

— აჰ, იმის ვაჟი?..

და ახლა კვლავ უკან ვიხედები და ორმოცდაერთი წლის წინანდელ ამბავს ვიგონებ.

ჩვენმა მხატვრულ-ლიტერატურულმა ბრიგადამ, რომელიც მწერალთა კავშირის აჭარის განყოფილების ინიციატივით იყო გაგზავნილი მთიანი აჭარის სოფლებში აგიტმასობრივი მუშაობის ჩასატარებლად, შემოიარა ზემო აჭარის სოფლები, ვიყავით ღორჯომში, რიყეთში, დიოკნისში, დანისპარაულში, ხიხაძირში, ვერნებში, სხალთაში, ჭვანაში, ფურტიოში, უჩამბაში და ჩამოვედით ქედის რაიონში. აქ პირველი სადამო-წარმოდგენა გავმართეთ ზვარეში, ქედაში, ალიქოღლებში და ვესტუმრეთ მერისს. აქ ძალიან კარგად შეგვხვდნენ, სკოლის დარბაზში სცენა მოგვიწყვეს, ფანრებით შენობა გაანათეს, ხოლო სადამოს დამთავრების შემდეგ ღამის გასათევად ოჯახებში გაგვანაწილეს. მე და ჩემი ამხანაგი ჟურნალისტი კომანდო დობორჯგინიძე ერთმა კოლმეურნე გლეხმა წაგვიყვანა ოჯახში. მართალია, ღარიბად ცხოვრობდა, მაგრამ კარგად გაგვიმასპინძლდა, ნავახშმევს ცალკე ოთახში ლოგინი გაგვიშალა და მოსვენება შემოგვთავაზა

მოსვენება კი შემოგვთავაზა, მაგრამ მისმა მოკლედ მოყოლილმა ბავშვმა მთელი ღამე არ მოგვასვენა. ჩვენი ბრალი კი იყო. ვკითხვეს, ენა ახალგაზრდა კომუნისტი კაცის სიკვდილის შესახებ. მაშინ ეს ამბავი დაიწყო და დაიწყო გვანტერესებდა. რა მოხდა, რამ მოჰკლა ასე ახალგაზრდა ერთ-ერთ აქტიურ მუშაკად ითვლებოდა ქედის რაიონში, სადაც არც ისე ბლომად გვყავდა ადგილობრივი კადრი.

— იგი ჩემი ძმა იყო. — ნაღვლიანად ამბობს მასპინძელი. — ბევრს არ მოსწონდა მისი საქციელი, განსაკუთრებით სარწმუნოების მიმდევართ. ხოჯა-მოღები ხომ სულ ვერ იტანდნენ. დასანახადაც ეჯავრებოდათ პატიოსანი და მტკიცე კომუნისტი.

და ერთ ღამეს, როცა სამსახურიდან შინ ბრუნდებოდა, საფრთხობელა სამოსით ზღაპრული ქაჯის მსგავსად მორთული ვიღაცა გადაუდგა გზაზე და შეუტია. ვერ შემაშინებთო, დაიძახა მომავალმა და იარაღიც მოიწვევლია, მაგრამ იარაღმა უმტყუნა, რამაც შიში გააძლიერა.

— რაღაცა რომ დაგორდა და კედელს მოასკდა, მაშინ გამოვცვივდით გარეთ და ვნახეთ ჩემი ძმა უგონოდ კედელთან დაგდებული. გონზე რომ მოვიდა, ყველაფერი გვიამბო. ჩემი გადღეობა მოინდომესო, თქვა. მართალია, ამ შემთხვევის გამო იგი არ გაგიყებულა, მაგრამ ძალზე დასნეულდა და ხელიდან გამოგვეცალა.

მასპინძელმა ამბავი დაამთავრა. გავიდა, მაგრამ ჩვენ მთელი ღამე არ გვეძინა.

ეს ამბავი უფრო ვრცლად მოყოლილი მაქვს ჩემს რომანში „დელი მურადი“ („განთიადი ხევში“).

— დიან, მაშინდელი თქვენი მასპინძელი მამაჩემი გახლავთ. — მეუბნება კოლმეურნეობის ახალგაზრდა ბუხჩალტერი ზაქრო დოლიძე.

გასაგებია. მერისიდან გადმოსახლებულ ღისა დოლიძის ვაჟთან მქონია საცხარი.

ეს ჩვენი შეხვედრა შემთხვევით მოხდა, მაგრამ ორივეზე კარგი შთაბეჭდილება მოახდინა.

ჩვენს საუბარში კოლმეურნეობის პარტორგანიზაციის მდივანი შაქრო ბერიძეც გამოჩნდა და ახლა მის კაბინეტში გადავინაცვლეთ.

ამხანაგი ბერიძე გვესაუბრება კოლმეურნეობის პარტორგანიზაციისა და კომკავშირის ორგანიზაციის მუშაობის შესახებ.

— კოლმეურნეობის პარტორგანიზაციაში ასოთხი პარტიის წევრი და შვიდი პარტწევრობის კანდიდატია. — ამბობს ბერიძე. — ამათ შორის ოცდაშვიდი ქალია, რომელთაგან სამი სოციალისტური შრომის გმირია. ახალგაზრდობის დიდი ნაწილი გაერთიანებულია კომკავშირში. მათ ნოდარ კოჩალიძე ხელმძღვანელობს.

ხელვაჩაურის რაიონის ტელმანის სახელობის კოლმეურნეობის წარმატებებს მოწმობს ის მაღალი ჯილდოები, ორდენები და მედლები, რომლებითაც დამშვენებულია კოლმეურნეთა უმეტესობის მკერდები. კოლმეურნეობის მიღწევებზე მეტყველებს ის ფაქტიც, რომ იგი დაჯილდოებულია შრომის წითელი დროშის ორდენითა და მედლობისა და ქების სიგელებით.

ადამიანის აღზრდა, ჩამოყალიბება და სწორ გზაზე დაყენება წიგნების საშუალებით ხდება. დედაენიდან იწყება წიგნის კითხვა და სიყვარული და გრძელდება მთელი სიცოცხლის მანძილზე. უწიგნოდ ძნელია, ამბობს ლენინი. უდიდესი ზეიმია კარგი წიგნით, გვასწავლის გორკი.

ჰოდა, ამ კოლმეურნეობის ბიბლიოთეკა-წიგნთსაცავშიაც საჭიროა შევიხედო.

— მოზრდანი! — გვეპატიჟება კოხტად მორთული ლამაზი ქალიშვილი.

მოზრდილი დარბაზი წიგნებითა და ჟურნალ-გაზეთებითაა სავსე. ცალკე დგას სააბონენტო მაგიდა და წიგნების ამრჩეველთა ჩამოსასხდომი სავარძლები.

ბიბლიოთეკა ერთი შეხედვით უბრალო რამეა. მისი მართვა და ხელმძღვანელობა თითქოს ყველას შეუძლია; შეიძინოს, მოიტანოს, დაალაგოს, გასცეს, ჩაიბაროს, მაგრამ...

დახედეთ ბიბლიოთეკიდან წამოღებულ წიგნს რამდენი სხვადასხვა ნომერი ახის, რამდენი ნიშანი აქვს დასმული. აბა მოსინჯეთ ახალმიღებული ლიტერატურის დანომრვა და დაჯგუფება!

ამ საკოლმეურნეო ბიბლიოთეკის ხელმძღვანელი, საშუალო სკოლა-დამთავრებული გოგონა ნათელა ხალვაში, გამოცდილი ბიბლიოთეკარის ცოდნას ამყდევნებს. უსათუოდ საჭიროა მისი ამ ცოდნის უფრო გაღრმავება და გამდიდრება, მაგრამ ასეთი მოცულობის ბიბლიოთეკისათვის ნათელას ცოდნა, რაც თანდათან გამოცდილებითა და დაკვირვებებით იგება, საესებით საკმარისია.

ბიბლიოთეკაში ათიათასამდე წიგნია, ჰყავს ექვსასამდე მუდმივი მკითხველი, რომელთა რიცხვი თანდათან იზრდება.

როგორც აღვნიშნეთ, წიგნი ყველაზე დიდი იარაღია ადამიანისათვის და ამ იარაღით უფრო კარგად უნდა აღვჭურვოთ იგი. კოლმეურნეობაში, რომელშიაც ასოთხმოცამდე კომკავშირელია, საკმაო ძალაა ახლახან შექმნილ წიგნის მეგობართა საზოგადოების აქტივში.

კულტმასობრივი მუშაობის გაშლის საქმეში დიდი როლის შემსრულებელია კლუბი და მასში გაერთიანებული თვითმოქმედი წრეები. ამ მხრივ ტელმანის სახელობის კოლმეურნეობის კლუბი ცოტა საქმეს რო-

დი აკეთებს. კლუბის გამგე ვახტანგ თავდგირიძე ახალგაზრდა კაცია, მაგრამ აგერ ხუთი წელია ამ დარგს ხელმძღვანელობს. კლუბთან ჩამოყალიბებულია რამდენიმე თვითმოქმედი წრე — აგიტ-მხატვრული, დრამატული, ჯიბე-კრავის. ჩამოყალიბების პროცესშია ინსტრუმენტული სტუდიების წრე და სხვ., მაგრამ გასაგები მიზეზების გამო ამ წრეების მუშაობა გაზაფხულზე და ზაფხულის ამ პერიოდში შენელებულია.

კლუბის ფოიეში გამოფენილია სამამულო ომში დაღუპულ აქაურ მკვიდრთა სურათები. დიდი ადგილი უჭირავს სტენდს, რომელიც დამშვენებულია მოწინავე ადამიანების, კოლმეურნეობის საუკეთესო წევრების პორტრეტებით.

თვითონ კლუბი და მისი მორთულობა...

ჩვენი სახელმწიფო თეატრისათვის ვინატრებდი ისეთი მოცულობის დარბაზსა და ისეთ სავარძლებს, რომელთა რიცხვი შვიდასორმოცდაათს შეადგენს.

კარგია, ლამაზია, მიმზიდველია აქ ყველაფერი.

ალბათ იმიტომ იყო რომ...

გავიხსენოთ ამ წერილის პროლოგი. ხომ არ არის რაიმე მსგავსება იმ კოლმეურნეობის თავმჯდომარისა და...

თუმცა ვინ იცის, იქნებ წერილის ავტორს არც ისე უცნობი პიროვნება ჰყავს დახატული...

რაც უნდა კარგად გაწვრთნილი ჯარი იყოს, კარგ სარდლობას მოკლებული გამარჯვებას ვერ მოიპოვებსო, ნათქვამია.

* * *

მძლოლი მანქანისა, რომლითაც მე მივდივარ, საკმაოდ ცნობისმოყვარე გამოდგა. დაინტერესდა ამ კოლმეურნეობაში ჩემი მისვლის მიზეზით. და როცა ვუთხარი, ამ კოლმეურნეობის ხელმძღვანელობის საქმიანობას უნდა გავეცნო-მეთქი, მაშინ იჰვიტ შემომხედა, გაზეთიდან ხომ არ ხართ, კორესპონდენტის დაწერა ხომ არ გსურთო. ჩვენს რაიონში ერთ-ერთი მოწინავეთაგანია, ხელმძღვანელობაც კარგი ჰყავს, წევრებიც საგანგებოდ შერჩეული გეგონებათ, ისეთი მშრომელებიაო.

— ვნახოთ, ვნახოთ. — გავუღიმე მე. — თუ ასეა...

— თუ კი არა, ნამდვილად ასეა ბატონო. იქაურობას მე ძალიან კარგად ვიცნობ. მეც ამ კუთხიდან ვარ, აქაური.

და რამდენიმე წუთის შემდეგ კოლმეურნეობის კანტორის წინ შემოაბრუნა მანქანა და გააჩერა.

ცხელა, საშინლად ცხელა. მოწმენდილ ცაზე მოელვარე მზე კაშკაშებს. მუდამ ჩამობურთული მთა მტირალაც კი წვეროვებმოშიშვლებულია რაც იშვიათი მოვლენაა წლის ამ პერიოდში.

შევდივარ შენობაში. აქ საკმაოდ გრილა და კარგი სურნელები დევას რომელიც ღია კარ-ფანჯარებიდან შემოდის.

ამჯერად გამიმართლა. კოლმეურნეობის თავმჯდომარე თუმცა მისი ცნობა ცოტა არ იყოს გამიჭირდა. მან კი დანახვისთანავე მიცნო და კაბინეტში მიმიწვია.

ჩვენი საუბარი, დიპლომატების ენით რომ ვთქვათ, გულითად მეგობრულ ვითარებაში ჩატარდა. ჯერ ერთმანეთის ოჯახური მდგომარეობა მოვიკითხეთ. მასპინძელი შთამომავლობით ბედნიერი ყოფილა, ხუთი შვილის მამა, 1918 წელს დაბადებული ვაჟაკი უკვე ბადიშის პატრონია, ბაბუაა, პაპაა. შეძლებული და კარგი ოჯახი აქვს. ბედს არ ვემდურით. მე კიდევ ჩემი ამბავი მოვუყევი და შემდეგ საერთო საკითხებს შევეხეთ.

როგორ სრულდება მიმდინარე წლის ვალდებულებები, გასულ წლებთან შედარებით ხომ არაფერში ჩამორჩება კოლმეურნეობა და სხვა ასეთი კითხვებით დავინტერესდი.

— არა. ჩამორჩენას ჩვეული არ ვართ. ჩემო კარგო. — მოკლე პასუხს იძლევა ჩემი მასპინძელი. ჩამორჩენა კი არა წელს კიდევ უფრო უნდა გავზარდოთ გეგმის შესრულების მაჩვენებლებით.

მართალია, უამინდობამ წელს ბევრ რამეში შეუშალა ხელი კოლმეურნეობას, მეტი და უფრო დაძაბული მუშაობა დარჩა საჭირო, მაგრამ, როგორც ყოველთვის, წელსაც გამარჯვებულნი გამოვა.

ტელმანის სახელობის კოლმეურნეობა ჩაისუბნის სასოფლო საბჭოს მიეკუთვნება, იგი ორ სოფელს — კაპრეშუმსა და წინსვლას (ყოფ. ჩელტას) აერთიანებს. კოლმეურნეობის წევრთა შემადგენლობა ეროვნების მიხედვით ინტერნაციონალურია. ქართველებს გარდა არიან რუსები, ბერძნები, აფხაზები და სხვ., მაგრამ ამ ერთ დიდ კოლექტიურ ოჯახში გაერთიანებულნი მეგობრულად და ძმურად ცხოვრობენ.

აქაურ მშრომელთა შვილების აღზრდის საქმეს ორი არასრული და ერთი საშუალო სკოლა ემსახურება. საკმაოდ არის სავაჭრო ქსელიც გამწვანებული. ასე რომ, ერთი უნივერსალი და შვიდი სავაჭრო მაღაზია ყოველდროს მზად არის მომხმარებელთა მისაღებად.

შემდეგ თავმჯდომარე ცნობილ მეჩაიე ქალებზე ლაპარაკობს. ბევრი ორდენოსანი ქალი ჰყავს კოლმეურნეობას, ხოლო ნუნუ კორძაიას, ასიე ბერიძესა და ზერა შარაშიძეს სოციალისტური შრომის გმირის წოდება აქვთ მიკუთვნებული.

ბევრია, ძალიან ბევრი ხელმძღვანელი თუ რიგითი კოლმეურნე მოსახსენებელი და შესაქები. მათ შორის შეიძლება დავასახელოთ მოწინავე ბრიგადირები გივი თედორაძე, ნური ჩამბა, ომარ ხალვაში, სულეიმან სარჯველაძე და სხვები.

კოლმეურნეობას კარგი აქვს გზა, განათება, წყალი, უზრუნველყოფილია სამკურნალო დაწესებულებებით, ორი სექციმომ პუნქტი აქვს. თქვენც, როგორც ამბობენ, მკურნალი ექიმების ნაკლებობას განიცდიხართ. კოლმეურნეობას საკმაოდ აქვს საბარგო და მსუბუქი მანქანები, ტრაქტორები, სამუშაო იარაღები და დამხმარე ხელსაწყოები.

— გმადლობთ. ნება მომეცით გამოგეთხოვოთ. — ვეუბნები მე და ჩემს მასპინძელს ხელს ვუწვდი.

— ასე ჩქარა? მართალია, ძალზე ცხელა, მაგრამ გაგვევლო, დაგვეთვალე რებია ზოგი რამ. იქნებ მე ზოგ რამეში ვცოდავ სინამდვილეს. — ღიმილით მეუბნება თავმჯდომარე.

— თქვენს დაუსწრებლად მაქვს შემოწმებული ყველაფერი. — ღიმილითვე ვპასუხობ მე. — თითქმის რამდენიმეჯერ ვარ ნამყოფი თქვენს სოფელში.

— მაგრამ მე მაინც ვერ დაგიჯერებთ, რომ ჩვენი კოლმეურნეობის მესაქონლეობის ფერმა გენახთ.

— მესაქონლეობის?! განა მესაქონლეობასაც მისდევთ? ამ ჩაისა და ციტრუსების ბაღებსა და ხეივნებში, ამ ხეხილის ნარგავებში, ამ...

— დიახ, ამ ბაღებსა და ხეივნებში, ამ ბაღჩებსა და ნარგავებში... წამობრძანდით, დაათვალიერეთ ჩვენი ფერმაც.

და მეც თავმჯდომარის სურვილს ვემორჩილები.

მესაქონლეობის ფერმა მდინარის პირასაა, მოედანზე. აქ რამდენიმე შენობა აუგიათ. თითოეულ მათგანს თავისი დანიშნულება აქვს.

— აი, აქ გვემის მიხედვით ასორმოცი ძროხა უნდა გვყავდეს, ფაქტიურად კი ასსამოცდათხუთმეტი გვყავს. — მეუბნება თავმჯდომარე და ერთ განიერ შენობაში შევყავარ.

— თითოეული ძროხის წლიური წველადობა ორიათასხუთასი ლიტრიდან ოთხი ათას ლიტრამდე აღის. — იძლევა ჩემს შეკითხვაზე პასუხს ფერმის ერთ-ერთი მუშაკი.

მამაჩემს ერთი ძროხა ჰყავდა და მთელი ოჯახი გადაყოლილი იყო. ამდენ მეწველს...

— თერთმეტი კაცი ემსახურება მხოლოდ. — მაძლევენ პასუხს.

ადამიანებს გარდა ტექნიკაც ემსახურება ამ საქმეს.

— საკვები რუსეთიდან მოგვაქვს. სპეციალურად გვყავს მივლინებული კაცი და იგი ვაწოდებს. — გვეუბნება თავმჯდომარე.

გასაგებია. ყველაფერი გასაგებია, მაგრამ... არა, ვითომ ხომ არ აზობებდა სადაც საკვებია იქ გაეშენებინათ ასეთი ფერმები? აქაურობა კი იმ კულტურებისათვის დაეთმოთ, რომლებიც სხვაგან არ ხარობენ?

ეს კითხვა მხოლოდ ჩემ თავს მივეცი და სხვისთვის არ გამიმხელება. მაგრამ როცა კარგად დაუფიქრდი...

პირუტყვი ხომ მარტო რძეს არ იძლევა. მართალია ამ კვლევების მესაქონლეობის ფერმა წამგებიანია, ფულად შემოსავალს ვერავის შეახარბებს, მაგრამ შემოსავალში ჩაუწერელი სარგებლიანობა მაინც კარგი მოაქვს. თუნდაც ორგანული სასუქი.

ფერმაში, ყველგან შესანიშნავი წესრიგი და სისუფთავეა. ყველაფერში იგრძნობა დიდი მზრუნველის ხელი და ყურადღება.

კოლმეურნეობას მელორეობის ფერმაც ჰქონია.

ფერმების ეზოში და ახლო-მახლო მარად მწვანე ხეები დაუტრავთ და აქაურობა დაუმშვენებიათ.

— რას ემდურით, რა გაკლიათ, რა საქმეში მოითხოვთ მოშველებას და დახმარებას? — ვეკითხები ამ დიდი საერთო კოლექტიური ოჯახის მეთაურს გამოთხოვებისას.

— არაფერში. ჩვენ ვიკისრეთ ხუთწლიანი გეგმის ვადამდე და წარმატებით შესრულება. და ამ პირობას გავანადღებთ, — მტკიცე პასუხს იძლევიან კოლექტივის ხელმძღვანელები.

* * *

ამ დღეებში მე აქ სულ სხვადასხვა დროს დავდიოდი, დილით, როცა მოსახლეობა სამუშაოდ გამოდიოდა, საკარმიდამო ნაკვეთში მუშაობდა, ქალები, კალათებით ხელში ჩაის ბუჩქებს რომ თავს დასტრიალებდნენ და ახალამოყრილ ქორფა ყლორტებს აცლიდნენ.

შუადღისას, როცა მესაქონლეობის ფერმის მუშაკებს პირუტყვი გარეთ გამოჰყავდათ და ბაგა-ბოსელს ასუფთავებდნენ, როცა ბოსელში საკვები შეჰქონდათ და ანაწილებდნენ.

სალამო ხანს, როცა კოლმეურნეობის კლუბის წინ შეკრებილი ახალგაზრდობა კინოსურათის სანახავად მიიჩქაროდა.

შევსწრებივარ იმ დავა-კამათსაც, რომელიც სასპორტო მოედანზე გაემართათ და ჩვენი ქვეყნის სპორტსმენებსა და მათ გულშემამტკივრებზე მსჯელობდნენ.

ამ ჩამოვლისას მე მასპინძლებს არ ვხლებივარ, არც კოლმეურნეობის ხელმძღვანელი მინახავს, არც პარტორგანიზაციის მდივანი, არც რომელიმე ბრიგადის მეთაური. წარმოიდგინეთ რიგითი კოლმეურნეც არ შემიწუხებია, მაგრამ უფრო მეტი გავიგე და დავინახე, ვიდრე სხვა დროს.

მანქანა, რომლითაც მე მივდიოდი, სავსე იყო ამ კუთხის ადამიანებით, ისინი თავისუფლად საუბრობდნენ ურთიერთშორის, არავისი არ ერიდებოდათ.

— ეჰ, ძიავე, ამათ რა უშავს, არაფერი არ აკლიათ, ყველაფერი ეგებათ, მდებარეობაც კარგი აქვთ და...

— მთავარი ხელმძღვანელობა და ენერგიული შრომაა. ^{ერსენის} ^{შენაქმებზე} ნებს ხანში შესულ კაცს ახალგაზრდა, რომელმაც ის იყო ადგილი დაუთმო უფროსს და თვითონ კედელს მიეყრდნო.

— ენერგიულადაც ვშრომობთ მაგრამ... — წამოიწყო მესამემ, რომელსაც სურსათით სავსე კალათი იქვე კუთხეში მიედგა და ფანჯარაში იყურებოდა. ის საკმაოდ ხანდაზმული ჩანდა.

— მერე, საყვედურობ რამეზე თუ? — შემოხედა მას მეორე მოხუცმა. — იმ სიმაღლე სასახლე წამოჭიმე, იმდენი ბაღვები დაზარდე, იმდენი...

— ჰოდა, არ მეტყვი მერე, იმდენ ბაღვებში რამდენი მიდგას გვერდით და მესმარება? — ქუდი შეისწორა პირველმა.

— თუ გსურდა გვერდით გუოლოდა, არ გაუშვებდი სასწავლებლებში. — ახლა სხვა ჩაერია საუბარში.

— აბა უწიგნურს დავტოვებდი ბაღვს თუ, რას ჩივი ჰოვ?

— უწიგნურს არა. მაგრამ...

— უნივერსიტეტი და ინსტიტუტები რა საჭირო იყო?

ვილაცამ გაიციინა. ვილაცამ რაღაც ჩაიბუტბუტა. მე კი ენა ჩავიგდე და სმენად ვიქეცი.

მგზავრმა, რომელსაც ასეთი კამათი გაუძარტეს, გაიღიმა და გადმოგვხედა:

— რაც მართალი მართალია, — თქვა მან. — მადა ჭამაში მოდიხო, ნათქვამია. ჩემმა ვაჟმა საშუალო რომ დაამთავრა, ჩემთვის არც უკითხავს ისე წავიდა თბილისში, ოქროს მედალოსანი ვარ, უნივერსიტეტში უნდა მოვეწყუო და შეასრულა კიდეც. არც მეორე ჩამორჩა მას, ოქროს მედალი არ მიუღია, ვერცხლის მისცეს, მაგრამ არც იგი დამიდგა სახლში. ინჟინერი უნდა გავხდეთ და... ერთი გოგოი მყავდა და იმის შენარჩუნება კი მინდოდა, მაგრამ იგიც გამიშვა ხელიდან.

— იმანაც ისწავლა? — ხუმრობით შეეკითხა ერთი ჭაბუკი.

— ისწავლა, ისწავლა, საექიმოზეა, ორ წელიწადში დაამთავრებს, მაგრამ...

— მეტი რაღა გინდა ჩემო ძამია. — ვერ მოვიტმინე მე. — შვილები დაგიზრდია, ალბათ რომელიმე დაოჯახებულის გეყოლება, ბაბუა იქნები...

— მართალი რომ გითხრათ, არაფერი არ მინდა, არაფერიც არ მაკლია, მაგრამ... — კვლავ ქუდი შეისწორა და გაიღიმა. — მე და ჩემი დედაკაცი რომ მარტო ვართ იმხელა სახლში, ეს არაფერია? პატარა ხნის კი არ ვართ.

— ჰო, მოხუცებულობის წამალი ძნელი საშოვარია. — ჩაილაპარაკა ერთმა მანდილოსანმა.

— სიბერე მჭირს, ჭირზე უფრო ძნელიო. შოთა რუსთაველი  თქვამი. — წამოილაპარაკა ერთმა გოგონამ, რომელსაც ილიაში ახალი წიგნები ამოედო.

გზადაგზა ჩვენი ავტობუსის მგზავრთა შემადგენლობა შეიცვალა, ნაწილი სალიბაურის მეურნეობასთან ჩამოვიდა, ნაწილი ზემო გადასახვევთან. ჩამოსულები ამოსულებმა შესცვალეს და საუბარმაც იცვალა სახე. ახლა უფრო ამინდის უცნაურობის შესახებ ლაპარაკობდნენ. ასეთი გაზაფხულისა და ზაფხულის მომსწრე არ ვარო, ამბობდა ერთი მოხუცი. არც ასეთი გვალვა მინახავს, არც ასეთი ქარიანი და წვიმიანი დღეებიო.

მართალს ამბობდა მოხუცი. მართლაც ორი დღის წინანდელი ცხელი მზიანი დღეები ისე უცერად შესცვალა ამ მოძალებულმა წვიმიანმა ამინდმა, რომ უსაწვიმროდ ქუჩაში გავლა შეუძლებელია.

— მიწისთვის ძალიან კარგია ძიავ, ასეთი წვიმები.

— მიწისთვის კია, მაგრამ მოსავლისთვის?

— მოსავალსაც არ აწყენს.

— რა მოსავალი უნდა იქნეს თუ თავის დროზე ვერ დავამუშავებთ ნათესებს?

ძნელია ადამიანის გულის მოგება. ერთს რომ მზიანი დღეები და მთვარიანი ღამეები მოსწონს და უყვარს, მეორე გრილსა და წვიმიან ამინდს არჩევს.

დღეს ძალზე ძლიერი წვიმაა. ჩვენი მანქანა აინუნშიაც არ აგდებს ამ უამინდობას, მისრიალებს მოასფალტებულ შარაზე და მიყავს ამდენი მგზავრი.

ჩვენ უკვე გავცდით კოლმეურნეობის კანტორას, მივყვებით ხევში შეჭრილ შარას და მივიწვევთ წინ.

დიდი ხანია არ გამივლია აქეთკენ. ორთაბათუმის სოფლსაბჭოში შედიოდა მაშინ აჭაური სოფლები. ახლა ჩაისუბანს უწოდებენ. ერთ დროს აქ ქვეითად ჭირდა გავლა, ორ-სამ წესიერ მოსახლესაც ვერ დაინახავდით, აბა სავაჭრო ქსელსა და სამკურნალო-საექიმო დაწესებულებებზე ლაპარაკიც ზომ არ შეიძლებოდა.

ჰო, ეს იყო დიდი ხნის წინათ, როცა ახალგაზრდა მებრძოლნი ამ ხევში შემოჭრილ ჩეთნიკებს ვებრძოდით.

ჩაისუბნის სოფლსაბჭო ორსართულიან შენობაშია მოთავსებული, იქვეა კოლმეურნეობის კლუბი, კანტორა და სამრეწველო საქონლის დიდი მაღაზია.

ჩემი თანამგზავრი, იუსუფ კობალაძე, რომელიც ამ კუთხის მცხოვრებლები ყოფილა, ბევრ საინტერესო ამბავს მიყვება. იგი რამდენიმე წლიწინათ ჩამოსახლებულა ქედის რაიონიდან, მშვენიერი ოდა-სახლებული ბაღი-ბაზჩა გაუშენებია, შვილები დაუზრდია.

მშობლიური მიწის სიყვარული მაინც იზიდავს მიწასთან შეზრდილ აღამიასს.

ჩატი სადაც გაიზრდება, მისი ბაღდადი იქ არისო, არის ნათქვამი.

-- არ ვიციწყებ მშობლიურ კუთხეს. — მეუბნება იუსუფი. — ხშირად ავდივარ. ვნახულობ ჩემიანებს.

ჩვენი მანქანა ღრმა ხევში შეიჭრა, მდინარე ყოროლისწყალის ნაპირებს გაჰყვა და ერთ ადგილას გაჩერდა. ეს არის ბოლო სადგური. აქედან კარგად მოჩანს ხევს გაღმა-გამოღმა ფერდობებზე აგებული მაღალი, ორსართულიანი სახლები, მრავალნაირი ხეხილით დამშვენებული ეზოები, ჩაის პლანტაციები.

მანქანიდან გადმოდიან აქაური მგზავრები, კალათებითა და ჩანთებით სახლებისაკენ მიიჩქარიან, მათ ადგილს ახალმოსული მგზავრები იკავებენ და მობრუნებული მანქანა ბათუმისაკენ მოეშურება.

ამით მთავრდება ჩემი შემოქმედებითი მივლინების პირველი პერიოდი.



ადექსანდრა ჩავჭავჭავაძე

ადექსანდრა ყაზბეგის შემოქმედება და თანამედროვეობა

ყოველი ნიჭიერი მწერალი ადამიანთა სულის აღმზრდელია. წარსულ დროთა ლიტერატურის კლასიკოსები დღესაც დგანან ჩვენს შორის და ჭკუას გვასწავლიან, გვარიგებენ, მოგვიწოდებენ. ისინი მარად უკვდავნი არიან მით, რომ თანამედროვე ცხოვრების მღელვარე საკითხებს ეხმაურებიან.

ერთ-ერთი ასეთი მწერალი ახალი ქართული ლიტერატურის კლასიკოსი ადექსანდრე ყაზბეგი.

აღ. ყაზბეგის შემოქმედება და თანამედროვეობა ერთობ საინტერესო საკითხია. ამ საკითხზე პასუხმა ნათელი წარმოდგენა უნდა მოგვცეს, თუ რა არის მწერლის შემოქმედებაში ისეთი, რომელსაც დღესაც არ დაუკარგავს თავისი მნიშვნელობა; რა არის ის წარუვალი ყაზბეგის შემოქმედე-

ბაში, რაც დღესაც გვაგრძნობინებს ესთეტიკურ სიამოვნებას^o

ჩვენ გამოვყოფთ იმ ძირითად საკითხებს, რომლებიც გაშუქებულია ყაზბეგის შემოქმედებაში და ეხმაურება ჩვენს თანამედროვეობას.

ასეთი საწყისები მოიპოვება ყაზბეგის ბიოგრაფიაშიც და შემოქმედებაშიც.

ბიოგრაფიიდან მხოლოდ ორ ფაქტს დავასახელებთ.

აღ. ყაზბეგის ცხოვრება იძლევა იმის შთამაგონებელ მაგალითს, რომ პიროვნება ყოველთვის უნდა იბრძოდეს ცოდნის შექმნისათვის, არაფერს არ უნდა ზოგავდეს განათლების მისაღებად.

ამაზე მეტყველებს ყაზბეგის ბიოგრაფიის შემდეგი ფაქტი. აღ. ყაზბეგი დაიბადა 1848 წლის 8 იანვარს (ძველი სტილით). იგი სწა-

ვლობდა თბილისის კერძო პანსიონებში. ბოლოს თბილისის გიმნაზიაში მიაბარეს და აქ სწავლობდა 1863-1865 წლებში, შემდეგ კი მშობლებმა ერთადერთი შვილი შინ დაიტოვეს. ამაზე ალექსანდრე ზუღამ საყვედურობდა მშობლებს — „გვერდიდან არ მიშორებდით და თქვენი მიზეზით გიმნაზიაში სწავლა დაკარგეთ“.

მამის გარდაცვალების შემდეგ კი სწავლის გასაგრძელებლად მოსკოვს გაემგზავრა და უმაღლეს სასწავლებელში ჩაირიცხა 1807 წელს. მოსკოვში ალექსანდრე დიდი მონდომებით შეცადინებდა და ამ მხრივ მისი ბიოგრაფია თანაზღვროვებდა სტუდენტებისათვის შესანიშნავი მაგალითია. მოსკოვიდან ალექსანდრე დედას სწერდა: „გამუდმებულად ვსწავლობ. ასე რომ, დღეში ორი საათი მოცლა არა მაქვს, არც კვირაობით და არც ისე დღეობით... მე და ჩემმა ამხანაგებმა ასე გადავწყვიტეთ საქმე: რაკი ხარჯი მოზღდის, კიდევ გამოვიტანო რამე, რომ მოვიდე, მიყურებდნენ როგორც ნასწავლს და საზოგადოებისათვის სასარგებლო კაცსა“. შესანიშნავად არის ნათქვამი. სტუდენტი სწორედ ასე უნდა მოეკიდოს თავის საქმეს, რათა გახდეს საზოგადოებისათვის სასარგებლო კაცი. რასაკვირველია, ჩვენი სტუდენტების ძირითადი მასა ასე ეპყრობა თავის საქმიანობას, ღირსეულად ემზადება საქვეყნო საქმისათვის, მაგრამ ხომ არიან ისეთი

სტუდენტები, ახალგაზრდები, რომლებიც უსაქმოდ მიყუდებულან საფოსტო ბოძებზე და ეჩვენებენ დღე მშესუმზირას აკნეტულებს. ასეთ ზარმაცებს დღეს თავზე დასდგომია ალექსანდრე ყაზბეგი და მოუწოდებს საზოგადოებრივი საქმიანობისაკენ. ამ მოწოდებას უნდა გაგონება და პრაქტიკულად განხორციელება.

ამას გარდა ალექსანდრე ყაზბეგის ბიოგრაფიაში არის კიდევ ერთი ძალზე მნიშვნელოვანი მომენტი: როგორც ცნობილია, მოსკოვიდან დაბრუნების შემდეგ ალექსანდრე შვიდი წლის განმავლობაში ცხვარს მწყემსავდა. ამ ამბავმა დიდი მითქმა-მოთქმა გამოიწვია. არისტოკრატები აღმოფოთებას გამოთქვამდნენ: შეძლებულმა და მაღალი წოდების კაცმა ასე უბრალო და დამამცირებელ საქმეს მოჰკიდა ხელიო, ამით შთამომავლობა და გვარი შეარცხვინაო. თვითონ ყაზბეგი კი სხვანაირად ფიქრობდა. იგი ერთ თავის ამხანაგს სწერდა: გახსოვს, როგორ გაგიკვირდა შენ და დანარჩენს ჩვენს ამხანაგებს, რომ მე ნებიერად აღზრდილმა გებატონემ, კაცმა, რომელსაც შემეძლო მოსვენებითი ცხოვრება, შინაურ კერას ვარჩიე მოუხვენრად მინდორსა და მთაში ხეტება... მაშინ ბევრს არ ესმოდა მიზეზი ჩემი ამგვარი ცხოვრებისა, ბევრი მძრახავდა ამისათვის და მიგონებდნენ ათას ცილისწამებას“. ალექსანდრემ ბოროტმძრახველ ადამიანებს ყური არ უგდო

და მაინც განაგრძო მეცხვარეობა, რომ ხალხის ცხოვრება შეესწავლა: „მე მინდოდა, — წერს იგი ამხანაგს, — მენახა ხალხი. მსურდა გამეგო იმათი სურვილი, მეცხოვრა იმათი ცხოვრებით, ჩემ თავზე გამომეცადა ის მოთხოვნილება და გაჭირვება, რომელიც თან სდევს მუშა ხალხს, და რაღა დამაყენებდა შინ, მივადწიე ჩემს მიზანს, დავუხანლოვდი, გავიცანი ხალხი, ვისი გაცნობა და დაახლოება ისე გულთ მსურდა“.

ეს არის მწერლის ძვირფასი სიტყვები, რომლებსაც აქვს დიდი მნიშვნელობა თანამედროვე მწერლებისა და საერთოდ საზოგადო მოღვაწეებისათვის. ეს არის შემდეგი მორალი: დაფასე ხალხი, ახლოს მიდი მასთან, შეისწავლე ხალხის ცხოვრება, გაიგე მისი ჭირი და ლხინი, კეთილსინდისიერად ემსახურე, გახსოვდეს, რომ ხალხი არის ისტორიის შემოქმედი, იგი მარადიულია, უკვდავია და მხოლოდ ხალხი შეგინახავს. ზოგიერთი ადამიანის ტრაგედია იქიდან წარმოსდგება, რომ ივიწყებს მშრომელ ხალხს და მის ინტერესებს. ალ. ყაზბეგის მთელი შემოქმედება ეს არის ხალხის უანგარო სამსახურის შთამაგონებელი მაგალითი და იგი დღესაც გვეხმარება. კიდევ ამაში მდგომარეობს მისი მნიშვნელობა თანამედროვეობისათვის.

როგორც ცნობილია, ზოგიერთი თანამედროვე ახალგაზრდა არ კადრულობს ხალხთან მისვლას, არ სურს წავიდეს სოფლად ექიმად,

ინჟინრად, აგრონომად თუ მასწავლებლად, თავი რომ დავანებოთ მწყემსად დადგომას. დღეს მსოფლიო ქებში ბევრი ისეთი ახალგაზრდა ცხოვრობს, რომელსაც დამთავრებული აქვს უმაღლესი სასწავლებელი, მაგრამ სოფელში არ მიდის სამუშაოდ. ასეთ ახალგაზრდებს ახლაც შთააგონებს ალექსანდრე ყაზბეგი: ნუ თავილობთ ხალხთან მისვლას. გვერდში ამოუდექით მას და მისგან ისწავლეთ, მასაც ასწავლეთ, დაეხმარეთ, მოიხადეთ თქვენი ვალი ხალხის, ქვეყნის, სამშობლოს წინაშე. რაც აქამდე ვთქვით, ეს იყო ყაზბეგის ბიოგრაფიის მნიშვნელობა თანამედროვეობისათვის. მთავარი მაინც მისი მხატვრული შემოქმედებაა. ამ თვალსაზრისით გამოვეყოფთ ცალკეულ მომენტებს, რომლებიც დღესაც აქტუალურია ალ. ყაზბეგის ლიტერატურული მემკვიდრეობის ათვისების საქმეში.

აქ პირველ რიგში უნდა აღვნიშნოთ დიდ რუს ხალხთან ქართველი ხალხის ურთიერთობის საკითხი.

როგორც ცნობილია, რუსეთთან საქართველოს შეერთებას ზოგი განიხილავდა როგორც უმციურეს ბოროტებას, ზოგს იგი მიაჩნდა სიკეთენარევე ბოროტებად, ზოგი კი ამ შეერთებას უწოდებდა ბოროტებანარევე სიკეთეს. ამჟამად აღიარებულია, რომ ეს შეერთება იყო უდიდესი პროგრესული მოვლენა, რომელმაც გადაარჩინა ქართველი ხალხი ფიზიკურ მოს-

პობას და მისცა ეკონომიური და-
წინაურებისა და კულტურული
წინსვლის საშუალება. ისიც ცნო-
ბილია, რომ ამ სიკეთეს თან ახლ-
და ბოროტებაც: რუსეთის თვითმ-
პყრობელობა ცდილობდა მოესპო
ქართული ენა და სხვა ნაციონა-
ლური თავისებურებანი. მაშინდე-
ლი ყოველი პროგრესული მოღვა-
წე, იქნებოდა იგი ქართველი თუ
რუსი, ენერგიულად იბრძოდა შე-
ერთების პროგრესული მხარის გა-
ნმტკიცებისათვის, ხოლო უარყოფით
მხარეებს დაუნდობლად ამ-
ხილებდა. ერთ-ერთი ასეთი მოღ-
ვაწე იყო ალექსანდრე ყაზბეგი.
მისი მოთხრობა „ელგუჯა“ ამის
უკნობი ესთეტიკური ფაქტია.
აქ ავტორი იძლევა რუსეთთან სა-
ქართველოს შეერთების მომხრეთა
და მოწინააღმდეგეთა სახეებს.
ესენია სიმონ ჩოფიკაშვილი და
ალექსანდრე ბატონიშვილი. ალექ-
სანდრე ბატონიშვილს, ამ ტახტის
მაძიებელს, სურს გამოიყენოს
მთიელების 1804 წლის აჯანყება
და განდევნოს საქართველოდან
რუსები, გაწყვიტოს ის პროგრე-
სული კავშირი, რაც არსებობდა ამ
ორ ხალხს შორის. სიმონ ჩოფი-
კაშვილი კი მომხრეა ამ კავშირის
განმტკიცებისა, ოღონდ 1783
წლის გიორგიევსკის ტრაქტატის
საფუძველზე, რაც ითვალისწინე-
ბდა ქართველი ერის დაცვას გა-
რეშე მტრებისაგან, ხოლო შინა-
ურ საქმეში ჩაურევლობას. ალექ-
სანდრე ყაზბეგი, როგორც მწერა-
ლი, სიმონ ჩოფიკაშვილის მხარე-

ზეა და მიაჩნია იგი ისეთ იდეა-
ლურ სახედ, რომელსაც მავანი-
თი უნდა მიეცა რუსების ყოველ
როგორ მოპყრობოდნენ ქაზბეგსა
ხალხს. ალექსანდრე ყაზბეგს სუ-
რდა მეგობრობის განმტკიცება
ქართველ და რუს ხალხებს შო-
რის, რაც გულისხმობდა მეფის
თვითმპყრობელობის, როგორც
ქართველი ისე რუსი ხალხების.
საერთო მტრის მოსპობას.

დღეს, როგორც ვიცით, კომუ-
ნისტური პარტიის ხელმძღვანე-
ლობით ასეთი ძმური კავშირი გა-
ნხორციელებულია და ალ. ყაზბე-
გი თავისი ჭანსალი შემოქმედებით
ხელს უწყობს ამ კავშირის გაღრ-
მავებასა და განმტკიცებას. ამაში
მდგომარეობს ალექსანდრე ყაზ-
ბეგის შემოქმედების მნიშვნელო-
ბა დღევანდელი დღისათვის.

ამას გარდა ყურადღებას იპყ-
რობს კიდევ ერთი მომენტი. ეს
ის არის, რომ ყაზბეგის შემოქმე-
დება გვასწავლის, დაუნდობელი
ვიყოთ სამშობლო ქვეყნის მოლა-
ლატეებისადმი. ქვეყნის მოლალა-
ტე არ უნდა დავინდოთ, თუ გინდ
იგი საკუთარი ღვიძლი შვილიც
იყოს. ამას შთავევაონებს ყაზბე-
გის შემოქმედების შედეგრი „ხე-
ვისბერი გოჩა“.

როგორც ნაწარმოების შინაარ-
სიდან ვიცით, გოჩა არის ხევის
თემის ბელადი, რომელიც მტრის
შემოსევის დროს ხევის ლაშქარს
ხელმძღვანელობდა. გოჩა ბრძენი
აღამიანია და ერთმანეთისაგან ან-

სხვაეებს სამართლიან და უსამართლო ომებს. უსამართლო ომად მას მიაჩნია სხვა ქვეყნის დაპყრობა, სხვა ერის დამორჩილება და დამონება. იგი ასეთი უსამართლო ომის წამომწყებად მიიჩნევს ნუგზარ ერისთავს, რომელსაც სურს მოხვევები დაიმონოს და მათ წაართვას ის ადგილი, სადაც „მამაპაპა გაჩენილა და დაზარხულა, სადაც მათი ძვლებია ჩაფლული“. „ამას გადავებთან და არ დაანებო“. ეუბნება გოჩა თავის შვილს ონისეს (ტ. 2, გვ. 295), ხოლო შეკრებილ თემს ასე მიმართავს: „ხალხო და ჯამათო!.. რაისთვის დაგიმალეთ, ბრძოლა გაცხარებული იქნების, ბევრის დედა ჩაიცივას შავსა, ბევრი მშობელი გულში ველარ ჩაიკრავს თავის ნაშობს... იმად, რომ მტერი ძლიერია და ნუგზარი კი სისხლით გაუმადლარი. იცოდეთ, სახუმარო საქმე არაა. მაგრამ რამდენადაც ბრძოლა გაცხარდების, რამდენადაც საქმე გაჭირდების, იმდენადაც გამარჯვებას მეტი ფასი ექნების... რაი ვუყოთ, რომ ერთხედ ათი მოვა?! ასიც რომ მოვიდეს, მაინც გამარჯვება ჩვენი იქნების. იმად რომ ჩვენ ღმერთთანაც და კაცთანაც მართალი ვართ... ჩვენ გვიცივიან სახლში, ჩვენ გვიპირებენ აკლებას, ჩვენს დედაკაცებს გაწბილებას და ამგვარი საქმის საწინააღმდეგოდ სიკვდილი, ღვთის მადლმა, სანეტაროც არის“ (ტ. 2, გვ. 293).

აქედან აშკარად ჩანს, რომ ნუგზარის მიერ წამომწყებული ომი უსამართლო ომად მიაჩნდათ მოხვევების ომი იმად, რადგან მას მიზნად აქვს თავისი მიწა-წყლის დაცვა. ხვევების გოჩა სამოქალაქო საქმეებსაც განაგებს და რელიგიურ-საეკლესიო საქმეებსაც ხელმძღვანელობს. ასე რომ, იგი აერთიანებს სამხედრო, სამოქალაქო და საეკლესიო საქმეთა ხელმძღვანელის ფუნქციებს. ასეთი ბელადის ღირსეულ მემკვიდრედ ჩანს პირველად მისი შვილი ონისე, რომელიც გოჩამ დამოძღვრა და მოწინავე სანგარში გაგზავნა. მას ევალებოდა „მტერზედ თვალი დაეკირა და მათი მოახლოება დროზედ შეეტყობინებინა“ (ტ. 2, გვ. 296). სწორედ ამ დავალებას უღალატა ონისემ, მას გზაზე შეხვდა ძიძია, მასთან ალერსში გაერთო და დაავიწყდა თავისი მოვალეობა, მტერმა ისარგებლა ამ მომენტით და მოულოდნელად ღრმა ზურგში შემოიჭრა. მართალია, მოხვევებმა გაიმაჯვეს, მაგრამ დიდი მსხვერპლის ფასად. შემდეგ დაიწყეს მოლაპატეების გასამართლება და ამათ რიგში ონისეც აღმოჩნდა. გოჩამ თავისი შვილი არ დაინდო: „გაიძრო ხანჯალი, გაქანდა შვილისაკენ და შესძახა — მოძმეთ მოლაპატე სიცოცხლის ღირსი არ არის. ამ სიტყვებთან ერთად იელვა ხანჯალმა და ონისემ მოწაზედ ფართხალი დაიწყო. მოხუცის მახვილს შვილისათვის ვულ: ორად გაუბო“ (ტ. 2, გვ. 313).

არავითარი დანდობა ქვეყნის მოღალატეს — ამას გვასწავლის ალ. ყაზბეგი გოჩას მოქმედებით. მართალია, ონისეს შეგნებულად არ უღალატია ქვეყნისათვის, მაგრამ გოჩამ მაინც არ აპატივა; ონისემ ისეთი რამე დაივიწყა, რომლის დავიწყების უფლება მას არ ჰქონდა. ონისეს შეიძლება დაევიწყებოდა სანადიროდ წასვლა, ამხანაგთან მისვლა და სხვა ამგვარი არაარსებითი საქმეები, მაგრამ ქვეყნის დაცვის დავიწყება არ შეიძლება, ასეთი გულმავიწყობა არავის არ ეპატიება. ამ შემთხვევაში ხალხი შედეგის მიხედვით მსჯელობს. შედეგი კი მეტად მიიმე იყო.

ალექსანდრე ყაზბეგმა მოთხრობაში ერთმანეთს შეაჭიდა ორი დიდი გრძნობა: სამშობლოს ერთგულება და მამაშვილური სიყვარული. გამარჯვებული გამოიყვანა პირველი, მაგრამ ეს ისე მოხდა, რომ არ დაუშვებლბებია მეორე. შვილის სიკვდილის შემდეგ გოჩა გაგოყდა და ამით ავტორმა გვაჩვენა, რომ დიდია მამაშვილური სიყვარულის გრძნობაც. ორივე დიდი გრძნობაა, მაგრამ როცა არჩევანი დადგება, ადამიანმა ყოველთვის უპირატესობა უნდა მისცეს სამშობლოს დაცვას.

ამ გრძნობითა და სულისკვეთებით ზრდის კომუნისტური პარტია ადამიანთა ზნეობას. ამ სულისკვეთებამ უდიდესი როლი შეასრულა ფაშიზმის დაზარცხების

საქმეში. და ახლაც, თანამედროვე ადამიანის მებრძოლი სულისკვეთებით აღზრდაში დიდ როლს თამაშობს ალექსანდრე ყაზბეგის გმირული შემოქმედება. და იგი ამ ფუნქციას არასდროს არ დაკარგავს.

გვსურს კიდევ მივუთითოთ ორ გარემოებაზე, რასაც დიდი მნიშვნელობა აქვს თანამედროვე ადამიანის სულის აღზრდისათვის.

ეს არის სიყვარულის საკითხი. ალ. ყაზბეგი უმღერის ამაღლებულ სიყვარულს, რომელიც დაკავშირებულია საქვეყნო საქმესთან.

ჩვენი კლასიკოსები მუდამ ასეთ სიყვარულს წამოსწევდნენ ხოლმე წინ და ხატავდნენ ამ მხრივ მისაბამ სახე-ტიპებს. „ვეფხისტყაოსანში“ ნესტან-დარეჯანი ავალღებს ტარიელს შეებრძოლოს ქვეყნის მტრებს — ხატაელებს და ამით ურთიერთ სიყვარული კიდევ უფრო განამტკიცოს.

აკაკი წერეთლის ნათელამ თეთრი ჩოხა გადმოუშვა მოდინახეს ციხიდან და ვისაც იგი ჩოხა მოერგებოდა, მას უნდა მოეკლა ქვეყნის ასოცი მტერი, მათი თავები კი უნდა მოეტანა სასახლის კარზე.

ამ გმირული, ამაღლებული სიყვარულის ჩანსაღ ტრადიციას მიჰყვება ალექსანდრე ყაზბეგი. ამის შთამაგონებელი ნიმუშია ლევან კრეჭიაშვილის სახე მოთხრობაში „ელეონორა“.

ელეონორა ხელთუბნელმა თავის მოტრფიალეებს პირობა დაუდო: ვინც ასლანგირეის მოკლავდა,

მისი ცოლი შეიქნებოდა. ელეონორა უყვარდა ლევან კრეჭიაშვილსაც, მაგრამ შეუხედავი კაცი იყო და ამიტომ თავი მორიდებულად ეჭირა. ასლანგირეიმ ელეონორას ზოტრფიალედ ჭაბუკები ორთაბრძოლაში გამოიწვია და თორმეტი რაყიფი მოკლა. მეცამეტედ ლევან კრეჭიაშვილი გადახტა.

— შენ რაღა გინდა? — ჰკითხა ასლანგირეიმ.

— მოძმეთა სისხლის აღება — უპასუხა კრეჭიაშვილმა.

— თუ ელეონორას თავის დასაკუთრება?

— ერთიცა და მეორეც — სიბრაზით წარმოსთქვა კრეჭიაშვილმა.

— მოძმეთა სისხლის აღება გეპატიება, ელეონორას კი არ დაგანებებო და გაიმართა. გაუგონარი ბრძოლა, რის შედეგად ასლანგირეი მოკლა კრეჭიაშვილმა.

აქ ყურადღებას აპყრობს კრეჭიაშვილის გამორული ქცევა. რომელიმე ჩვეულებრივი შეყვარებული ასლანგირეის უპასუხებდა, რომ იგი ელეონორასათვის გადამოხტა, მაგრამ კრეჭიაშვილი ანას არ ამბობს, რადგან იგი. პირველ ყოვლისა, მოძმეებს გამოესარჩლა. ეს არის ლევანის გამორული ქცევა და ანით ყაზბეგი ჩააგონებს ყოველი დროის ადამიანს, რომ უპირატესობა მიეცი მოძმეთა საქმეს, თავი გასწირე არა მხოლოდ პირადი,

არამედ საზოგადო საქმიანების, ამხანაგისა და მეგობრის. ეს დიდი კეთილშეგონებულ გრძნობაა, რომლის დასწრე ვის იზრძვის ალ. ყაზბეგი თავისი გაუხუხარი პოეტური სიტყვით.

მოძმისა და მეგობრისათვის თავდადების იდეით არის შთაგონებული ალ. ყაზბეგის „მამის მკვლეელი“. ამ რომანში სანიმუშოა კობასა და იაგოს მეგობრობა. იაგო თვითმპყრობელობის მიერ დაჩაგრული პიროვნებაა. იგი უსამართლობის მსხვერპლია და სწორედ ამის გამო ესარჩლება მას კობა, მისი მეგობარი და ძმადნაფიცი. იაგოს გულისათვის მან ბევრი საგმირო საქმე გააკეთა, მათ შორის მთავარია იაგოს განთავისუფლება არშის ციხიდან, ნუნუს მოძებნა და იაგოსთან მიყვანა. და რაც მთავარია, მან მოკლა დიამბეგი და სასიკვდილოდ დასჭრა გირგოლა, რომელიც შემდეგ უზიარებლად მოკვდა.

— მე ვარ კობა, ორივე მე განაცვალეთ იაგოს. — დაიძახა კობამ და ამ სიტყვებით ის გაქრა როგორც ზოჩვენება (ტ. 1, გვ. 369).

კობას სახე კიდევ იმით არის საინტერესო, რომ იგი ცოცხალი რჩება ნაწარმოებში. მან ტყეს შეაფარა თავი და გაუჩინარდა. ამის გამო მკითხველებს კობა წარმოუდგებათ, როგორც სახალხო შურისმაძიებელი, როგორც ხალხის

მტრების რისხვა. ამიტომაც, შემ-
თხვევითი არ იყო, წერს ი. გრი-
შაშვილი, რომ ახალგაზრდა სემი-
ნარიელს სოსო ჯულაშვილს „მე-
ფის აგენტებმა გაჩხრეკის დროს.
მარქსის, ჰეგელის და ჩერნიშევს-
კის წიგნებთან ერთად ალ. ყაზბე-

გის მოთხოვნების წიგნიც უბრ-
ვეს. ამ მოთხოვნების პერსონალი-
ბიდან ახალგაზრდა ჯულაშვილს
ყველაზე უფრო კობას სახე იზი-
დავდა, რაც იქიდან ჩანს, რომ სა-
ხელი კობა მან თავის ფსევდონი-
მად აირჩია“.



აღქმისათვის სასწრაფო

ერთი წერილის გამო

თეატრისა და მსახიობების პრობლემაზე დღეს ბევრს წერენ. ამ პრობლემაშია დამაინტერესებელი პ. ჯორბენაძის წერილიც „ეპოქა, თეატრი, მსახიობები“, რომელიც ყურნალ „ჭორბის“ მე-5 ნომერში დაიბეჭდა.

ჩვენი აზრით, მთელ რიგ საინტერესო მოსაზრებებთან ერთად, წერილში ბევრი მცდარი, ზოგჯერ ურთიერთსაწინააღმდეგო დებულებაცაა გამოთქმული.

მოკლედ ზოგიერთ მათგანზე.

ავტორს მიზნად დაუსახავს ყურადღება გაამახვილოს „არა იმდენად თეატრის მიმდევრებზე, რაზეც ბევრი ითქვა და დაიწერა, არამედ იმ ცალკეულ საჭირბოროტო, თეატრისათვის მტკივნეულ საკითხებზე, რომელთა გამოსწორებას ახალი სეზონისათვის უკვე შეუძლება თეატრი, და აგრეთვე მსახიობებ-

ლთა პრობლემაზე თეატრის მიმართ და, პირიქით, თეატრის პრობლემაზე მსახიობებელთა მიმართ“ (ხაზგასნა აქ და შემდეგაც ჩვენია. ა. ს.).

ჩვენი აზრით, უმჯობესი იყო თეატრის პრობლემაზე უშუალოდ თეატრის ხელმძღვანელობას ელაპარაკა, თორემ წერილის ავტორს ისედაც ბევრ საკითხზე უხდება ყურადღების გამახვილება, კერძოდ, ისეთ პრობლემაზეც, როგორცაა თეატრის, კინოსა და ტელევიზიის ურთიერთდამოკიდებულება.

პ. ჯორბენაძე წერს: „რა თქმა უნდა, ხელოვნების ისეთმა პოპულარულმა დარგებმა, როგორცაა კინემატოგრაფია, ტელედადგმები და ტელეფილმები, თეატრს წაართვა მსახიობებელთა გარკვეული რაოდენობა, მაგრამ კინო და

ტელევიზია მექანიკური სამომხმარებლო საშუალებაა, ხოლო თეატრს აქვს ადამიანთან — მსახიობთან განუმეორებელი სინქრონული კონტაქტი“.

თავი რომ დავანებოთ „მექანიკურ სამომხმარებლო საშუალებას“, როდის გამოეყო კინემატოგრაფიას ხელოვნების ცალკე დარგად ტელეფილმები ან როდის გახდა ტელედადგმები ასევე ხელოვნების ცალკე დარგი?

რასაკვირველია, „თეატრს, კინემატოგრაფს და ტელევიზიას შეუძლიათ მშვიდობიანი თანაარსებობა და ურთიერთშეფხვება“, მაგრამ მთლად იმნაირად არა, როგორც ამას წერილის ავტორი გვთავაზობს: „...თეატრი აწვდის კინემატოგრაფსა და ტელევიზიას რეჟისორებს, მსახიობებს, მხატვრული განსახიერების ამა თუ იმ საშუალებას, კინემატოგრაფი და ტელევიზია თავის მხრივ თეატრს უმზადებს მაღალესთეტიკურ მომთხონ მყურებელს“.

„...მსოფლიოს ყველა თეატრში, — წერს პ. ჯორბენაძე, — აშკამად მიმდინარეობს ახალი მხატვრულ-გამომსახველობითი საშუალებების ძიება და მათი დამკვიდრება სცენაზე. რაც შეეხება ი. ჭავჭავაძის სახელობის ბათუმის სახელმწიფო დრამატულ თეატრს, მას ბოლო წლებში გარკვეული წარმატება აქვს...“

ძნელია იმის თქმა, რა ხდება დღეს მსოფლიოს ყველა თეატრში,

მაგრამ ჩვენ აშკამად სხვა ტილო-სტურ უხერხულობაზე ვაქცევთ მკითხველის ყურადღებებს — მსოფლიო თეატრებიდან პირდაპირ ბათუმის თეატრზე უაზრად-

ცოდ არ უნდა გადავსულიყავით.

რასაკვირველია, წერილის ავტორის არავინ წაართმევს უფლებას პოლემიკა გაუმართოს ამა თუ იმ რეცენზენტს, ეკამათოს მას (თუნდაც გვარის დაუსახელებლად), მაგრამ ისეთი აკრძალული ილეთები არ უნდა ვიხმაროთ, შემდეგ რომ უხერხულობაში ჩავვაგდოს. თუნდაც შეიძლებოდა თავი შეგვეკავებინა ასეთი სიტყვებისაგან: „კინემატოგრაფის, ტელევიზიის, თეატრალური დადგმების, პროფესიული სტატიებისა და რეცენზიების წყალობით ძალზე მომრავლდნენ „ყოველის მცოდნე“ თეატრალები, ე. წ. „ვისტუპლენცები“, რომლებიც გამოსვლებსა თუ სტატიებში ცდილობენ გვიჩვენონ თავიანთი ერუდიცია, გვაგონდნობინონ, რომ ყველაფერი იციან“...

არა, „ვისტუპლენცების“ დაცვას ჩვენ ახლა არ შევუდგებით, მხოლოდ იმას ვიტყვით, რომ ავტორის ლოგიკის მიხედვით, დანაშაული მიუძღვით კინემატოგრაფს, ტელევიზიას, თეატრალურ დადგმებს, პროფესიულ სტატიებსა და რეცენზიებს, რომელთა წყალობით მომრავლებულან „ვისტუპლენცები“. თურმე საკმარისია პროფესიული სტატიებისა და რეცენ-

ზიების ნაცვლად არაპროფესიული, დილეტანტური, უნიჭო სტატიები და რეცენზიები დაიბეჭდოს და „ვისტუბლენეცი“ უმაღლვე გაქრება.

როდესაც ბათუმის თეატრის სცენაზე განხორციელებულ ლ. თაბუკაშვილის „ჭრილობას“ განიხილავს, პ. ჯორბენაძე წერს: „...საერთოდ, ახალგაზრდობას საკმაოდ დიდი წვლილი შეაქვს თანამედროვე დრამის განვითარებაში. თუნდაც გავიხსენოთ, როგორ ჩაუყარა საფუძველი მთელს მიმართულებას 50-იანი წლების ინგლისურ ლიტერატურაში დამწყებმა დრამატურგმა ოსბორნმა. ასევე გარკვეულ კვალს ავლებენ ახალგაზრდული თეატრები ევროპის სხვა ქვეყნებში, განსაკუთრებით პოლონეთში, გერმანიის დემოკრატიულ რესპუბლიკაში და ჩვენშიც“.

ამ მიკერებულ „ჩვენშიც“ რომ თავი დავანებოთ, არაფერი ვთქვათ უხერხულ პარალელზეც, საკითხავია: სად, მსოფლიოს რომელ ქვეყანაში არ შეაქვს ახალგაზრდობას „საკმაოდ დიდი წვლილი თანამედროვე დრამის განვითარებაში“? თქვენ წარმოიდგინეთ, კომედიის განვითარებაშიც შეაქვს.

„ჭრილობასთან“ დაკავშირებით ერთ მოზრდილ ციტატას კიდევ მოვიყვანთ: „გულწრფელად, ახალგაზრდული უშუალობითა და გატაცებითაა დაწერილი ლ. თაბუკაშვილის პიესა „ჭრილობა“. მაგრამ ახალბედა დრამატურგი გა-

მოდევნებია იაფფასიან ეფექტურ უცდია გარკვეულიყო ისეთი თხზში, როგორცაა მკვლევარი მიზეზი და მკვლელის ფსიქოლოგია, რისთვისაც, სამწუხაროდ, თავი ვერ გაურთმევია. ამიტომაც სპექტაკლში საკმაოდ ბევრი მონგონილი, ფსიქოლოგიურად შეუმზადებელი ადგილია. ავიღოთ თუნდაც მკვლევლობის ეპიზოდი: რომანტიკულად კი ყლერს, მაგრამ დაუჯერებელია, რომ დასანმარებლად გაწვდილი ხელის გამო მკვლელს შეეძლო სასიკვდილო დარტყმა ეგემებია ჭაბუკისათვის. რომელიც ცდილობდა ფათერაქს აეცდინა იგი, და ეს ხდება მაშინ. როცა კონფლიქტი თითქმის ჩამქრალია. მხატვრულობის ცნებას სცილდება თვით მკვლელის, ასევე რეჟისორ-კონტრაქტორის ცდა ბოროტმოქმედება გადააბრალონ მთელ საზოგადოებას, მკვლელი კი მის უდანაშაულო მსხვერპლად გამოიყვანონ. ამიტომაც მკვლელის საკმაოდ გრძელი, მხატვრულად დაუჯერებელი, ყალბი პათეტიკური მონოლოგი საწინააღმდეგო რეაქციას იწვევს მაყურებლებში, იქ, სადაც ტრაგიკული, დაძაბული მომენტი უნდა იქმნებოდეს, დარბაზში სიცილი გაისმის — მაყურებელს არ სჯერა. ეს კი ყველაზე საშინელი რამ არის, როგორც დრამატურგის, რეჟისორის, ისე მსახიობისათვის“.

სწორედ ამაზეა ნათქვამი, ფიცი მწამს, ბოლო მაკვირვებსო. თუ კი პიესას, წერილის ავტორის მტკი-

ცებით, ამდენი ხარვეზი აქვს, განა შეიძლება იგი „გულწრფელად, ახალგაზრდული უშუალობითა და გატაცებით“ დაწერილი იყოს და „მეტად საგულისხმო მოვლენად“ მივიჩნიოთ? ან როგორ უნდა გავიგოთ ყოველივე ამის შემდეგ ასეთი დასკვნა: „...ახალგაზრდებმა იგრძნეს, რომ მათ შეუძლიათ თავიანთი მხრებით აიტანონ (სად აიტანონ? ა. ს.) მაღალიდებული და მაღალმხატვრული სპექტაკლი, თუ ამის საშუალებას მისცემს კარგად დაწერილი პიესა“.

პ. ჯორბენაძე სავსებით სამართლიანად შენიშნავს, რომ „...სპექტაკლის ლიტერატურული ნაწილი, ე. ი. დრამატიული ტექსტი სპექტაკლის ძარღვს წარმოადგენს, განაპირობებს მის აკვარგია-ნობას. მაყურებელზე ზემოქმედება თვით ტექსტში უნდა იყოს ჩაქსოვილი. თეატრში ყველაფერი დრამატურგიით იწყება. ამიტომაც ამ ხელოვნებას დრამატიულ ხელოვნებას უწოდებენ“.

კეთილი და პატიოსანი, მაგრამ აი, რა წერია იქვე, მომდევნო აბზაცში: „რაც შეეხება ა. გეწაძის პიესას „გზა, ყარამანს ცოლი მოჰყავს!“ უფრო გასართობი კომედიია, ვიდრე პიესა, სადაც დასმული იქნებოდა სოციალური ედრადობის სერიოზული თემა. მაგრამ მხიარული მიუზიკლის ფორმით გადაწყვეტილი ეს სპექტაკლი... კარგ შთაბეჭდილებას ტოვებს, მაყურებელმაც გულთბილად მიიღო იგი...“

არა, ყველაფერი, რასაკვირვე-

ლია, რიგზე ვერაა ამ ციტატის მაგრამ თქვენ აწი ნახეთ რა მოხდება. იქვე, თორიდე სტრუქტურაში შემდეგ პ. ჯორბენაძე აცხადებს: „...მაგრამ ასეთი სპექტაკლით მაყურებელთა ესთეტიკურ დონეს ვერ ავამაღლებთ“... და კიდევ სხვა ადგილას: „თეატრი მხოლოდ გასართობი ადგილი კი არ არის, როგორცაა სხვა მასობრივი სანახაობანი — ცირკი, ფეხბურთი და სხვა“.

განა შეიძლება იმის შემდეგ, როდესაც იტყვი: „სპექტაკლი კარგ შთაბეჭდილებას ტოვებს, მაყურებელმა გულთბილად მიიღო იგი“, ესეც დაუმატო: „მაგრამ ასეთი სპექტაკლით მაყურებელთა ესთეტიკურ დონეს ვერ ავამაღლებთ“.

შეიძლება შემოგვედაონ, ის, ვინც ეს სპექტაკლი გულთბილად მიიღო, ავტორის სიტყვები რომ ვიხზართ, „დაბალი ესთეტიკური დონის მაყურებელია“ და მას ანგარიში კი არ უნდა გავუწიოთ, არამედ გავაკრიტიკოთ. მაგრამ რა ვუყოთ წინადადებას — „სპექტაკლი კარგ შთაბეჭდილებას ტოვებს“ — ის ხომ მაყურებლის პოზიცია არაა, ავტორისეული დასკვნაა. ესე იგი, კარგი შთაბეჭდილება შეიძლება ცუდი შთაბეჭდილებაც იყოს?

იქნებ არც ღირდეს იმაზე ლაპარაკი, რომ სპექტაკლი „ნატურის თვალი“ ბათუმის თეატრში არ დადგმულა (ალბათ, ლაპარაკია „თვალი პატიოსანზე“), მაგრამ უშენიშნოდ ვერ დავტოვებთ

ავტორის მოსაზრებას იმის თაობაზე, რომ თეატრი „მაყურებელს განმუხტავს ემოციური სტრესისაგან“. როგორც უცხო სიტყვათა ლექსიკონი განმარტავს, ინგლისური სიტყვა სტრესი ქართულად ძაბვას, დაძაბვას ნიშნავს და არის „ცხოველური ორგანიზმის სპეციფიკური ფიზიოლოგიური რეაქცია („დაძაბვა“), რომელიც წარმოიშობება სხვადასხვა არახელსაყრელი ფაქტორის (სიცივის, შიმშილის, ტრავმის და მისთ.) საპასუხოდ“. ჩვენ გვჯერა, კონტექსტში ავტორი მხოლოდ და მხოლოდ ემოციურ დაძაბვას გულისხმობს, მაგრამ მაშინ საკითხავია, თეატრმა ემოციური დაძაბვისაგან მაყურებელი უნდა განმუხტოს თუ პირიქით, დამუხტოს?

როგორც პ. ჯორბენაძე გვაუწყებს, „...თვით თეატრის ხელმძღვანელობა იძულებულია აღიაროს, რომ თეატრის რეპერტუარი გავსებულია გარეშე თუ ადგილობრივი დრამატურგების იდეურად და მხატვრულად არასრულყოფილი პიესებით“. „გარეშე“ ავტორებს, ალბათ, გარეშე დამცველი გამოუჩნდება, ხოლო რაც შეეხება „ადგილობრივ“ დრამატურგებს, მათი მისამართით სიტყვა „გავსებულია“ და ძრავლობითი რიცხვი არ გამოდგება, რადგან წინასწარ გამოცხადებული „წმენდის“ შედეგად ამჟამად ბათუმის თეატრის რეპერტუარში ფაქტიურად ერთადერთი ადგილობრივი ავტორის პიესაა (რასაკვირველია, არასრულყოფილი! იდეურად და

მხატვრულად სრულყოფილ პიესებს, როგორც დავინახეთ, ადგილობრივი კი არა, გარეშე ავტორებიც ვეღარ წერენ). ეს ცხოველურია, თორემ **განა შეიძლება დრამატურგების დაყოფა გარეშე და ადგილობრივ ავტორებად?** ჩვენი აზრით, არიან მხოლოდ კარგი და ცუდი დრამატურგები, ისევე როგორც არიან კარგი და ცუდი რეჟისორები, კარგი და ცუდი რეცენზენტებიც.

სამართლიანია წერილის ავტორის გულისწყრომა ზოგიერთი უპასუხისმგებლო, უნიჭო მსახიობის მიმართ, მაგრამ უსამართლოდ გვეჩვენება ბრალდება თეატრალური ინსტიტუტისადმი, რომელიც, თურმე, „იძულებულია“ გასცეს დიპლომები. აქვე ასეთ მსჯელობასაც მოისმენთ: „...თეატრალური ინსტიტუტის დამთავრება, ამ ინსტიტუტის დიპლომი თავისთავად ბევრს არაფერს ამბობს... ჩვენ ხომ საქმე გვაქვს შეზოქმედებასთან, ქმნადობასთან, ახლის შექმნასთან, რასაც ვერავითარი ინსტიტუტი ვერ დაასწავლის ადამიანს“. ავტორი უფრო შორს მიდის და ასეთ „გაბედულ“ კითხვასაც სვამს: „**საჭიროა კი საერთოდ თეატრალური ინსტიტუტი?**“ და მის სანაცვლოდ თეატრებთან სტუდიების შექმნას გვთავაზობს.

დასასრულ კიდევ ერთი ციტატა.

„...ხშირად ლაპარაკობენ პოლონეთში ინტენსიური თეატრალური ცხოვრების შესახებ, სადაც მაყურებლის პრობლემა თითქმის

არც კი დგას. საქმე იმაშია, რომიგი, ჩვეულებრივი დრამატურგის, სწავლება? პოლონურ თეატრს მასურებელი ბავშვობიდანვე ეზრდება... სკოლებში შემოღებულია თეატრალური დრამატურგის სავალდებულო სწავლება“.

ჩვენ, რასაკვირველია, არ გამოვედგინებთ სტატიის ავტორის კომპენტენტურობას პოლონური თეატრის შეფასებაში, მაგრამ რა საჭირო იყო აქ მაინცადამაინც პოლონეთის დამოწმება? განა რომელ თეატრს არ ეზრდება ბავშვობიდან მასურებელი, განა რომელ სკოლაში არაა შემოღებული „თეატრალური დრამატურგის“, ესე

ის, სწავლება? ზემოთ აღნიშნული შენიშვნების მიუხედავად, როგორც უკვე ვთქვით, პ. ჯორბენაძის წერილში „ეპოქა, თეატრი, მასურებელი“ ბევრი საინტერესო მოსაზრებაა გამოთქმული და ამიტომ უმართებულო იქნებოდა ავტორისეული სიტყვების განმეორება „ყოვლის მცოდნე“ თეატრალების, ე. წ. „ვისტუპლენცების“ მისამართით, „ვისტუპლენცების“, რომლებიც გამოსვლებში თუ სტატიებში ცდილობენ გვიჩვენონ თავიანთი ერთდიცია, გვაგაჩნობინონ, რომ ყველაფერი იციან...

რ ე ღ ა მ ა ც ი ი ს ა პ ა ნ

რამდენად ობიექტური და მართებულია აღ. სამსონიას შენიშვნები, მკითხველმა განსაჯოს. უურნალში ახალი განყოფილება „პოლონია“ იმით შემოვიღეთ, რომ სადავო საკითხებზე თავისუფლად გამოითქვას აზრი და მკითხველი უფრო დავაინტერესოთ ლიტერატურისა და ხელოვნების აქტუალური პრობლემებით.

ქართული თეატრის, კერძოდ, ილია ჭავჭავაძის სახელობის ბათუმის სახელმწიფო თეატრის ავ-კარგზე, შემოქმედებით გზებზე პ. ჯორბენაძის წერილში დაწყებულ სჯა-ბაას ვაგრძელებთ. იმედი გვაქვს, რომ თეატრის მოღვაწეები, მწერლები, მასურებლები არსებული მდგომარეობის ანალიზის საფუძველზე წამოაყენებენ პოზიტიურ მოსაზრებებს და თეატრს ხელს შეუწყობენ მის წინაშე დასმული ამოცანის წარმატებით გადაწყვეტაში.



იოსებ ბაქიჩიშვილი

სხალთის ტაძარი — ჩვენი სიამაყე

სხალთა არაერთმა მოგზაურმა, ისტორიკოსმა და არქიტექტორმა ნახა. მას გაეცნო ქრისტიანული ძეგლების ცნობილი მკვლევარი, ისტორიკოსი პრასკოვია უვაროვაც და საინტერესო ცნობები შემოგვინახა. მნიშვნელოვანია აგრეთვე გ. ყაზბეგის, დ. ბაქრაძის, ც. გაბაშვილის, რ. მეფისაშვილისა და სხვათა ცნობები.

1874 წელს გ. ყაზბეგს აქ ორი ვალავანი უნახავს.¹ 1888 წელს პ. უვაროვას კი — ერთი. ვალავანის კონტრაფორნები ისეთივე ტიპის ყოფილა, როგორც კალდახვარას ეკლესიისა (აფხაზეთი).² ტაძრიდან მდინარეში ქვის კიბე

ჩადიოდა, რომლის კვალი დღესაც შეიმჩნევა.

უვაროვას უნახავს წაგრძელებული ფორმის დიდი შენობის ნანგრევები, მათ შორის ბრტყელი, თლილი ფილები, კარ-ფანჯრების ლილვები, ნიშები და სხვა არქიტექტურული დეტალები, რომელთა დახვეწილობაზე იგი საგანგებოდ მიუთითებდა. ამ დანგრეული ნაგებობის გარდა სხალთაში სხვა მოშლილი შენობებიც ყოფილა. ერთ-ერთი ოთხკუთხა შენობის შუაგულში ისტორიკოსს რამდენიმე ქვევრი უნახავს. ალბათ, ამიტომაც მას იგი სარდაფად მიუჩნევია.³

უვაროვა სპეციალურად ჩერდება მთავარი ტაძრის დასავლე-

1 გ. ყაზბეგი აჭარის შესახებ. ბათუმი, 1960 წ. გვ. 93.

2 Материалы по археологии Кавказа, М., 1894 г. Вып. 4, стр. 41.

3 იქვე, გვ. 41.

თის კარიბჭესთან მიშენებულ ნაგებობაზეც, რომლის მხოლოდ ფუნდამენტი დახვედრია. მას მკვლევარი აკლამად მიიჩნევდა, მაგრამ იქვე დასძენდა, რომ ამ ნაგებობას სხვა დანიშნულების ოთახიც უნდა ჰქონოდაო.⁴ ეს დასკვნა იქიდან გამოაქვს, რომ ნაგებობის შუაში კედელი აღემართათ, რომელიც ორ ნაწილად ჰყოფდა მას, ხოლო კარები აქედან პირდაპირ აკლამაში გადიოდა. შესაძლოა, შენობის ამ ნაწილში სამრეკლო იყო და მოსახლეობას რომ ეგი თავშეყრისათვის არ გამოეყენებინა, თურქებმა დაანგრეს.

საყურადღებოა გ. ყაზბეგის ცნობაც. „გალავანს გარეთ ძველ შენობათა ნანგრევები ჩანს. ერთი ასეთი ნანგრევი ორსართულიანია. დაბლა, მიწისქვეშა სართულში შემონახულია მიწაში ჩაფლული ოთხი დიდი ქვევრი. ადვილი მისახვედრია, რომ აქ მარანი ყოფილა“, წერს იგი.⁵ არქიტექტორი ც. გაბაშვილი კი მიუთითებს: „მონასტრის ნაგებობათა შორის შედარებით კარგადაა შემონახული დიდი დარბაზული ეკლესია“, რომელიც მშვენივრად თლილი ნაცრისფერი ანდეზიტითაა მოპირკეთებული⁶ (ხაზი ჩვენია. — ი. ბ.). ცხადი ხდება, რომ სხალთა ნა-

გებობათა კომპლექსს წარმოადგენდა და დიდი საკულტო, თან გამაგრებული სამხედრო ნიშნულების ცენტრი იყო, რომლისაგან ჩვენამდე მხოლოდ მთავარმა ტაძარმა მოაღწია.

მას უფაროვა არასრული ბაზილიკის (წაგრძელებული, სწორკუთხა ნაგებობა, რომელიც სამ ნაწილად იყოფა) ტიპს აკუთვნებს. შენობას ორფერდა კრამიტის სახურავი ჰქონდა, აღმოსავლეთით შეიღწახნავოვანი საკურთხეველი წამოზიდულიყო. ტაძრის სიგრძე 24,5, ხოლო განი 14 არშინია, ვკითხულობთ პ. უვაროვას ნაშრომში. მას გარედან, სახურავს ქვევით პროფილირებული კარნიზი უვლიდა. კარიბჭე სამხრეთისა და ჩრდილოეთის მხრიდან გაეკეთებინათ. მეცნიერს მხედველობიდან არ გამოჩენია მათი მდიდრული არქიტექტურული გაფორმება, მშვენიერი მოჩუქურთმება, ფართო თალისებური ფორმა და პილასტრების სიდაბლე. სამხრეთის კარიბჭეს, რომელიც დღემდე შემონახა, იგი ლიხნის (აფხაზეთი) ეკლესიისას ამსგავსებს. ტაძარს საჭირო რაოდენობის სარკმელები და სინათლის შემოსასვლელი სპეციალური ნახვრეტები აქვს, მათ შორის ერთი ისრისებური, ანუ მავრიული ტიპისა.

ტაძარი შიგნიდან ჩვენს წინაპრებს ნაცრისფერი და რუხი თლილი ქვის ფილებით მოუპირკეთე-

4 იქვე, გვ. 44
5 გ. ყაზბეგი აჟარის შესახებ, ბათუმი, 1960 წ. 93-94.
6 ც. გაბაშვილი, პორტალები ქართულ არქიტექტურაში, თბილისი, 1955 წ. გვ. 33.

ბიათ. როგორც თალი, ისე კედლები, კარები, სარკმელები და მათ შუა სივრცეები თვალის მომპრე-ლი ფერებითა და ჩუქურთმებით დაემშვენებინათ. სხვათა შორის, მეცნიერს ტაძრის ბათქაშის ქვეშ ბევრ ადგილას აღმოუჩენია პირ-ველი მოხატულობის კვალი ამოკ-ვეთილი ქვაზე, რაც მეტად საყუ-რადლებოა. კამარა სამი ნაწილისა-გან შედგება, ამბობს პ. უვაროვა. კედლები სამშვერილიანი პილას-ტრებითაა დამშვენებული, რომ-ლებსაც ფართო და ღრმა ნიშები აქვთ. პილასტრები კედლებიდან საგრძნობლად გამოწეულია და ისინი კამარის საბჯენ თალებს იკა-ვებენ. იატაკი მას არ დახვედრია.

პ. უვაროვა ბევრი დიდებული ქრისტიანული ტაძრის მნახველი და აღმწერია. სხალთას იგი თით-ქოს აღტაცებაში არ უნდა მოეყ-ვანა, მაგრამ პირიქით მოხდა: ში-გნითა მოხატულობა გამოარჩია მაღალი ოსტატობით, დახვეწი-ლობით, გემოვნებით, მრავალფე-როვნებითა და სწორი კომპოზი-ციური განლაგებით.

სხვათა შორის, ფრანგ ორიენ-ტალისტ უან მურიესაც არ გამოორ-ჩა ყოველივე ეს. იგი 1884 წელს ეწვია სხალთას. „კარ-ფანჯრების ჩარჩოები, — წერს მურიე, — სვეტები და ჩუქურთმები გასაო-ცარი ოსტატობით არის შესრუ-ლებული. შიგნით ეკლესია მხატვ-

რობითა და ხუცური წარწერე-ბით არის დაფარული“.

პ. უვაროვას გადმოცემით კურთხევის თაღს ტახტზე მკდო-მი მაცხოვრის სურათი ამშვენებ-და, რომელსაც ხელში სახარება ეჭირა, ტანთ კი ლურჯწითელი ფერის კვართი ეცვა. ირგვლივ ზე-ციური მსახურნი, ქერუბინები მო-ჩანდნენ.

ქრისტეს ფიგურა უზარმაზარი დაეხატათ.

გ. ყაზბეგის ცნობით მას ხელში ხუცურად დაწერილი წიგნი ეჭი-რა. ამ სურათს ხელოვანის ნიჭი, გემოვნება და მონდომება არ აკლ-და და უფლის განდიდების ყველა ნიშანი ესვა. ამას კი გამომეტყვე-ლების საუცხოვო გამოსახვით მი-აღწიესო, შენიშნავს პ. უვაროვა. ქრისტეს ამგვარი წესით დახატვას იგი უძველესად და საუკეთესოდ მიიჩნევს.

საკურთხეველის სარკმელს შუა ნაწილი წმინდანების ფიგურებით შეემკოთ. მათ უკან ნათლად მო-ჩანდა იერუსალიმის კედლები და-მახასიათებელი კოშკებით, ალა-ყაფის კარებითა და სხვა. ქვევით იდგნენ წმინდანები თეთრი ჯვრე-ბით ხელში. ეს გასაკვირი არაა, რადგან ძველად იერუსალიმის გა-მოსახვა ყველა ქრისტიანული სა-კულტო დაწესებულებისათვის სა-ვალდებულო იყო.

შემდეგ უვაროვა ტაძრის კამა-

7 უ. მურიე, ბათუმი და ქორთხის აუ-ზი, ბათუმი, 1962 წ., გვ. 41.

რის ცენტრალური ნაწილის მოხატულობას ეხება. პირველ მონაკვეთში ფერისცვალება აღებუქდათ. მაცხოვარი თეთრ ტანსაცმელში გამოეწყოთ, ამასთან ახლოს მოსე იდგა გადახრილი თავითა და გაწვილი ხელებით.

სამხრეთით პირველი ფრესკის ქვემოთ ლურჯ ფონზე აესახათ იერუსალიმს შესვლა. ეს სცენა ისეთივე საინტერესო და მდიდრული ორნამენტებითა და მოტივებით იყო დამშვენებული, როგორც რუსეთში იციანო. მას მისდევდა სამი სცენა: მარცხნივ — უდას ამბორი, შუაში — გოლგოთა ჯვრით, რომელზეც ქრისტე აწამეს, მარჯვნივ — კი ჯვარცმა. აქ იდგნენ დედალვთისა მარიამ მავდალინელი და იოანე. ქრისტეს წელზე თეთრი ნაჭერი ერტყა, ფეხებით ფიცარს ეყრდნობოდა. მას გამომეტყველება მეტად მშვიდი ჰქონდა და ტანჯვა-წამების არავითარი კვალი არ ესვა. ამ კომპლექსს ისეთივე ფონი ამშვენებდა, როგორც უკვე განხილულ იერუსალიმის კედლების ამსახველ სურათებს. აქაც ფუნჯის ოსტატებს ქართული წარწერა გაეკეთებინათ.

ტაძრის კამარის მეორე მონაკვეთს ამკობდა ფრესკები ანუ სცენები: ფეხთბანა, მეძავი ქალი ქრისტეს წინაშე და საიდუმლო სერობა. ქვემოთ აღებუქდათ ქრისტეს სასწაულთა ამსახველი სურათები, კერძოდ, განკურნვა. წარწერა აქაც ქართული იყო, რაც ერთხელ კი-

დევ ადასტურებს იმას, რომ ფერწერის ოსტატები ქართველები იყვნენ.

ტაძრის მესამე თაღზე ვას უნახავს „სულიწმინდის მოფენა“. აქვე იყო სცენები: ხარება, მარიამისა და ელისაბედის შეხვედრა, ლაზარეს აღდგინება, ჯვრის ზიდვა, მირქმა, ნათლისღება და ქრისტეს შობა, მწყემსთა თაყვანისცემა და მოგვთა სვლა.

ჩვენს სახელოვან წინაპრებს ბვალისმოგპრელი ტილოებით დამშვენებინათ ტაძრის სხვა ადგილებიც. დასავლეთის შესასვლელის თავზე ეხატა „ვედრება“, აქვე იყო მაკურთხებელი, ხოლო ღვთისმშობელი და იოანე ნათლიმცემელი — თაღში. შავ ფონზე მოყვითალო ფოთლები მოჩანდა. ამ ნამუშევარს მკვლევარი ტბეთის (თურქეთის ფარგლებშია, სხალთის მოპირდაპირე მხარეზე) ტაძრისას ამსგავსებს, ცალკეული მოტივები კი რუსული ეკლესიების ორნამენტს წააგავსო.⁸ ასე, მაგალითად, საკურთხევლის ნიშის ქვევითა ნაწილი სარტყელებითა და ვარსკვლავებით მოეხატათ, ფონი კი თეთრი მანდილისა ჰქონდა, რაც რუს ფერმწერთა საყვარელი ფორმააო. საერთოდ, სხალთისა და ტბეთის ტაძრების სკულპტურული, არქიტექტურული მსგავსება უფრო ნათლად შეიძინევა, ვიდრე ფრესკული ფერწერა, ამასთან სამცხის ეკლესია-ტა-

8. Материалы по археологии Кавказа, В. 4, стр. 46.

ძრების ორნამენტირება ისეთივეა, როგორც სხალთაში. მოხატულობაში კი დიდი სხვაობა იგრძნობოდა. ზარზმის ტაძრის სურათები და ყვავილთა კომბინაციები უფრო უხეში ყოფილა, ვინემ სხალთისა.

საინტერესოა ზ. კიკინაძის ცნობებიც. სხალთის ტაძარი პარხალისას (თურქეთშია) წააგავს, ცოტათი — თბილისის ანჩის ხატისას, სამივე შესავალ კარს გუმბათები მცხეთის ტაძრის მსგავსი აქვსო.

ტაძარი „მთლად მოხატულია შესანიშნავი მხატვრობით“, რომლის დიდი ნაწილი დავარაყებულია ოქროსფრად. ამშვენებს ხუცური წარწერებიც. „ასეთი მშვენიერი მხატვრობა არ მინახავს“, თბილისის სიონის ტაძრის მხატვრობის შედარება ამასთან არ შეიძლება. ესაა ძვირფასი განძი ჩვენი წარსულისა, ძვირფასი საკუთრება ჩვენის მამა-პაპის ხელოვნებისა, რაც ცხადად მეტყველებს ქართველთა ჩინებულ წარსულზეო,⁹ ამბობს ზ. კიკინაძე.

კანკელი, ჯვრები, ხატები და სხვა რამ უფაროვას სხალთაში არ დახვედრია. ცხადია გაიტაცეს ან გადამალეს. აკი სხალთელებს გ. ყაზბეგისათვის უთქვამთ, რომ მათი წინაპრები უკანასკნელ ქრისტიან ეპისკოპოსთან ერთად იმე-

რეთში გადასახლდნენ და თან წაიღეს ხატები და სხვა ნივთებიო.¹⁰

ცნობილი ეთნოგრაფი მ. წულაძეც ხაზს უსვამს ამ უკანასკნელს. „აჭარა-ქობულეთის გამაჰმადიანების დროს აკეთს მრავალი გამოქცეული შემოხიზნია და თან თავიანთი ეკლესიებიდან ხატები და სხვა ნივთებიც მოუტანიათ. ამ ნივთებში მეტად ძვირფასი ყოფილა მაცხოვრის ხატი. ლუგა ოქრო იყოვო, ამბობდნენ მოხუცებულები, კიდევ თეთროსნის ღვთისმშობელი, თეთრი ოქრო-მარგალიტებით გაჭედილი. ბეგ ხიმშიაშვილს უთქვამს: ის ხატები ჩემი სალოცავები იყო, თავდგირიძეებმა წაიღეს და უკან უნდა დაგვიბრუნონო.“¹¹

მკვლევარი ქრ. შარაშიძე შენიშნავს, რომ მე-16 საუკუნიდან და უფრო ადრეც, თურქეთის ექსპანსიის საფრთხის გაძლიერებასთან დაკავშირებით მესხეთიდან, რომელშიც აჭარა შედიოდა, გურიისაკენ მიედინებოდა მატერიალური კულტურის ძეგლებისა და ადამიანების განუწყვეტელი ნაკადი.“¹²

ახლა გავეცნოთ იმას, თუ რას ამბობენ მეცნიერები ტაძრის აგების თარიღის შესახებ. 1878 წელს სხალთას ცნობილი ისტორიკოსი დ. ბაქრაძე ეწვია. იგი ჯერ ტაძარს

10 გ. ყაზბეგი აჭარის შესახებ, გვ. 92.

11 ა. წულაძე, ეთნოგრაფიული გურიის, თბ., 1971 წ., გვ. 238.

12 სამხრეთ საქართველოს ისტორიის მასალები, 15-16, ს. თბ., 1961 წ., გვ. 71.

9 ზ. კიკინაძე, მუსლიმანი ქართველობა და მათი სოფლები საქართველოში, თბ., 1913 წ. გვ. 173.

გაეცნო, შემდეგ კი მასზე არსებულ მასალებს და განაცხადა, რომ ტაძარი „ქართული ხუროთმოძღვრების აყვავების ხანას მე-10-12 საუკუნეებს“ განეკუთვნებაო.¹³ ეს აზრი გაიზიარა გერმანელმა მკვლევარმა ტ. კლიუგემ, რომლის ნაშრომი საქართველოს ხუროთმოძღვრების ძეგლებზე 1918 წელს გამოიცა ბერლინში.

საქართველოს მატერიალური კულტურის ძეგლების კარგი მცოდნის, აკადემიკოს ნ. სევეროვის მიერ 1947 წელს მოსკოვში გამოცემულ ქართულ ხუროთმოძღვრების ალბომში სხალთის ტაძარი მე-11 საუკუნის ძეგლადაა მიჩნეული,¹⁴ ხოლო ისტორიის მეცნიერებათა კანდიდატი დ. დიასამიძე და გეოგრაფიის მეცნიერებათა დოქტორი პროფესორი ნ. ნიჟარაძე მე-12 საუკუნეს მიუთითებენ,¹⁵ ხელოვნებათმცოდნე რ. მეფისაშვილი კი წერს, რომ ტაძრის მშენებლობა მე-13 ს. შუა წლებს უნდა განეკუთვნებოდესო, რაც მხოლოდ არქიტექტურული მოსაზრებიდან გამოაქვს. იგი პ. უვაროვას ცნობებს არ გასცნობია, რომელთა გარეშე ძნელია ძეგლის აგების თარიღის სწორი განსაზღვრა.

13. Д. Бакрадзе, Археологическое путешествие по Гурии и Аджаре СПб. 1878 г. стр. 57.

14. Памятники грузинского зодчества, М. 1947 г. стр. 192 и таблица № 92.

15 დ. დიასამიძე, ნ. ნიჟარაძე, აჭარის ასსრ, თბ., 1967 წ., გვ. 48.

საერთოდ, მეფისაშვილი, აქაიკ თვითონვე უარყოფს თავისივე ნათქვამს. „ფასადების დეკორატიული მორთულობის ის სხვაობა, რომელიც სხალთას ახასიათებს, მე-11-12 საუკუნეებიდანაა ცნობილი... ჩვენთვის საინტერესოა ჩრდილოეთი ფასადის კედელში ჩატანებული ქვა, რომლის ჩუქურთმების მოტივი მე-10 მე-11 საუკუნეთა მიჯნით თარიღდება... ამ ავე საუკუნეების ძეგლებში (მე-10-11 ს. — ი. ბ.) ვხვდებით ჰორიზონტალური სარტყლის გავლებას კამარისა და კონქის ქუსლის ქვეშ“, რაც სხალთასაც აქვს. ან კიდევ — „სხალთის ტაძრის თაღები თავისი ზოგადი ფორმებით მე-9-10 საუკუნეების ძეგლების თაღებს უახლოვდება... სხალთის ტაძრის დარბაზული ეკლესიის ფორმა — შვერილი მეხუთე საუკუნიდან გვხვდებაო“,¹⁶ რაც, ცხადია, ტაძრის სიძველეზე მიგვითითებს.

ჩვენ ეს ნარკვევი სარეცენზიოდ ცნობილ ხელოვნებათმცოდნეს, აკადემიკოს ვ. ბერიძეს გადავეცით. მეცნიერი არა თუ გაეცნო მას, ტექსტიც გაგვიმართა და თავისი მოსაზრებაც გამოთქვა: — რადგან პირდაპირი წერილობითი საბუთი ხელთ არა გვაქვს, უნდა დავეყრდნოთ თვით ძეგლის ანალიზს. მისი არქიტექტურული ფორ-

16 რ. მეფისაშვილი, სხალთის ხუროთმოძღვრული ძეგლი, ქართული მატერიალური კულტურის ძეგლები აჭარაში, ბათუმი, 1955 წ., გვ. 86.



რმები, პროპორციები, ჩუქურთმა — ყველაფერი ეს ტაძარს აკავშირებს სწორედ მე-13 საუკუნესთან და უფრო ამ საუკუნის შუა წლებთან, წერს პატივცემული მეცნიერი.

გამოდის, ამგვარი არქიტექტურული ფორმები, პროპორციები და ჩუქურთმა საქართველოში მე-13 საუკუნემდე არ არსებულა, რაც, ჩვენი აზრით, უფრო სავარაუდოდ, საორიენტაციო უნდა იყოს. ბევრი ისტორიული გარემოება, არგუმენტი ადასტურებს, რომ ტაძარი ადრე მე-12 ს. მინც უნდა იყოს აგებული.

„ცნობილია, რომ სამხრეთ საქართველო ჯერ კიდევ 8-9 ს. დაიფარა შესანიშნავი ეკლესია-მონასტრების ქსელით. მძლავრი სამონასტრო მეურნეობის აღორძინებასთან ერთად სწორედ ამ კუთხეში მოიმაგრა ფეხი სრულიად საქართველოს მეფის ხელისუფლებამ“, წერს ქრ. შარაშიძე.¹⁷

ამასვე შენიშნავს პ. ინგოროყვა. აშოტ I-ის დროს, რომელიც 896-918 წლებში მეფობდა, დასავლეთ მესხეთის თანდათან გაშენებასთან და „მსოფლიო ერისკაცთა დასახლებასთან ერთად ძველს გავერანებულ სოფლებში გაგრძელდა წინათ დაწყებული (ხაზი ჩვენია. — ი. ბ.) კოლონიზაცია.“¹⁸ დასავლეთ საქართველო-

ში, მით უფრო დასავლეთ მესხეთში, რა თქმა უნდა, აჭარვეს და დიოდა.

საყოველთაოდ ცნობილია, რომ აშოტი განაგებდა შავშეთ-არტანს, სამცხესა და აჭარას, რომლებიც ერთმანეთს არა თუ ესაზღვრებოდნენ, არამედ ერთი სამთავროს, სამეფოს შემადგენელ ნაწილს წარმოადგენდნენ. ამიტომაც აშოტის დროს თუ არა, მომდევნო საუკუნეებში რომ აჭარასაც ფართოდ მოედებოდა „სამონასტრო კოლონიზაცია“, საერთოდ მშენებლობა, მტკიცებას არ საჭიროებს.

მემატინანე სუმბატ დავითის ძის ცნობით აშოტმა აღაშენა გუმბათიანი დიდმშვენიერი ტბეთის ტაძარი და პირველ ეპისკოპოსად სტეფანე დასვა.¹⁹ აღსანიშნავია, რომ უკვე მე-9 ს. აჭარის რელიგიური დაწესებულებანი ამ საეპისკოპოსოს ემორჩილებოდნენ. ისიც ცნობილია, რომ ტბეთში რეზიდენცია ჰქონდათ აჭარის ერისთავებს, საქართველოს ცენტრალური მეფეებისადმი ერთგულებით განთქმულ აბუსერიძე ტბელებს, რომელთა წინაპრები ისტორიულ წყაროებში 1028-1030 წელს უკვე მოიხსენიებიან.²⁰

ამ დინასტიამ არაერთი გამოჩენილი პიროვნება მისცა საქართველოს, მათ შორის მწერალი და ასტრონომი აბუსერიძე ტბელი,

17 სამხრეთ საქართველოს ისტორიის მასალები, 15-16 ს., გვ. 85.

18 პ. ინგოროყვა, გ. მერჩულე, თბ., 1954 წ., გვ. 47-48.

19 იქვე, გვ. 12.

20 ლ. მუსხელიშვილი, აბუსერიძე ტბელი, თბ., 1941 წ. გვ. 17, 24.

რომელმაც 1233 წელს დაწერა „ბოლოკ-ბასილის მშენებლობა შუარტყალში და აბუსერიძეთა საგვარეულო მატთანე“, აგრეთვე ასტრონომიული ტრაქტატი „ქორონიკონი სრული მისითა საუწყებელთა და განგებითა“ და საგალობლები. მ. ჯანაშვილი მას „ხვარაზმელთა ისტორიასაც“ მიაწერს.²¹

ამ ნაშრომებით მტკიცდება, რომ იმხანად აჭარაში მრავლად იყვნენ მშენებელი ოსტატები, რომლებიც არა თუ საქართველოს სხვადასხვა კუთხეებში მოღვაწეობდნენ, არამედ მის ფარგლებს გარეთაც. ორი ცხმორისელი (ქედის რ-ნი) ხელოსანი შორეულ და უცხო სპარსეთშიც კი წასულა. აღსანიშნავია, რომ თვით ცნობილი ხუროთმოძღვარი ბოლოკ ბასილი აჭარის მკვიდრი იყო. მან შუასაბრტყალის ტაძარი 1155-1160 წლებში ააგო. ისიც ცნობილია, რომ ზარზმის ეკლესიის ასაგებად ხელოსნები აჭარიდან მიიწვიეს. ვახუშტი არაერთხელ შენიშნავდა, რომ აჭარის მკვიდრნი განთქმული არიან ხითხურობითა და სხვა ხელოსნობით.²² აკადემიკოსი ივ. ჯავახიშვილიც მიუთითებდა, რომ „თანამედროვე მკვლევარი ამ პატარა თხზულებაშიაც (აბუსერიძე ტბელის — ი. ბ.) ძვირფას ცნობებს იბოვის მრეწველობისა და ხელოვნების შესახებ საქართველოში,

მრავალს სააღმშენებლო ხელობისა და იარაღების ტერმინებს სხვა“.²³

ეროვნული
საბჭოთაო
მეცნიერებათა
აკადემია

აჭარას, განსაკუთრებით ზემო ნაწილს რომ მართლაც ოდითგანვე ჰქონდა რელიგიურ, სამხედრო და სამოქალაქო ნაგებობათა კომპლექსი, ამას არაერთი სხვა ძეგლიც მეტყველებს. სხალიდან 20 კმ. დაშორებით მდებარეობს ხიხანის ციხესიმაგრე, სადაც აბუსერიძე ტბელმა თავისი უკვდავი ნაწარმოებები შექმნა, ააგო ეკლესია.²⁴ 1045 წელს ხიხანს მისი ბაბუა აბუსერი განაგებდა.²⁵

ამ რაიონში იყო აგარის ტაძარი, რომელიც 1888 წელს პ. უვაროვამ თაღამონგრეული ნახა, გაასუფთავა და კიდევაც აღწერა. აქ აღმოჩენილ კანკელს, ქრისტესა და წმინდა გიორგის ბრინჯაოს ხატებს იგი მაღალ შეფასებას აძლევს. აკადემიკოსმა შ. ამირანაშვილმა ისინი მე-11-12 საუკუნეებით დაათარიღა.²⁶

ამ რაიონში ბევრია სხვა ციხესიმაგრეების, ეკლესიების, ქვის ხიდებისა და სხვათა ნანგრევები, ხშირად ნახულობენ მნიშვნელოვან ქრისტიანულ საგნებს, რომე-

23 ივ. ჯავახიშვილი, ძველი ქართული საისტორიო მწერლობა, თბ., 1945 წ., გვ. 243.

24 ლ. მუსხელიშვილი, აბუსერიძე ტბელი, გვ. 5, 6, 67.

25 ქაროლის ცხოვრება, ტ. 1, თბ., 1955 წ., გვ. 300.

26 ა. ჩაუღლიშვილი, ი. ბეჭირიშვილი, აგარის ტაძრის საუნჯე, უფრ. „საბჭოთა ხელოვნება“, 1971 წ., № 11, გვ. 33.

21. Сборник материалов по описанию местностей и племен Кавказа, т. 35, стр. 125, 143. Тиф., 1905 г.

22 ვახუშტი, გეოგრაფია, გამოცემა მ. ჯანაშვილისა, გვ. 225.

ლთა ნაწილი ამშვენებს აჭარის სახელმწიფო მუზეუმს. მაგალითად, ს. ვერნების ქვა, რომელზეც მოხსენებულია ტბელის ახლო ნათესავები.²⁷

სხალთის სიძველეზე ისიც მიუთითებს, რომ იგი მდებარეობს ისეთ საკვანძო ადგილას, სადაც ერთმანეთს ზედებოდნენ არა მარტო აჭარა-სამცხის, შავშეთის, კოლა-არტაანისა და ჯავახეთის, არამედ მთელი ქართული, სომხური და ბიზანტიური რელიგიური, ეკონომიური და პოლიტიკური ინტერესები. ამას ისიც განაპირობებდა, რომ აქ საზღვარი და საერთაშორისო საქარავენე გზები გადიოდა. ასე რომ, სხალთა ადგილობრივი მოსახლეობის, ვაჭრებისა და ჯარის თავშეყრის ცენტრი იყო. მართლაც მათ სადღაც ხომ უნდა გაეთიათ ღამე, მიეღოთ საკვები, შეესრულებინათ რელიგიური რიტუალი. ამასთან ეს ხეობა ბუნებრივ-კლიმატური პირობებითა და სტრატეგიული თვალსაზრისითაც გამოირჩეოდა. ამიტომ იყო, რომ, როგორც ვთქვით, თავისი რეზიდენცია აქ აბუსერიძე ტბელებსა და ხიმშიაშვილებსაც ჰქონდათ. მკიდროდ მცხოვრები მოსახლეობა ახლაც მისდევს მესაქონლეობას, მევენახეობას, მეხილეობას, მემინდვრეობას, აქვთ საზაფხულო საძოვრები, ქვის საშენი მასალა, მდიდარი ტყე.

27 ლ. მუსხელიშვილი, აბუსერიძე ტბელი, გვ. 23.

აღსანიშნავია, რომ ქართული უნიკალური ხელნაწერის სულთა მატრიანე“ სწორედ ამ დროს, სახელდობრ მე-11-12 საუკუნეებში შეადგინეს აჭარაში. ეს დოკუმენტიც მეტყველებს, რომ იმხანად კულტურა და ხელოვნება მართლაც ყვაოდა ჩვენს მხარეში.

კიდევ ერთი გარემოება გვაფიქრებინებს, რომ ტაძარი მე-13 საუკუნემდეა აგებული. თამარ მეფის გარდაცვალების შემდეგ საქართველოს, კერძოდ, აჭარის საშინაო თუ საგარეო მდგომარეობა ხვარაზმელთა, მონგოლთა და თურქთა თარეშის შედეგად საგრძნობლად შეირყა. აბუსერიძეც კი შენიშნავს, აჭარელთა განხიზნვა მასობრივი გახდა.²⁸

ხვარაზმელთა თარეშმა აჭარის ერისთავები აბუსერიძეებიც დააქვეითა როგორც ეკონომიურად, ისე პოლიტიკურად, საკუთარი მიწებიც კი დაკარგეს და აბა ტაძრის აშენებისა თუ თუნდაც მოხატვისათვის ვინ მოიცილიდა. ახლა ყველაფერი საზღვრების დასაცავად ან ხარკის გადასახდელად იყო საჭირო. ცხადია, ასეთ ვითარებაში ყველა აბჯარასხმული იქნებოდა. სამშობლოს დაცვის სამზადისი კი ოდნავადაც არ იგრძნობოდა ტაძრის შიგნით მოხატულობაში, რადგან იგი არა საომარ განწყობილებაში, მშვიდობიან დროს გა-

28 ლ. მუსხელიშვილი, აბუსერიძე ტბელი, გვ. 15-16.

აკეთეს. ამას ისიც უნდა ადასტურებდეს, რომ მე-13 საუკუნეში ვითარება საქართველოსა და ბიზანტიას შორისაც დაიძაბა და აბა ქართველები თავიანთ ტაძარში ბერძნულ წარწერებს. ამასთან ასე უხვად რატომ ვააკეთებდნენ.

სხალთას აბუსერიძე ტბელი თავის ნაშრომებში არ მოიხსენიებს. ცხადია, მის დროს, ე. ი. მე-13 ს. პირველ ნახევარში არ შენდებოდა. ასე რომ არ ყოფილიყო იგი, რა თქმა უნდა, უთუოდ იტყოდა „შენდებოა“. შეუძლებელია აბუსერიძეს არაფერი ეთქვას ტაძარზე, რომელსაც მის თვალწინ, ამასთან საგვარეულო მამულში აგებდნენ. ასე რომ ყოფილიყო, მშენებლობის წამომწყები ან ხელმძღვანელი, ცხადია, თვითონ იქნებოდა და ამ მნიშვნელოვან ფაქტს იგი გვერდს არ აუვლიდა. აკი შენიშნავს, რომ ძმების დავალებით მან ააშენა წმ. გიორგის ეკლესია ხიხანში, „სალოცველად გარდასრულთა ჩუენთა და ცოცხალთა და მშობელთა ჩუენთა“,²⁹ ხოლო მისი დის დაკვეთით მეზობელ სოფელში მახარობლის ეკლესია შენდებოდა.

ამ ყურადსაღები მასალებიდან გამომდინარე შემონახული ტაძარი შეიძლება მე-12 საუკუნეს მივაკუთვნოთ და მის აღმშენებლებად აქარის ერისთავ აბუსერიძე ტბე-

ლის წინაპრები მივიჩნიოთ. ამასთან ვლინდება, რომ სხალთაში მძლავრი ქრისტიანული საკულტურო თუ სხვა დანიშნულების კენტიონი მანამდეც არსებობდა. ჩვენ უკვე მოვიყვანეთ პ. უვაროვას, გ. ყაზბეგის, ც. გაბაშვილის ცნობები იმის შესახებ, რომ სხალთაში რამდენიმე ნაგებობა არსებობდა, მათ შორის ისეთი, როგორც დღემდე შემონახა, ორ ერთნაირ შენობას ერთ და იმავე დროს ერთ ადგილას, ცხადია, არ ააგებდნენ. ეტყობა, ძველი ტაძარი დაინგრა, ან დაანგრიეს, რის გამო მის მეზობლად ახალი ააგეს, რომელმაც დღემდე მოაღწია.

სხალთა რომ ძველი და ცნობილი ცენტრი იყო, ამაზე წყაროებიც მეტყველებენ. 1392 წლის დეკემბერს მეფე გიორგი მეშვიდეს მიერ შედგენილი სიგელით მცხეთის სვეტიცხოველის სამფლობელოები და ეკლესია-ტაძრები ყველა გადასახადისაგან გაუთავისუფლებიან, მათ შორის „თათრების ულუფიდან“ და „მუღმივი ულუფიდან“. გათავისუფლებულებს შორის მოხსენებულია სხალთის ტაძარი,³⁰ რომელიც მაშინ არტაანის ოლქში შედიოდა. სხალთა მოხსენიებულია აგრეთვე მეფე ალექსანდრეს სიგელშიც. იგი 1412-1442 წლებში განაგებდა ქვეყანას.

29 იქვე, 33. 67.

3. ბერიძე, ძველი ქართული ოსტატები, თბ., 1967 წ., გვ. 12.

30. С. Какабадзе, Грузинские документы института народов Азии, М. 1967 г. стр. 146-147.

სხალთის დაქვემდებარება მცხეთის კათედრისადმი, მისი ხსენება ცნობილი ეკლესია-ტაძრების გვერდით და გადასახადებისაგან განთავისუფლება ბევრის მთქმელი ფაქტია. ეს მის დამოუკიდებლობასა და სიძლიერეს მეტყველებს.

გ. ყაზბეგის ცნობით სხალთა ეპისკოპოსის ადგილსამყოფელს წარმოადგენდა. აკადემიკოსი კ. კეკელიძე და ლ. მუსხელიშვილი

აბუსერიძეს ტბეთის ეპისკოპოსად მიიჩნევდნენ, რის გამო „მტვერადა“ უნდა იწოდებოდეს. მისი წიგნი „ტბელის“ სახელითაც მოიხსენიებიან სხვებში.³¹

დაგვრჩენია გამოვთქვათ სინაზული იმის გამო, რომ ეს ტაძარი, მნიშვნელოვანი ეროვნული ძეგლი სათანადოდ არ არის მოვლილი. ის უდავოდ იმსახურებს მეტ ყურადღებას.

31 ლ. მუსხელიშვილი, აბუსერიძე ტბელი, გვ. 24.

მეთა თორაძე

პროფესიულ-ტექნიკური განათლების სისტემაში მომზადებული კადრები

სკკპ ოცდამეოთხე ყრილობამ დაჭირდა სცნო მეცხრე ხუთწლედში პროფესიულ-ტექნიკური განათლების სისტემის მეშვეობით ცხრა მილიონი კვალიფიციური მუშის მომზადება. საქმე მხოლოდ რაოდენობრივ მხარეს როდი ეხება. ჩვენი ქვეყნის ეკონომიური განვითარების თანამედროვე ეტაპზე განსაკუთრებული ყურადღება ეთმობა მუშათა კლასის თვისობრივი შემადგენლობის სრულყოფას. სწორედ ამიტომ სწრაფი ტემპით იზრდება იმ პროფესიულ-ტექნიკურ სასწავლებელთა ქსელი, რომლებიც ახალგაზრდობას პროფესიასთან ერთად სრულ საშუალო განათლებას აძლევენ.

ამჟამად, როცა პარტია უდიდეს ყურადღებას უთმობს სახალხო მეურნეობის ეფექტიანობის მკვეთრ ამაღლებას მეცნიერულ-ტექნიკური პროგრესის დაჩქარე-

ბის საფუძველზე, მუშათა კლასის ზოგადსაგანმანათლებლო და ტექნიკური დონის ზრდა განსაკუთრებული მნიშვნელობის ამოცანად ისახება.

სკკპ ცენტრალური კომიტეტის გენერალურმა მდივანმა ლ. ი. ბრეჟნევემა კომკავშირის მეჩვიდმეტე ყრილობაზე თქვა: „ჩვენ დაჭირდა ჩვეთვალეთ მნიშვნელოვნად გაგვეფართოებინა ქსელი ისეთი პროფესიულ-ტექნიკური სასწავლებლებისა, რომელთა კურსდამთავრებულნი, პროფესიასთან ერთად იღებენ ზოგად საშუალო განათლებას. უკვე ამ ხუთწლედის დამლევსათვის ჩვენს ქვეყანაში ერთიორად გაიზრდება ასეთ სასწავლებელთა რიცხვი“.¹

სოციალისტურ საზოგადოებაში მშრომელი კაცი განსაკუთრებული

1 ვაზ. „საბჭოთა აჭარა“, 1974 წ., № 80.

ყურადღებითა და ზრუნვით არის მოსილი. ამის შესახებ ამხანაგი ბრეჟნევი ამბობს: „ჩვენს ქვეყანაში ოდითგანვე ხალხს ყველაზე საპატიოდ მიაჩნია ოსტატის, ხელმარჯვის წოდება. ჩვენ კიდევ უფრო უნდა ავამაღლოთ პატივისცემა ამ წოდებისადმი“. და შემდეგ: „დადგება დრო და პროფესიულ-ტექნიკური სასწავლებლის ბევრი ახლანდელი აღსაზრდელი გახდება მოწინავე მუშა, წარმოების ნოვატორი, შრომის გმირი, საწარმოების, სახალხო მეურნეობის მთელი რიგი დარგების ხელმძღვანელი“...²

პროფესიულ-ტექნიკური განათლების სახელმწიფო სისტემის აღზრდილი მრავალი ათასი მუშა სპეციალისტი უკვე იქცა წარმოების ნოვატორად, ინჟინრად, ხელმძღვანელ მუშაკად. ისინი წარმატებით შრომობენ და ხელმძღვანელობენ სახალხო მეურნეობის დარგებს.

საქართველოს პროფესიულ-ტექნიკური განათლების სისტემის სასწავლებლების აღზრდილთა შორის არაერთმა გაითქვა სახელი რესპუბლიკაში და მის ფარგლებს გარეთაც. მათ ყველა საწარმოში შეხვდებით, მაგრამ პირველ რიგში — სახალხო მეურნეობის გამწყვეტ დარგებში.

პროფესიულ-ტექნიკური სასწავლებლები და რესპუბლიკური სახელმწიფო კომიტეტი მკიდ-

როდ არიან დაკავშირებული თან-ვიანთ ყოფილ აღსაზრდულებთან. ასე, მაგალითად, საქართველოს სსრ მინისტრთა საბჭოს პრეზიუმის სიულ-ტექნიკური განათლების სახელმწიფო კომიტეტის კოლეგიის 1965 წლის 26 იანვრის დადგენილებით კომიტეტის საპატიო სიგელებით დაჯილდოვდნენ თბილისის № 31 და 38 პროფესიულ-ტექნიკური სასწავლებლების ყოფილი აღსაზრდელები — 38 კაცი, რომელთაც განსაკუთრებით გამოიჩინეს თავი შრომაში სასწავლებლის დამთავრების შემდეგ. მათ შორის არიან თბილგაზის მთავარი ინჟინერი შ. მ. კობალეიშვილი-ქარხანა „მიკროძრავას“ ტექნიკური განყოფილების უფროსი ვ. პ. გელაშვილი, თბილისის ელექტროდებოს მეელმავლე გ. ი. ლიკაძე და სხვები.

სსრ კავშირში ომის წლებში შრომითი რეზერვების სასწავლებლების მიერ მომზადებული 2 მილიონ 480 ათასი მუშა სპეციალისტიდან 600 ათასი გაიგზავნა სამხედრო ქარხნებში, 310 ათასი ტრანსპორტზე, 180 ათასი ქვანახშირის მრეწველობაში, დანარჩენები კი სახალხო მეურნეობის სხვა დარგებში.

შრომითი რეზერვების სახელმწიფო სისტემამ საბჭოთა ქვეყნის მუშათა კლასს კარგი შევსება მოუშადა. მრავალმა მათგანმა მნიშვნელოვანი კვალი დააჩნია სოციალისტური და კომუნისტური მშენებლობის ისტორიას. სახელმწიფო პრემიის პირველ ლაურეატებს.

² იქვე.

შორის 34 პროფესიულ-ტექნიკური სასწავლებლების აღზრდილი იყო. სსრ კავშირის პროფესიულ-ტექნიკური განათლების სისტემის 25 წლისთავზე, 1965 წლის ოქტომბერში პროფესიულ-ტექნიკური სასწავლებლების აღზრდილთაგან 109 კაცს მიენიჭა სოციალისტური შრომის გმირის წოდება.

მრავალი სახელოვანი ადამიანი გამოზარდეს საქართველოს პროფესიულ-ტექნიკურმა სასწავლებლებმაც. მათ შორისაა თბილისის სალოკომოტივო დეპოს მემანქანე-ინსტრუქტორი გრიგოლ ალექსანდრეს ძე ბოგვერაძე. მან 1945 წელს დაამთავრა თბილისის რკინიგზის №1 სახელოსნო სასწავლებელი ელმავლის მემანქანის თანამემწის სპეციალობით და მალე დაწინაურდა როგორც მძიმეწონიანი მატარებლების ტარების ოსტატი, ნოვატორი. იგი დიდი შონდომებით გადასცემდა თავის მდიდარ გამოცდილებას ახალგაზრდა მემანქანეებს. სამშობლომ მაღალი შეფასება მისცა მის ღვაწლს. 1959 წელს გ. ბოგვერაძეს მიენიჭა სოციალისტური შრომის გმირის წოდება.

რესპუბლიკაში ფართოდ გაითქვა სახელი თბილისის აბრეშუქსაქსოვი კომბინატის მოწინავე მქსოველმა ეთერ ბეგლარის ასულმა სოლომონიამ. მან 1955 წელს დაამთავრა თბილისის №36 პროფესიულ-ტექნიკური სასწავლებელი და მალე პირადი მაგალითით აღატრთოვანა ფაბრიკის მუშა-ახ-

ალგაზრდობა. მისი მოწოდებით გაიშალა მოძრაობა მხოლოდ მაღალხარისხოვანი პროდუქტების მოშვებისათვის, მოწყობილობის უკეთ გამოყენებისა და წარმოების მაღალი კულტურისათვის. ეთერ სოლომონია არჩეულ იქნა სსრ კავშირის უმაღლესი საბჭოს დეპუტატად. 1960 წელს ეი მიენიჭა სოციალისტური შრომის გმირის წოდება. ამჟამად ევა მუშაობს თბილისის ერთ-ერთი პროფესიული სასწავლებლის დირექტორად.

პროფესიულ-ტექნიკური სასწავლებლების ბევრმა კურსდამთავრებულმა ასახელა სამშობლო ახალი პატრიოტული წამოწყებებით. მათ რიცხვში უნდა დავასახელოთ შოთა აკაკის ძე ფირცხალავა, რომელმაც 1946 წელს დაამთავრა თბილისის №6 პროფესიულ-ტექნიკური სასწავლებელი და მუშაობა დაიწყო თბილისის ჩარხსამეწარმე ქარხანაში ზეინკლად. 1966 წელს მას მიენიჭა სოციალისტური შრომის გმირის წოდება.

ქუთაისის ორჯონიკიძის სახელობის საავტომობილო ქარხანაში მუშაობს სოციალისტური შრომის გმირი, ამწყობი ოსებ გრიგოლის ძე ხაზარაძე, რომელმაც თავისი რაციონალიზატორული წინადადებებით ქარხანას დაუზოგა რამდენიმე მილიონი მანეთი. ი. გ. ხაზარაძემ 1949 წელს დაამთავრა ქუთაისის №4 სახელოსნო სასწავლებელი და პირველი შრომითი ნათლობაც იქვე მიიღო. იგი ერთ-

ერთი პირველი გამოვიდა ქუთაისის ავტოქარხანაში წარმოების ეკონომიის ხარჯზე შვიდწლედის ფონდის შექმნის ინიციატორად. ამ ღონისძიებამ საგრძნობლად შეამცირა პროდუქციის თვითღირებულება და დაეხმარა კოლექტივს ქარხნის რენტაბელობის ამაღლებაში.

პროფესიულ-ტექნიკურმა სასწავლებლებმა რესპუბლიკას მრავალი სასახელო ქალიშვილი აღუზარდა. მათ შორის არის ქუთაისის აბრეშუმსაქსოვი კომბინატის მქსოველი ალექსანდრა ილარიონის ასული გამყრელიძე. უნდა შევნიშნოთ ერთი ფრიად საინტერესო მომენტი: პროფესიულ-ტექნიკური სასწავლებლების კურსდამთავრებულნი დროის მცირე მონაკვეთში კარგად ეუფლებიან პროფესიას და იმსახურებენ კოლექტივის პატივისცემას. ამის ერთ-ერთ ნათელ გამოვლენებას წარმოადგენს ა. ი. გამყრელიძის მაგალითი. მან 1959 წელს დაამთავრა ქუთაისის № 37 პროფტექნიკური სასწავლებელი, ხოლო 1966 წელს მოიპოვა სოციალისტური შრომის გმირის წოდება.

პროფესიულ-ტექნიკური სასწავლებლების ბევრმა კურსდამთავრებულმა ასახელა სამშობლო იმის მძიმე წლებში. მაგრამ მათი ძირითადი სარბიელი მაინც შრომის ფრონტი იყო და არის. ამ ფრონტის არმიის მებრძოლთა რაზმების მომზადებას ემსახურება პროფესიულ-ტექნიკური განათლების სი-

სტემა და ყოფილმა აღსაზრდელებმაც სწორედ აქ გამოიჩინეს თავიანთი უნარი.

ამ პლედის ერთ-ერთი მწველია ჩინო წარმომადგენელია პავლე ალექსანდრეს ძე წერეთელი. მან 1943 წელს დაამთავრა ზესტაფონის № 9 სახელოსნო სასწავლებელი და მიიღო ხარატის პროფესია. შემდგომ მისი ცხოვრება მჭიდროდ დაუკავშირდა ქართველ მეტალურგთა ახალგაზრდა ქალაქ რუსთავს. აქ მილსაგლინავ საამქროში რიგითი მუშიდან იგი დაწინაურებულ იქნა საამქროს ოსტატად, საამქროს უფროსის მოადგილედ, შემდგომ კი ვეებერთელა საამქროს უფროსად.

პ. ა. წერეთელი თავიდანვე გამოირჩეოდა საზრიანობითა და საქმის სიყვარულით. გამუდმებით ეძიებდა, აყენებდა რაციონალიზატორულ წინადადებებს. მან მონაწილეობა მიიღო იმ ჯგუფის მუშაობაში, რომელმაც მილსაგლინავი „დგან-400“-ის ავტომატიზაციისათვის ლენინური პრემია დაიმსახურა 1962 წელს. ამ გამოგონებამ ქარხანას დიდძალი მოგება მოუტანა.

ფართოდ არის ცნობილი თბილისის ვ. ი. ლენინის სახელობის ელმავალმშენებელი ქარხნის ზეინკალთა კომუნისტური შრომის ბრიგადა, რომელსაც თბილისის № 31 პროფესიულ-ტექნიკური სასწავლებლის აღზრდილი გურამ შალვას ძე ჩადუნელი ხელმძღვანელობს. მან 1954 წელს დაამთავრა

სასწავლებელი. ბეჭითი შრომი და აქტიური საზოგადოებრივი საქმიანობით კოლექტივის სიყვარული და ნდობა დაიმსახურა, 1966 წელს აირჩიეს სსრ კავშირის უმაღლესი საბჭოს დეპუტატად.

პროფესიულ-ტექნიკური სასწავლებლების არაერთმა აღზრდილმა დიდი და სახელოვანი გზა გაიარა რიგითი მუშიდან წარმოების ხელმძღვანელამდე. მაგალითად, თბილისის № 7 სამკერვალო ფაბრიკის დირექტორად დაწინაურებულ იქნა გიორგი კლიმენტის ძე ჭოლაძე, რომელმაც ადრე თბილისის № 5 ტექნიკური სასწავლებელი დაამთავრა. საქართველოს კომპარტიის ცენტრალური კომიტეტის გამომცემლობის წარმოების უფროსად დაინიშნა მგვქვა-ვი ვახტანგ იოსების ძე მენთეშაშვილი, რომელმაც ადრე თბილისის № 4 ტექნიკური სასწავლებელი დაამთავრა.³

გვიჭრობთ, ინტერესს მოკლებული არ იქნება თუ გავისხენებთ ერთ ფაქტს ჩვენი ქალაქის წარსულიდან. ბათუმის სახელოსნო სასწავლებელში სწავლობდა და იგი 1891 წელს დაამთავრა გამოჩენილმა მოქანდაკემ, ქართველი ერის სასიქადულო შვილმა აკობ ნიკოლაძემ. ასე რომ, პროფტექნიკურ სწავლებას ქ. ბათუმში კარგახნის ისტორია აქვს.

დღეს ბათუმის პროფესიულ-ტექნიკური სასწავლებლის ერთი მსხვილი საბაზო საწარმოო ბათუმის მანქანათსაშენი ამ საწარმოში სასწავლებლის აღობით ყოფილი აღსაზრდელი შრომობს. საკმარისია ითქვას, რომ 1962 წლიდან დღემდე სასწავლებელმა ქარხანას მისცა 452 სხვადასხვა პროფესიის მუშა.

დღეს ამ სახელმოხვეჭილი ქარხნის კოლექტივის მოწინავეთა შორის ბევრია ჩვენი ყოფილი მოსწავლე.

მიხეილ სამსონის ძე დუნდუა ქარხანაში მუშაობს 1945 წლიდან, ითვლება საუკეთესო ზენკალ-ამწყობად, დააწინაურეს საწარმოო სწავლების უფროს ოსტატად. 1958 წელს არჩეულ იქნა სსრკ უმაღლესი საბჭოს დეპუტატად. წარმოებისაგან მოუწყვეტლად დაამთავრა საქართველოს სასოფლო-სამეურნეო ინსტიტუტი ინჟინერ-მექანიკოსის სპეციალობით.

ვლადიმერ ალექსანდრეს ძე დოლიძე ქარხანაში მოვიდა 1955 წელს. არის მეექვსე თანრივის წამყვანი ხარატი, მუშაობს პირადი დამლით, არის კომუნისტური შრომის დამკვრელი. ქარხანაში უმწიკვლო მუშაობისათვის დაჯილდოვებულია შრომის წითელი დროშის ორდენით. შეტანილი აქვს 8 რაციონალიზატორული წინადადება, რამაც ქარხანას მისცა თვალსაჩინო ეკონომია.

დამსახურებული სახელითა და

3 М. Чихладзе, Е. Ткебучава, Молодое поколение рабочего класса Грузии, Тб., 1968 г., ст. 89.



ავტორიტეტით სარგებლობენ ბათუმის პროფტექნიკური სასწავლებლის კურსდამთავრებულნი ბათუმის გემსაშენი ქარხნის დიდ, მეგობრულ, მრავალეროვან კოლექტივშიც. დავასახელებთ მხოლოდ ერთს — ავთანდილ ალექსანდრეს ძე მამეიშვილს. იგი მუშაობდა ხარატად. 1962 წელს ქარხანამ თავისი ხარჯით გავზავნა თბილისის პოლიტექნიკურ ინსტიტუტში, რომელიც დაამთავრა 1967 წელს და დაინიშნა ქარხანა-

ში ინჟინრად, სულ მალე წინაურეს ექსპერიმენტულის უფროსად.

პროფესიულ-ტექნიკური განათლების სისტემაში აღზრდილთა შრომით მამაცობაზე უამრავი მაგალითი მოტანა შეიძლებოდა. მაგრამ ჩამოთვლილი ფაქტებიც ნათლად მოწმობენ პროფტექნიკური სასწავლებლების პედაგოგთა და ოსტატთა კოლექტივების წარმატებას კვალიფიციური მუშათა კადრების აღზრდის საქმეში.



მამია კომახიძე

კადრების მომზადების შესანიშნავი კერა

ღვაწლმოსილი პედაგოგის ალექსანდრე ჭირაქაძის წიგნს „სასოფლო-სამეურნეო განათლების კერა აჭარაში“, რომელიც შარშან დაისტამბა ბათუმში, მოწონებით შეხვდნენ მკითხველები.

საყოველთაოდ ცნობილია, რომ მომავალი თაობის ფორმირებაში, მის ესთეტიკურ აღზრდასა და ჩამოყალიბებაში უაღრესად დიდი როლი ენიჭება სკოლას, საერთოდ, და განსაკუთრებით საშუალო სპეციალურ სასწავლებელს. სწორედ ასეთი სასწავლებელი იყო აჭარაში რიგით მესამე (პედაგოგიური და ინდუსტრიული ტექნიკუმების შემდეგ) აგრონომიული ტექნიკუმი, რომელიც დაარსდა 1925 წელს. ამ სასწავლებლის კურსდამთავრებულთ გვეამაყება, რომ სწორედ აქ მივიღეთ ცხოვრებაში

გამოსადეგი განათლებაცა და პირველი პრაქტიკული წრთობაც.¹

როგორც ავტორი აღნიშნავს, ეს ტექნიკუმი იმ პერიოდში დაარს-

1 ამ წერილის ავტორმა მამია ხარიტონის ძე კომახიძემ 1938 წელს წარჩინებით დაამთავრა ბათუმის სასოფლო-სამეურნეო ტექნიკუმი და მიიღო პირველი ხარისხის დიპლომი, იყო ტექნიკუმის კომკავშირის კომიტეტის მდივანი. ამჟამად იგი საქართველოს სსრ იუსტიციის სამინისტროს კოლეგიის წევრი და ერთ-ერთი სამმართველოს უფროსია, მინიჭებული აქვს საქართველოს სსრ დამსახურებული იურისტის საპატიო წოდება, არის იურიდიულ მეცნიერებათა კანდიდატი, ოცზე მეტი მეცნიერული შრომის ავტორი, არჩეულია იუსტიციის სამინისტროს პროფკავშირის ადგილობრივი კომიტეტის თავმჯდომარედ და პარტბიუროს წევრად, აგრეთვე სახელმწიფო დაწესებულებების მუშაკთა პროფკავშირის საქართველოს რესპუბლიკური კომიტეტის პრეზიდიუმის წევრად.

და, როდესაც პარტიის XIII ყრილობის გადაწყვეტილებათა შესაბამისად გადაუდებელ ამოცანად იყო დასახული ახალი თაობის აღზრდა სოციალიზმის სულისკვეთებით, სოფლად მუშაობის ისეთი საკითხების მოგვარება, როგორც არის კოლექტიურ მეურნეობათა ორგანიზაციის ფორმები, შრომის ორგანიზაცია სასოფლო-სამეურნეო კოოპერაციის საქმიანობასთან დაკავშირებით და სხვა, რათა უზრუნველგვეყო სოციალისტური სექტორის გამარჯვება.

იმ პერიოდში, როდესაც ჩვენს ქვეყანაში, კერძოდ აჭარაში, განსაკუთრებით შეიმჩნეოდა სოფლის მეურნეობის სპეციალისტების სამცხრე, ახლად დაარსებული აგრონომიული ტექნიკუმის წინაშე დიდი სახელმწიფოებრივი მნიშვნელობის ამოცანა იდგა—მას ღირსეული კადრები უნდა აღეზარდა დასავლეთ საქართველოს სოფლის მეურნეობისათვის.

თუ ტექნიკუმი თავიდანვე მოწოდების სიმაღლეზე იდგა როგორც აკადემიური წარმატებით, ისე შეგნებული დისციპლინით, ეს იმის შედეგი იყო, რომ ის დაკომპლექტდა საუკეთესო პედაგოგებით, რომლებიც თავიანთ ცოდნას, გამოცდილებას, ენერგიას დაუხარებლად ახმარდნენ მოსწავლეთა განათლების სრულყოფას. სწორედ ასეთი პედაგოგები იყვნენ ალ. მიქელაძე, ალ. ჭირაქაძე, ი. ნინიძე, ა. სიხარულიძე, ს. და მ. ღობობერიძეები, ნ. გეგელია, ა. კო-

ბიძე, დ. ნადარაია, ე. თოფჩუაძე, ი. რატიშვილი, მ. ტაბლიაშვილი, კ. აბაშიძე და სხვები. ეროვნული
ნიგელიონთა

ტექნიკუმის პირველი წლების მოსწავლეებს არასოდეს დაავიწყდებათ აღმზრდელ-მასწავლებელ ალ. მიქელაძის მამაშვილური ყურადღება, მისი დაუღალავი ზრუნვა; იგი, როგორც წესი, ყოველლამე ამოწმებდა მოსწავლეებს საერთო საცხოვრებლებში, მიუხედავად იმისა, რომ საცხოვრებელი შენობები ერთმანეთისაგან დაშორებული იყო 200-300-500-1000 მეტრით.

ნაყოფიერ მუშაობას ეწეოდნენ სხვადასხვა წრეები, მაგრამ მათ შორის გამოირჩეოდა ლიტერატურის წრე, რომელსაც მასწავლებელი ალ. ჭირაქაძე ხელმძღვანელობდა. მიუხედავად იმისა, რომ ტექნიკუმი სოფლის მეურნეობის საშუალო განათლების სპეციალისტებს ამზადებდა, საერთოდ სწავლება, განსაკუთრებით კი ქართული ენისა და ლიტერატურისა, ისეთ მაღალ დონეზე იყო დაყენებული, რომ პედაგოგიურ სასწავლებელს არ ჩამორჩებოდა. შემთხვევითი არ იყო, რომ ამ ტექნიკუმის კურსდამთავრებულნი მუშაობდნენ პედაგოგებად, პრესის მუშაკებად და ა. შ. ქობულეთის რაიონში პედაგოგიურ საქმიანობას ეწეოდნენ ტექნიკუმში აღზრდილები: დ. მყავანაძე, ა. გოგიტიძე, ს. ჭანკურიძე და სხვები. აკ. ხვინგია, რომელიც ამ ტექნიკუმის პირველ გამოშვებას ეკუთვნოდა.

მუშაობდა კომკავშირის აჭარის საოლქო კომიტეტის ორგანოს გაზეთ „ახალგაზრდა ლენინელის“ რედაქტორად, ხოლო შემდეგ ბათუმის რაიონის გაზეთ „კოლმეურნეობის გზის“ რედაქტორად.

შრომის ავტორი სამართლიანად აღნიშნავს, რომ ტექნიკუმმა დაკისრებული ამოცანა წარმატებით შეასრულა, სამშობლოს აღუზარდა 1.800-ზე მეტი საშუალო კვალიფიკაციის სპეციალისტი.

ამ ტექნიკუმში სწავლობდნენ სხვადასხვა ეროვნების წარმომადგენლები — ქართველები, რუსები, სომხები, აფხაზები, ბერძნები და სხვები, საქართველოს სსრ თითქმის ყველა კუთხიდან. ამდენად მკითხველისათვის დიდად საინტერესო იქნებოდა თუნდაც მარტო სტატისტიკური მონაცემებით გაეგო ეს 1.800-ზე მეტი კაცი სად მოღვაწეობს, მით უმეტეს, როგორც ავტორი აღნიშნავს, ტექნიკუმს კურსდამთავრებულებთან ჰქონია, როგორც წერილობითი, ისე ცოცხალი კავშირი. ეს შენიშვნა იმიტომ გავაკეთეთ, რომ სარეცენზიო შრომაში ლაპარაკია იმ კურსდამთავრებულებზე, რომლებიც ახლო-მახლო რაიონებში იღვწიან, ძირითადად — აჭარაში, განსაკუთრებით კი ქობულეთში.

ტექნიკუმში სასწავლო-აღმზრდელობითი მუშაობა, ახალგაზრდობის კომუნისტურად აღზრდის საქმე მაღალ დონეზე იყო დაყენებული და შემთხვევითი არ არის, რომ აქ აღზრდილთაგან ბევრს

გვხვდებით ხელმძღვანელ საბჭოთა, საბჭოთა, კომკავშირულ სა-მუშაოზე, სახელმწიფო უწყისებებში, ლობის, კულტურისა და ხელოვნების სხვადასხვა დარგში.

საქართველოში კვ აჭარის საოლქო კომიტეტის პირველ მდივნად წლების განმავლობაში მუშაობს ალ. თხილაიშვილი, აჭარის ასსრ მინისტრთა საბჭოს თავმჯდომარის მოადგილედ — დ. თებიძე.

აწ განსვენებულნი მ. ყურშუბაძე და დ. გირკელიძე მუშაობდნენ აჭარის ასსრ სოფლის მეურნეობისა და ტექნიკური კულტურების მინისტრებად.

ალ. გოგიტიძე ჯერ მუშაობდა აჭარის ასსრ სოფლის მეურნეობის მინისტრად, შემდეგ კი საქართველოს კვ ქობულეთის რაიკომის პირველ მდივნად. იგი ამჟამადაც წარმატებით განაგრძობს მუშაობას ქ. ბათუმში.

ეს ტექნიკუმი აქვთ დამთავრებული რესპუბლიკის დამსახურებულ მხატვარს დ. ინაიშვილს, ცნობილ პოეტს მ. ვარშანიძეს, ქ. ბათუმის № 1 საშუალო სკოლის დირექტორს დ. მახარაძეს, ლანჩხუთის რაიონის საშუალო სკოლის ისტორიის მასწავლებელს ვ. კუკულავას. ეს ტექნიკუმი ჰქონდა დამთავრებული აწ განსვენებულ რესპუბლიკის დამსახურებულ არტისტს ს. კაიკაციშვილს. ტექნიკუმის კურსდამთავრებულებმა წარმატებით დაიცვეს მეცნიერებათა კანდიდატის სამეცნიერო ხარისხი და განაგრძობენ სამეცნიერ-

რო მოღვაწეობას. ასეთებია: თ. დემეტრაძე, თ. ახვლედიანი, ალ. ბაუჯაძე, რ. ბერიძე და სხვები. ო. ახვლედიანი და ა. ბაუჯაძე ბათუმის სახელმწიფო პედაგოგიური ინსტიტუტის დოცენტებია და რამდენიმე სამეცნიერო შრომის ავტორები. აწ განსვენებული დოცენტი შ. სირაძე საქართველოს სსრ სასოფლო-სამეურნეო ინსტიტუტის ლექტორი იყო, ჰქონდა რამდენიმე მეცნიერული შრომა და სტუდენტთა დიდი სიყვარულით და ავტორიტეტით სარგებლობდა.

ამ ტექნიკუმის დამთავრების შემდეგ სოფლის მეურნეობაში ცნობილი ადამიანები გახდნენ და სოციალისტური შრომის გმირის წოდება მიენიჭათ ქობულეთის რაიონის დაგვის კოლმეურნეობის თავმჯდომარეს გ. ანდრიადის და აწ. განსვენებულ ს. ჭანკურიძეს. ამ ტექნიკუმის აღზრდილია ქობულეთის რაიონის ხუცუბნის კოლმეურნეობის თავმჯდომარე ვ. ბაჯელიძე, რომელიც დაჯილდოებულია ლენინის ორდენით და სსრ კავშირის უმაღლესი საბჭოს ორი მოწვევის დეპუტატი იყო.

სად არ შეხვდებით ამ ტექნიკუმის კურსდამთავრებულებს. ორ ათეულ წელზე მეტია ახალციხის რაიონის სოფლის მეურნეობის სამმართველოს უფროსად მუშაობს ვ. გოგიბერიძე, საქართველოს სსრ სოფლის მეურნეობის სამინისტროს სანერგე მეურნეობის სამმართველოს აგრონომ-დეკორატორად — შ. თაყაიშვილი. წლე-

ბის მანძილზე მახარაძის რაიონის სოფლის მეურნეობის სისტემაში ენერგიულად იღვწიან ვ. ზაქარაიძე, ვ. ცენტერაძე, ი. ბალათურია, ვ. ბოცვაძე, ე. მჭავია და სხვები.

დიდი ხანია ქობულეთის რაიონის სოფელ აჭყვისთავში კოლმეურნეობის თავმჯდომარედ მუშაობს ი. ხაბაზი, ხოლო სასოფლო საბჭოს თავმჯდომარედ რ. მემარნე. მათ სოფლის მოსახლეობის დიდი სიყვარული და პატივისცემა აქვთ დამსახურებული.

ამ ტექნიკუმმა შთაუნერგა სამშობლოს სიყვარული მის კურსდამთავრებულებს ა. გოგმაჩაძეს, რ. სანიკიძეს, შ. სირაძეს, მ. გოლიაძეს, რ. ცეცხლაძეს, ი. ხაბაზს, ს. გოგიბერიძეს, გ. ჭიმაძეს, ი. ბალათურიას და სხვებს, რომლებიც თავგანწირვით იბრძოდნენ დიდ სამამულო ომში სამშობლოს დიქსებისა და დამოუკიდებლობისათვის.

სამშობლო არასოდეს დაივიწყებს ამ ტექნიკუმში აღზრდილების მურად სანიკიძის, თემურ ბეჟანიძის, მემიშ ნინაიშვილის, აბიღინ ხარაზის, თევრათ და მემედ ცეცხლაძეების, ვ. შავიძისა და სხვების სახელებს, რომლებმაც თავი შესწირეს დიდ სამამულო ომში სამშობლოს გამარჯვების საქმეს.

ავტორი ძალიან დაწვრილებით ეხება ტექნიკუმის სასწავლო პროგრამებს, ხოლო სასწავლო აღმზრდელობითი მუშაობისა და ახალგაზრდობის კომუნისტურად

აღზრდის საქმეში პარტიული, კომკავშირული და პროფკავშირული ორგანიზაციების საქმიანობას ნაკლებ ადგილს უთმობს.

პარტიის წევრების სიმცირის გამო ზოგჯერ ტექნიკუმში პარტორგანიზაცია არც კი არსებობდა, მაგრამ სამაგიეროდ კომკავშირის ორგანიზაცია აჭარაში, და კერძოდ ბათუმის რაიონში, ერთ-ერთი ძლიერი ორგანიზაცია იყო. ტექნიკუმის ალკკ კომიტეტის მდივნებად სხვადასხვა დროს არჩეულ იყვნენ დ. მჟავანაძე, ა. ოთიაშვილი, ბ. ჯიბლაძე, მ. ვერულიძე, ს. არზიანი და სხვები. ძლიერი იყო აგრეთვე პროფორგანიზაცია: რომელიც დიდ დახმარებას უწევდა მოსწავლეებს საყოფაცხოვრებო პირობების გაუმჯობესებაში. პროფკომის თავმჯდომარეებად სხვადასხვა დროს მუშაობდნენ ა. გოგმაჩაძე, მ. ყურშუბაძე, ი. კონცელიძე, რ. ცეცხლაძე და სხვები. ეს ორგანიზაციები ტექნიკუმის დირექციასთან ერთად ყველაფერს აკეთებდნენ, რომ სათანადო სიმაღლეზე ყოფილიყო ახალგაზრდობის კომუნისტურად აღზრდის, აკადემიური წარმატების და შეგნებული დისციპლინის განმტკიცების საქმე.

საკმარისია ითქვას, რომ ტექნიკუმის პირველი ნაკადის ვადაზე ადრე გამოშვებისა და სამუშაოდ გაგზავნის ინიციატორი იყო კომკავშირის ორგანიზაცია, რომელსაც ხელმძღვანელობდა დ. მჟავანაძე.

შემდგომში დ. მჟავანაძე კავშირის ქედის რაიკომის პირველი მდივანი იყო.

როგორც შრომაშია აღნიშნული, ტექნიკუმის სასახელოდ უნდა ითქვას, რომ აქ დირექტორებად სხვადასხვა დროს მუშაობდნენ მისივე აღზრდილები: ა. მამულაშვილი, დ. გირკელიძე და რ. სანიკიძე. ტექნიკუმს ხელმძღვანელობდნენ და დიდ მზრუნველობას იჩენდნენ აგრეთვე ზ. ხარაზი, ა. სურმანიძე, მ. ჯინჟარაძე, მ. ოქროპირიძე, მ. გოგიტიძე, ი. კარტოზია. მაგრამ ტექნიკუმში სასწავლო-საადმინისტრაციო მუშაობა კიდევ უფრო ამაღლდა, სასწავლებელი კიდევ უფრო დამშვენდა და კეთილმოწყობილი გახდა ამ უკანასკნელი ორი ათეული წლის განმავლობაში, რაც ტექნიკუმს (1952 წლიდან) სათავეში უდგას საქართველოს სსრ დამსახურებული მოსწავლეები ნიკოლოზ ნიჟარაძე. ულამაზეს ადგილას, მწვანე კონცხზე, ტექნიკუმის ტერიტორიაზე აშენდა მრავალსართულიანი სასწავლო კორპუსები, შეიქმნა მდიდარი სამეურნეო, სასწავლო პრაქტიკის ბაზა. თუ ოდესმე დაისმება აჭარაში სასოფლო-სამეურნეო ინსტიტუტის დაარსების საკითხი, საამისო საფუძველი უკვე მომზადებულია.

შრომა მიძღვნილია ტექნიკუმის დაარსების 50 წლისთავისადმი და ამდენად კარგი იქნებოდა, ავტორს აღენიშნა, რომ ამ სასწავლებელში 42 წელია დირექტორის მოადგი-

ლედ და სამნეო ნაწილის გამგედ
მუშაობს 1929 წლიდან პარტიის
წევრი თეოფილე ლორია. იგი 15
წლის განმავლობაში ტექნიკუმის
პარტორგანიზაციის მდივანი იყო
და დღესაც მაღალი კომუნისტუ-
რი შეგნებულობითა და სიყვარუ-
ლით ემსახურება ახალგაზრდობის
აღზრდას.

შრომაში არის ზოგიერთი უზუ-
სტობანი; გამოტოვებულია, რომ
ამ ტექნიკუმის დირექტორის მოა-
დგილედ, სასწავლო ნაწილის გა-

მგედ 1938-1940 წლებში მუშაობდა აწ განსვენებული ომერ ბეგაშვილი
შიძე. 

ზოგიერთი ხარვეზის მიუხე-
დავად, ღვაწლმოსილი პედაგო-
გის ალექსანდრე რაჟდენის ძე ჭი-
რაქაძის შრომა „სასოფლო-სამე-
ურნეო განათლების კერა აჭარა-
ში“ მოწონებას იმსახურებს და
ტექნიკუმის მთელს კოლექტივს
აძლევს ახალ-ახალი წარმატებ-
ების მოპოვების სტიმულს.



უპრნალ „ჰოროზის“ 1974 წლის ნომრების შინაარსი

კოეზიბ

- ართილაყვა რევაზ — ლექსები, № 1, № 6.
 გამწათოვი რასულ — ლექსები, თარ-
 გმანი გ. სალუქეაძის, № 2.
 გორგილაძე ზურაბ — ლექსები, № 4.
 დავითაძე ემენ — მე ისევ მოვალ
 (ლექსი), № 2; ლექსები, № 4.
 ვარშანიძე მამია — ჩემი ხომალდი
 (ლექსი), № 3; მე მიყვარს ჩემი პლანეტა
 (ლექსი), № 4; საამწუთისოფლო (ლექსი),
 № 6.
 ზოიძე შოთა — ლექსები, № 1, № 4.
 თედორაძე დავით — ლექსები, № 5.
 მალაზონია ნესტორ — ლექსები, № 3,
 № 6.
 მუავია ქსენია — ლექსები, № 2.
 როყვა შოთა — ლექსები, № 1.
 სალუქეაძე გიორგი — პატროსნება
 (ლექსი), № 4.
 ქათამაძე ჭემალ — ლექსები, № 2, № 5.
 ხალვაში ფრიდონ — ლექსები, № 4.
 ჭაყელი ჭემალ — ლექსები, № 4.

პროზა

- გორგილაძე მიხეილ — გუბაზეულის
 წყალდიდობა (მოთხრობა), № 1, № 2.
 კლდიაშვილი სერგო — ახირებულ
 კაცი (ნოველა), № 4.
 ლორია პარმენ — ახლობლები (მოთხ-
 რობა), № 2; იქ სადაც შრომის ცეცხლი
 ანთია (ნარკვევი), № 6.
 მოდებაძე ნოდარ — ორი ფერი ერთ
 ფერში (მოთხრობა), № 3.

რომანაძე შაქრო — იმ არყის ხესთან
 (მოთხრობა), № 6.

როყვა შოთა — ოქრო მწვანე ფოთ-
 ლებში (ნარკვევი), № 3.

სურმანიძე რამაზ — პაპაჩემის ხანჯა-
 ლი (დოკუმენტური მოთხრობა), № 6.

შერვაშიძე ამირან — მატარებელში
 (მოთხრობა), № 4.

ჩხაიძე ალექსანდრე — ათი დღე ბუ-
 ლგარეთში (ნარკვევი), № 1; ჰიპოკრატეს
 ფიცის ერთგულნი (ნარკვევი), № 5.

ხალვაში ფრიდონ — დაღლილი არწი-
 ვი (ნოველა), № 6; „გიორგი ლეონიძე“
 სამ ოკეანეში (ნარკვევი), № 2; ყველაზე
 ახლიდან ყველაზე ძველი კონტინენტი-
 საკენ (რეპორტაჟი თბომაველ „გიორგი
 ლეონიძედან“), № 3.

ხოფერია ჭემალ — ჩემი უნებლიე
 არდადეგები (მოთხრობა), № 4, № 5.

პრიტიბა და კუბლიციხტიბა

ვერძაძე ნური — ზოგიერთი მოსაზ-
 რება დიალექტური ლექსიკონის შედგე-
 ნის თაობაზე, № 4.

ჭურბიძე შოთა — ანტონ ფვრცელაძე
 და დიმიტრი პისარევი, № 2; ევითხოს!
 ანუ გოგია უიშვილი როგორც ხასიათი,
 № 4.

შონია აკაკი — გამოსარჩლება, № 5.

ჩავლეიშვილი ალექსანდრე — ალექ-
 სანდრე ყაზბეგის შემოქმედება და თა-
 ნამედროვეობა, № 6.

ციცკარიძე ვიოლეტა — გატეხილი ყა-
 მირი, № 1.

035/24

წერილები

ბეჭირიშვილი იოსებ — სხალთის ტაძარი — ჩვენი სიამაყე, № 6.

გორდენიანი ნოდარ — მშრომელთა კეთილდღეობის განუხრელი ამალუბის ფაქტორი, № 5.

ვარშანიძე შალვა — აჭარის წარსულის კვლევის ისტორიდან, № 1.

თოღაძე შოთა — პროფესიულ-ტექნიკური განათლების სისტემაში მომზადებული კადრები, № 6.

ნოღაიდელი ნანული — ერთი დარგის ლექსიკა აჭარაში, № 4.

სამსონია იზო — აჭარული ჩაცმულობის ეთნოგრაფიული შესწავლისათვის, № 4.

სორდია უორა — სიტყვათა მყარი შენაერთის სტრუქტურის ძირითადი საკითხები, № 2.

სურგულაძე აბელ — ახალი მასალები ბათუმში ალ. წულუკიძის მოღვაწეობის შესახებ, № 1.

ტოტოჩავა კონსტანტინე — ზღვაოსნობისა და გემომშენებლობის განვითარება საბჭოთა აჭარაში, № 1.

ჯორბენაძე პავლე — შემოქმედი პიროვნება, № 3.

ხელოვნება

სამსონია ალექსანდრე — ერთი წერტილის გამო, № 6.

შარაშიძე ლადო — ერთი პერსონალური გამოფენის დარბაზიდან, № 3; „კოკონდა“ ჩვენთან, № 5.

ჯორბენაძე პავლე — ეპოქა. თეატრი, მაცურებელი, № 5.

ეროვნული
ბიბლიოთეკა

ჩვენი პუბლიკაციები

ლადო ასათიანის ყმაწვილკაცობის ფურცლები, № 4.

საბირა და იუმორი

ბილოუსი გრიგორი — ღორის კუდი (იუმორესკა-მოგონება), თარგმანი გ. სიხარულიძის, № 5.

ნესინი აზიზ — ქალბატონი მიიმუნი (მოთხრობა), თარგმანი ნ. ჩიჯავაძის, № 1.

როყვა შოთა — დავადადოთ ვლასას პენსიაზე გასვლა? (ლექსი), № 5.

წიგნის თარო

ახვლედიანი გივი — ქართული ხალხური პოეტური შემოქმედება, № 5.

კომახიძე მამია — კადრების მომზადების შესანიშნავი კერა, № 6.

ფუტყარაძე ა. — ამ წერილებს ქართველი მკითხველი პირველად გაეცნობა, № 2.

შანიძე კ. — სახელოვანი წარსული დღევანდელი სამსახურში, № 1; კეთილი სიტყვა სიკეთის მოსველზე, № 2.

ცინცაძე მ. — მრავალმხრივ საინტერესო კრებული, № 1.

სამეცნიერო-პოპულარული გამოკვლევები ისლამის გადმონაშთების შესახებ, № 3.

Контрольный
экземпляр
16.11.1974 г.
№ 38

ფასი 40 ჯბ.

17053



**ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ**

„ЧОРОХИ“

**ОРГАН СОЮЗА СОВЕТСКИХ ПИСАТЕЛЕЙ
ГРУЗИИ И АДЖАРСКОГО ОТДЕЛЕНИЯ
ИНДЕКС 78118**